

IZAO VE NO FAMANTARAN'NY FARANY, TOMPOKO?



Misaotra anao, betsaka indrindra, Rahalahy Neville.

Manao ahoana, ry sakaizako sarobidy. Tena faly ny tafaverina indray, izao hariva izao, ato amin'ny asan'ny Tompo, Andriamanitsika.

² [Hoy Rahalahy Neville tamin-dRahalahy Branham hoe, “Ity anankiray ity no velona, *eto*.”—Mpand.] Ity anankiray ity no... *Ity no izy*. Oh, eny Tsara izany.

³ Nihazona anareo tena ela aho, aninkeo maraina, hany ka tsapako fa tokony ho tena haingana mihitsy aho izao hariva izao. Ah-ham, ah-hah, ah-hah. Oadray, nahatsiravina toy ny ahoana ilay izy, ary nitsangana, ary mbola ratsy ilay izy izao hariva izao. Noho izany, tsy ho ela dia hahazo efitra vitsivitsy ho anareo izahay, hitanareo, vantany vao vita tanteraka ny fiangonana. Tsia, saingy tsy mikasa ny hijanona ela loatra isika izao hariva izao.

⁴ Fa, rahampitso hariva, dia mikasa ny hijanona vetivety kely isika. Rahampitso hariva, raha afaka ho tonga ny sasany aminareo, rahampitso hariva, nahoana, manantena ny banana fotoana lehibe iray ao amin'ny Tompo isika. Hisy lehilahy mahafinaritra sasantsasany eto rahampitso hariva. Isika dia, isika rehetra dia banana fotoana iray... .

⁵ [Ny rahalahin-dRahalahy Branham, Edgar Branham, dia milaza hoe, “Oh, malala, andraso! Nanana fangatahana iray hangatahana aminao aho. Adinoko ny niteny taminao. Fa, olona maro eto no nilaza fa maika foana ianao, mivoaka avy ao amin'ny favoriana. Fa rahampitso hariva dia afaka maka ny fotoana rehetra izay tianao ianao, manomboka amin'ny fito hatramin'ny roa ambin'ny folo, raha haka an'izany fotsiny ianao. Ankehitriny, izany no nangatahan'ny mpanatrika eto tamiko mba hangatahana aminao. Noho izany ankehitriny dia azavao amin'izy ireo izany, raha tsy mihevitra tahaka an'izany ianao.”—Mpand.]

⁶ Hanolotra ny fandraisana isika amin'ny misasak'alina, rahampitso hariva. Azoko antoka fa ianareo dia—ho tianareo ny banana... ho tonga miarakana amin'izany. Raha mihorakoraka sy mivazavaza, sy mihiakiaka, ary misotro ny sasany amin'izy ireo, sy ny sisa, isika dia hiondrika am-panajana fotsiny eo anatrehan'Andriamanitra [Elanelana tsy voarakipeo—Mpand.] ka handray ny fandraisana, ary hanomboka

an'ilay taona miaraka amin'ny fanomezan-tokintsika, ny fo ho an'Andriamanitra, amin'ny fanokanan-tena ho Azy.

⁷ Ary hisy mpiresaka mahafinaritra vitsivitsy eto rahampitso hariva, tena azo antoka. Hisy sasany mahafinaritra... Eto rahalahy avy any Georgia, Rahalahy Palmer, mpiresaka iray mahafinaritra. Ho eto Rahalahy Junior Jackson rahampitso hariva; Rahalahy Beeler, Rahalahy Neville. Oh, oadray, oadray! Ary mitohy sy mitohy fotsiny, ireo lehilahin'Andriamanitra mahafinaritra izay ho eto, Rahalahy Willard Collins, ary ireo rahalahy rehetra ireo izay efa nanome antsika an'ireo hafatra tena lehibe. Ary angamba hiditra ireo hafa, noho izany dia hanantena fotoana iray lehibe isika rahampitso hariva.

⁸ Ankehitriny, hoy ny vadiko hoe, "Aza lazainao izany," fa holazaiko ilay izy na ahoana na ahoana. Miala tsiny aho raha nilaza hoe *empire*, aninkeo maraina, raha tokony hoe *umpire*. [Mihomehy Rahalahy Branham sy ny fiangonana—Mpand.]

Billy, mipetraka iry aoriana iry, nanao hoe, "Io fa lasa izy."

⁹ Hoy aho hoe, "Ilay empire; [Amin'ny teny Malagasy dia fanjakana—Mpand.] tsy maintsy manana empire [fanjakana] iray izy." Ny tiako lazaina dia, umpire. [Amin'ny teny Malagasy dia mpitsara iray.]

¹⁰ Izaho dia tahaka ny nolazain'izy ireo mikasika an'ilay Hollandais iray, fantatrareo. "Ary aza raisina amin'izay lazaiko aho, fa izay tiako lazaina."

¹¹ Hoy aho hoe, "Heveriko fa mahazo ahy izy ireo, taorian'ireo taona rehetra ireo." Fantatrareo, izao dia saiky...

¹² Telopolo taona izao no naха-teo ambadik'ity polipitra eto ity ahy. Telopolo taona tato amin'ity tabernakla ity! Tokony ho nahafantatra ahy ianareo hatramin'izany fotoana izany, sa tsy izany? Oh, oadray! Azo antoka fa voafetra ny fianarako. Fa izaho—fantattro fa tsy afaka miresaka aho, saingy manao tabataba marina tokoa ho an'ny Tompo aho.

¹³ Ary, rahalahy, mino aho fa Dr. Lamsa ilay izy, an'ny Baiboly Lamsa, tao amin'ny fandikana izany, nanao hoe...

¹⁴ Niresaka aho indray mandeha, ary tsy fantattro hoe teo izy. Dia niverina izy ka niresaka mikasika ny Orima Tomima, ary avy eo dia niresaka ny amin'io Hazavana io izy. Dia hoy izy hoe, "Inona ny olana amin'ny olona amin'izao andro izao?" Dia hoy aho hoe... Hoy izy hoe, "Ny antony tsy nahafahan'ny olona, ireo mpandika, nandika ny Baiboly marina tokoa, dia niezaka ireo mpandika mba handika amin'ny Yiddish avo. Nefa Jesosy, miresaka, dia niresaka tamin'ilay kilasy tsotra, tahaka ny niresaka tamin'ireo olona an-dàlambe fotsiny."

¹⁵ Ary, fantatrareo, misy Soratra iray any amin'ny Lioka any, nanao hoe, "Ireo olona tsotra no nihaino Azy tam-pifaliana."

Niresaka tamin'ny fitenin'izy ireo Izy. Manantena aho fa tahaka an'izany ilay izy, indray.

¹⁶ Sambatra isika noho ny amin'ny Tompo. Ankehitriny, fantattro, mahita an'ireo ramatoa ireo mitsangana manodidina aho. Tena mampalahelo ny mahita lehilahy mitsangana, mamela ireo zazavavy sy zazalahy ireo hipetraka tsara, ary ireo ramatoa, sy ny sisa, mitsangana manodidina ny rindrina, ary ireo ankizy kely. Saingy, tsy manana efitra ipetrahana sahaza isika. Noho izany, mivavaka isika mba, amin'ny fotoana manaraka hananantsika an'ireo favoriana, aorian'ity herinandro ity, aorian'ity fotoana ity . . .

¹⁷ Fantatrareo, ny zavatra manaraka, araka ny fantatsika, dia ireo Tombokase Fito. Ary, raha sitraky ny Tompo, dia hanomboka eo amin'izy ireo avy hatrany mihitsy isika vantany vao mifarana ny fiangonana, voaorina, mba ahafahantsika miditra ato. Tonga isika ho an'ny fanokanan-tena iray indray. Ary angamba any ho any manomboka amin'ny iray na roa, ary angamba telo herinandro, mitohy, ny favoriana ankehitriny, ho avy ho an'ireo—ireo Tombokase Fito. Noho izany, dia manantena fotoana lehibe iray ao amin'ny Tompo isika, mandritr'izany fotoana izany. Ary isika dia . . . Ianareo olona ivelan'ny tanàna rehetra, dia halefanay ho anareo ireo karatra sy ny zavatra rehetra, ka hampahafantatra anareo marina tokoa ny fotoana, angamba herinandro iray, na roa, alohan'ny fotoana.

¹⁸ Ilay mpiantoka, araka ny nahazoako an'izay nolazain'i Billy izao hariva izao, dia hahavita amin'ny andro fahafoloni'ny Febroary. Eny, raha mahavita izy ny fahafolo, dia hanomboka eo amin'ny fahadimy ambin'ny folo isika, amin'izay fotoana izay. Noho izany, vantany vao mahavita fotsiny izy ireo, dia hanomboka eo amin'izany avy hatrany isika.

¹⁹ Niantso ahy Ranabavy Kidd antitra, vao teo, ary saiky tao anaty tomany izy. Hoy izy hoe, "Ranadahy Branham, niezaka mafy izahay ny hamelona an'ilay fiara trraininy, fa tsy velona izy. Noho izany," hoy izy, "mivavaha mba ho velona izy, ka ho tonga aho rahampitso." Dia hoy izy hoe, "Manontany aho raha afaka hahita toerana iray hijanonana?"

²⁰ Hoy aho hoe, "Aza manahy, hanana efitra iray ho anao izahay, Ranabavy Kidd, vantany vao tonga ianao . . ."

²¹ Hoy ianao hoe, "Ho tahiana ny fonao." Hoy izy, "Fantatralo, raha hanana fotoana hatrany amin'ny roa ambin'ny folo ora ianao," hoy izy, "tsy te-hivoaka amin'ny roa ambin'ny folo ora aho."

²² Fantatrareo, izy sy Rahalahy Kidd dia eo amin'ny dimy amby valopolo taona eo, ny tsirairay, nefá mbola ao amin'ny asampanompoana foana izy ireo. Fantatrareo ve izay ataon'izy ireo? Maka milina fandraisam-peo iray, ka alainy ireo Hafatro ka mitety hopitaly, mitety trano, mandefa an'ireo horonam-peo.

Ankehitriny, raha tsy izany no, tsy milavo lefona! Izany no tsy misotro ronono. Izany no mihazona ny Finoana, hatramin'ny farany, maty miaraka amin'ny Sabatra eny an-tànanana. Tahaka an'izany no andehanana. Tahaka an'izany no tiako hatao. Ah-hah.

²³ Ary noho izany, dia hoy izy hoe, “Fantatralo, raha hivoaka aho, eny amin’ilay lala-malalaka, amin’ny roa ambin’ny folo ora,” hoy izy, “ary aorian’ny amin’ny roa ambin’ny folo ora alina, hiezaka ny hody any an-trano, ary ireo devoly mamolava rehetra ireo,” hoy izy, “mamily fiara,” hoy izy, “mihazakazaka eny amin’ny lala-rehetra, misotro.” Hoy izy hoe, “Mihaazakazaka manodidina eo ireo demony ireo,” hoy izy, “ho fatin’ny tahotra aho.”

²⁴ Rahalahy Pat, azo antoka fa zavatra antitra kely iray izy. Firy no mahafantatra an-dRanabavy Kidd? [Hoy ny fiangonana hoe, “Amena.”—Mpand.] Mipetraka eto izy, io, zavatra kely iray toa masina mihitsy.

²⁵ Ary, rehefa, eritrereto fotsiny, taona maro talohan’ny nahaterahako (ary lehilahy antitra iray aho), dia efa tany amin’ireo tendrombohitra ireo izy, izy sy Rahalahy Kidd. Nanasa lamba izy, ny tontolo andro, teo amin’ny hazo fisaka, mba hahazo dimy ambin’ny folo na roapolo cents amin’ny fanasandamba, mba handefa azy any ho any, tamin’io hariva io, mba hitory teny. Tao anatin’ireo toeram-pitrandrahana arina any Kentucky ireo, izay ianareo... nisy olona iray izay tsy maintsy miambina anareo amin’ny basy iray, miakatra amin’ilay havoana, izay nandehananareo nitory teny. Oh, oadray! Noho izany, mieritreritra aho hoe:

Tsy maintsy entina mody any An-danitra, eo
ambon’ny fandriam-piadanana iray misy
voninkazo ve aho,

Nefa ny sasany dia niady mba hahazo an’ilay loka
ka nisosa teo amin’ireo ranomasina mihosondrà?

Tsy maintsy miady aho raha tsy maintsy hanjaka;
ampitomboy ny herim-poko, Tompo!

²⁶ Izany no, ary tiako ny Fanohanany, amin’ny alàlan’Ny Teniny. Izany no tiako izao hariva izao. Ankehitriny, neveriko fa mandeha ireo fandraisam-peo ankehitriny.

²⁷ [Hoy ny rahalahy iray hoe, “Aza adino ny fanoloranjazakely.”—Mpand.] Oh, eny. Izaho manana... Miala tsiny aho.

²⁸ Nanana zazakely iray ny anabavy kely iray teto, aninkeo maraina, izay tiany hatolotra. Ary niteny taminy aho fa azo antoka hanao an’izany izahay izao hariva izao, ary ankehitriny. Ary, rahampitso hariva, dia banana fanoloran-jazakely isika, asam-panasitranana, ny zavatra rehetra izay azontsika vitaina.

Manana fotoana betsaka isika. Noho izany, raha eto ilay anabavy kely, ka manana ny zaza keliny izy.

²⁹ Ary natao hanana olona sasany tonga avy any lavitra aho, ary teto aninkeo maraina ho an'ny fifampiresahana manokana, sy ho an'ny zavatra iray. Ary natao hihaona tao izy ireo aninkeo maraina, ka tsy maintsy namela azy hiandry hatramin'izao hariva izao i Billy. Nefa tsy afaka nahita azy ireo izy na taiza na taiza, hitanareo, izao hariva izao. Raha eto ianao, ranabavy, efa niverina teo aho vao vetivety teo, niandry, ary njery raha afaka nahita an'ilay ramatoa izy. Nisy roa tamin'izy ireo, neveriko, no tao amin'ilay fifampiresahana manokana avy any ivelan'ny faritra lavitra. Noho izany, isika—matoky isika, raha tsy mahatratra anao aho, dia ho afaka ny hahatratra anao tsy ho ela arak'izay azoko atao, angamba rahampitso hariva, eo am-pidirana.

³⁰ Ankehitriny, mino aho, ity ve ilay ramatoa, tonga, miaraka amin'ilay zazakely miaraka amin'ny—ny akanjobà manga?

³¹ “Akanjobà”? Meda, izaho—izaho—tsy izany no tiako lazaina, malala, na inona na inona ilay izy. Ilay izy dia mitovy amin'ny akanjo kelin'ny anankiray... Akanjobà, firy no mahafantatra hoe inona ny—ny akanjobà iray? Nahoana, azo antoka. Ambonin'akanjo mafana tranainy iray, ho ahy. Noho izany—noho izany...

³² Nahoana, zaza kelin'i Dallas ilay izy. Oadray, mahafinaritra izany. Rahalahy, hiakatra eto ve ianao. Mamelà ahy. [Miala amin'ny fanamafisam-peo Rahalahy Branham ary mandeha mankeo amin'ny ilany iray an'ny polipitra—Mpand.]

³³ Eny, eny, karazan'ny tiako io ribà kely eo io, izay apetrakao. Iza no anarany? [Hoy ilay ray hoe, “Rebekah Lynn.”—Mpand.] Rebekah Lynn, L-y-n-n. Ary iza—iza no anaram-pianakavianaao ankehitriny? Stayton. Rebekah Lynn Stayton. Marina ve izany? Afaka mahazo azy ve aho? [“Izany tokoa.”] Fantattro fa karazan'ny sarotra, ny handao anankiray tahaka an'izao. Mamy ve izao? Rebekah Lynn Stayton.

³⁴ Betsaka ny nandalovan'ity fianakaviana ity. Ity ramatoa kely, tanora eto ity, sy ny vadiny, dia samy vao avy novonjenia vao haingana ary nentina tao amin'ny fahalalana ny Tompo. Ary ankehitriny, tao amin'ny firaisan'izy ireo, dia nomen'Andriamanitra azy ireo ity Rebekah tsara tarehy, kely ity, ary mitondra azy eo amin'ny Tompo izy ireo.

³⁵ Ankehitriny, olona maro, izy ireo dia miantso tsy manam-petra... batisan-jaza, ao amin'ny fiangonana Metodista sy ny maro hafa, ary mamafy azy ireny amin'ny rano raha mbola zazakely izy ireo. Ankehitriny, mety tsara izany, raha ny amiko. Saingy isika dia miezaka ny hijanona foana amin'izay lazain'ny Baiboly mba hatao fotsiny. Ary ao amin'ny Baiboly, dia (tsy) nisy mihitsy izany zavatra hoe manao batisa zaza iray izany; na

aiza na aiza ao amin'ny tantara, hatrany amin'ilay fiangonana Katolika voalohany, araka ny fantatsika, izay hatrany amin'ny Fivoriamben'i Nise.

³⁶ [Mitomany ilay zazakely hoe, “Ba!”—Mpand.] Noho izany dia tahaka an’izany fotsiny no filazana hoe, “Amena.” Izany, hitanareo, ianareo dia manana... Hitanareo, tsy maintsy manana ny fandikana ianareo.

³⁷ Noho izany, fa, ao amin’ny Baiboly, dia nitondra ankizy kely teo amin’i Jesosy izy ireo, mba Hitsofany rano azy ireo. Dia nametraka ny Tànanay teo amin’izy ireo Izy ka nitso-drano azy ireo. Ary, izany, mbola manohy an’izany foana isika.

Ndao isika hanondrika ny lohantsika ankehitriny.

³⁸ Ry Rainay any An-danitra, tonga ity vehivavy tanora sy lehilahy tanora ity izao hariva izao miaraka amin’ity Rebekah kely maha-te-ho tia ity izay nomena azy ireo, ho addinny, mba ho tezaina amin’ny fananaran’Andriamanitra. Ary mitondra azy izy ireo izao hariva izao ho an’ny fanolorana ho an’ny Tompo. Ary rehefa nanolotra avy amin’ny sandriny nankeo amin’ny ahy ilay reny, avy eo dia atolotro avy amin’ny sandriko mankany Aminao, ity Rebekah kely ity. Andriamanitra, mombà azy ka tahio izy. Tahio ny rainy sy ny reniny. Enga anie izy rehetra hiaina mahatoky, fiainana lava, ary, raha azo atao, mba hahita ny Fihavian’ny Tompo Jesosy. Enga anie ity ankizy ity hitombo amin’ny fahalalana ny Tompo. Ary enga anie, raha misy ampitso iray, dia enga anie izy ho vavolombelona iray lehibe ho Anao. Ekeo izany, Tompo. Ankehitriny, raha teto an-tany Ianao, dia ho nitondra ny zanany teo Aminao ireto vehivavy sy lehilahy ireto. Fa izahay, ireo mpitoritenin’ny Filazantsara, no Solontenanao. Noho izany, dia atolotray Anao ity zazakely ity, ho an’ny fiainan’asa iray ao amin’Ny Fanjakanao, amin’ny Anaran’Ny Zanakao, Jesosy Kristy Tompo. Amená.

³⁹ Ho tahiana ianao, Rebekah kely! Zavatra kely iray mamy toy ny inona! Enga anie hitahy anareo roa Andriamanitra, ary ilay zazakely, hanome anareo fiainana lava, sambatra, ao amin’ny asan’Andriamanitra.

⁴⁰ Tsy fantattro raha tena matanjaka be aho, na tsia. Ity rehetra ity dia zazalahy daholo. Iza no anarany? [Hoy ilay reny hoe, “Stanley Victor Cleveland.”—Mpand.] Stanley... [“Stanley.”] Stanley Victor... [“Cleveland.”] Clayland? Clay-... [“Cleveland.”] Cleveland. Stanley kely, anarana kely iray tsara toy ny inona, ary zazalahy kely iray tsara toy ny inona! Eny, heveriko, eo... Ndao ho jerentsika eto, ry Stan. Zazalahy iray tsara ve ity? Oh, fantatrareo. Tsy mampiasa an’izao isika. Manao an’izao fotsiny isika, fantatrareo, tsy misy na inona na inona arapototra mikasika an’izany. Marina izany. Azo antoka fa zazalahy kely iray mamy izy. Adinoko ilay anaram-pianakaviana. Tsy

mihevitra aho fa manonona azy tsara. [“Cleveland.”] Cleveland. Eny àry.

Ndao isika hanondrika ny lohantsika ankehitriny.

⁴¹ Ray any An-danitra, ity mpivady ity dia mitondra an’ity zazakely ity, Stanley Cleveland kely, mba hatolotra ho an’ny Tompo Jesosy. Ary satria ny pasitera eto, an’ny fiangonana, sy izaho, mitsangana miaraka ao amin’ny firaisana ao amin’ireo asan’ny Tompo, dia nanolotra ho Anao an’ity ankizy ity izahay ho an’ny fiainan’asa iray. Ianao no nanome azy ho an’ilay reny sy ray; ary ankehitriny dia atolotr’izy ireo ahy izany, hankeo an-tsandriko; ary apetrako avy eo amin’ny sandriko izy mankeo amin’ny Anao. Andriamanitra, tahio ny rainy sy ny reniny. Tahio ilay zazalahy kely, ary enga anie izy rehetra hiaina fiainana lava, sambatra an’ny asa ho Anao. Enga anie ilay ankizy ho tezaina amin’ny fananaran’Andriamanitra, hanompo Azy, sy hatahotra Azy, ary tia Azy, amin’ny androm-piainany rehetra. Ankehitriny, nitondra ankizy teo Aminao izy ireo, mba Hitsofanao rano azy ireo; ary izahay, miaraka amin’ny tànana eo amin’ilay ankizy, dia mitso-drano azy amin’ny Anaran’ny Tompo. Ary enga anie izy hiaina fiainana iray lava, sambatra an’ny fahasalamana sy tanjaka, ho an’ny Asanao. Amin’ny Anaran’i Jesosy. Amena.

Andriamanitra hitahy anao, Stanley kely. Manana zazalahy iray tsara ianareo eo.

⁴² Ankehitriny hila sitraka kely iray aho, ho an’ireo ondry kely sy ireo adolantsento. Ary fantattro fa mafy ilay izy. Tsy afaka mipetraka tsara ela loatra ianareo, satria mivokin’ozatra ny ranjonareo. Fa hanatona zavatra iray aho izao hariva izao izay tsy mbola nataoko mihitsy tany aloha. Ary misy zavatra iray izay ho resahako, izay tsy mbola noeritreretiko mihitsy ny hiteny zavatra tahaka an’izany.

⁴³ Izany no antony, aninkeo maraina, tsy nitiavako hametraka an’ilay fotoana talohan’ny Hafatra, ary tsy nahatapitra ny firesahana mikasika ny Fara-teniko mihitsy aho, ary tsy mihevitra aho fa mba hahatapitra. Manantena aho fa tsy mahavita mihitsy. Tena mahafinaritra Izy!

⁴⁴ Fa, izao hariva izao, dia hiresaka eo amin’ny zavatra iray izay tsy fantattro aho. Ary ankehitriny, tena zavatra iray izany, ho an’ny mpitoriteny iray ny hilaza fa hiresaka eo amin’ny zavatra iray izay tsy fantany izy. Fa hanao am-pahasahiana aho, amin’ny tsara indrindra amin’ny fahalalako, mba...mba ahazoan’ity fiangonana ity. Ary izaho tsy hihazona, velively, na inona na inona tsy ho anareo, izay ahazoana tombontsoa.

⁴⁵ Ary noho izany, ity horonam-peo ity, ataoko fa manao an’ilay horonam-peo ireo zazalahy. Ary raha sendra mahazo an’ilay horonam-peo ianareo, na iza na iza mihaino an’ilay horonam-peo, dia tsarovy, raha misy zavatra manahiran-tsaina, aminareo,

dia aza lazaina ilay izy raha tsy eo amin'ilay horonam-peo izany. Aza milaza zavatra mifanohitra amin'izay eo amin'ilay horonam-peo.

⁴⁶ Marobe no manoratra, eo amin'*Ny Taranaky ny Menarana*, ka milaza fa nilaza an'izao-sy-izao aho. Mandeha maka an'ilay horonam-peo aho, mandefa azy indray. Tsy tahaka an'izany no nilazako azy. Hitanareo, diso fitsara zavatra ny olona.

⁴⁷ Fantatrareo, Jesosy, indray mandeha taorian'ny Fitsanganany, dia nandeha teny amin'ny morona, niaraka tamin'ireo apostoly, ka niankina teo an-Tratrany i Jaona. Dia hoy izy ireo hoe, "Inona no hitranga amin'ity lehilahy ity?"

Hoy Jesosy hoe, "Ho inonao raha maharitra mandra-Pihaviko izy?"

⁴⁸ "Ary nivoaka ny teny iray teo, hoe, 'Ho velona hahita an'i Jesosy tonga i Jaona.'"

⁴⁹ Dia hoy ny Soratra hoe, "Kanefa, tsy tahaka an'izany mihitsy no Nilazany azy." Hitanareo, Izy—tsy nilaza an'izany mihitsy Izy. Nilaza fotsiny Izy hoe, "Ho inonao raha maharitra mandra-Pihaviko izy?" Tsy nilaza mihitsy Izy hoe haharitra izy. Fa, hitanareo, diso fahazo, tena mora ilay izy.

⁵⁰ Ary, ankehitriny, ilay izy dia—ilay izy dia tsy hoe manameloka olona iray nohon'ny fanaovana an'izany aho. Satria, izaho dia manao an'izany, ny tenako. Ary manao an'izany ny olona rehetra; raha ireo apostoly, izay nandeha niaraka tamin'ny Tompontsika, no tsy nahazo Azy tsara. Ary tsy nahazo Azy mazava tsara mihitsy izy ireo.

⁵¹ Tamin'ny farany mihitsy, dia hoy izy ireo hoe, "Indro, mahazo izahay ankehitriny. Ankehitriny dia mino izahay. Ary azonay antoka fa tsy misy olona hiteny zavatra Aminao, satria mahafantatra ny zavatra rehetra Ianao."

⁵² Dia hoy Jesosy hoe, "Mino ve ianareo ankehitriny?" Hitanareo? "Taorian'io fotoana rehetra io, ianareo ve fa-... Azonareo ve ilay izy tamin'ny farany, hitanareo, ka mino ianareo?"

⁵³ Ary ny olombelona fotsiny izany. Ary olombelona isika rehetra, noho izany dia tsy hahazo tsara isika.

⁵⁴ Fa raha karazana manahiran-tsaina kely anareo ilay izy, dia alefaso indray ilay horonam-peo. Henoy tsara amin'izay fotoana izay. Azoko antoka fa hanambara aminareo ny Fanahy Masina.

⁵⁵ Noho izany, ireo ankizy kely, raha hihazona fotsiny ianareo ny "amena-nareo," ireo ankizy. Miandrasya kely vetivety fotsiny, satria aho—miandry an'ity ho azo antoka mihitsy fa azo aho, satria maro no tsy hahazo an'ilay horonam-peo. Noho izany, tiako ianareo hahazo antoka fa hahazo an'ilay izy. Ary ndao isika hanatona azy, mandritry ny, hataoko hoe dimy amby

telopolo minitra, na efapolo, manaja arak'izay fantatsika fotsiny hoe ahoana no anaovana azy.

⁵⁶ Satria, fotoana iray lehibe izao ho ahy. Eo no mitranga ny zavatra iray, ka tsy fantatro izay hatao. Hitanareo? Ary mitsangana ao amin'ilay ety mafy indrindra izay hany nitsanganako aho, ao amin'ireo andron'ny asam-panompoako, araka ny fantattro.

Noho izany, ndao isika hanondrika ny lohantsika ankehitriny, alohan'ny hanatonantsika ny Teny.

⁵⁷ Ray any An-danitra, arak'izany, fotoana vitsy lasa izay, nitory teo amin'ny lohahevitra hoe *Manombatombana* aho. Ary *manombatombana* dia "mahasahy tsy misy fahefana." Ary angamba, izao hariva izao, Tompo, dia nandray ny tenako aho handika zavatra iray amin'ny olona, tsy nanana fahitana iray ny amin'izany. Noho izany, Tompo, diniho aho, eo amin'ireo toerana izay tokony hodinihina; akombony ny vavako, Tompo. Nanakatona ny vavan'ny liona Ianao, tao anatin'ny lavaka tamin'i Daniela, ka tsy nandratra azy izany. Tompo, mivavaka aho, mba, raha tsy maintsy hiezaka handika zavatra diso aho, dia mbola manana fahefana hanakatona vava iray foana Ianao. Fa raha ny Fahamarinana ilay izy, amin'izay fotoana izay, Tompo, dia tahio Izany, ka avoahay Izany. Ary Ianao no mahafantatra an'ireo zava-misy sy izay antomotra. Ary izany no antony ahatongavako, na dia amin'ity fotoana tena tara ity mihitsy aza, eto amin'ny polipitra, mba hiezaka handika an'ireo zavatra ireo. Ary mivavaka Aminao aho mba hanampy anay.

⁵⁸ Tahio ity fiangonana kely ity. Ity vondrona izay tonga eo ambanin'ny tafo eto ity, izay mivahiny miaraka aminay eto amin'ny tanàna, tonga avy any amin'ny fanjakana maro. Oh, rehefa milatsaka ireo aloky ny hariva, dia tena faly izahay ny manana toerana iray hahatongavana. Rehefa tena misavororovo izao tontolo izao ka tsy mahafantatra an'izay ijoroany izy ireo, dia faly izahay, fa, "Ny Anaran'ny Tompo dia tilikambo mahery, ary ny marina mihazakazaka mankao amin'Izany ka voaaro." Tsy Teny maro be fotsiny, fa fanambarana iray!

⁵⁹ Noho izany, dia mivavaka izahay, Ray, satria tonga ireo Hazavan'ny hariva, eo amin'ny filentehan'ny masoandro. Ary mino izahay fa izany no fotoana izay iainanay, ao amin'ny filentehan'ny masoandro. Ary misaotra Anao am-panajana indrindra izahay, Tompo, avy amin'ny fonay rehetra, ny amin'ireo zavatra izay Nataonao ho anay. Ary, Tompo, nanerana ny taona, dia misaotra Anao aho ny amin'ny namelàna an'ireo fahitana izay Nomenao, tanteraka mihitsy ny tsirairay avy tamin'izy ireo, ary tahaka an'izany marina tokoa ny fandikàna nofy tsirairay. Noho izany, dia fantatray fa tsy mety afatsy Ianao irery ihany izany, Tompo; satria mety maty izahay, ny rehetra teraka tao amin'ny fahotana, ary tsy misy zavatra

tsara ao anatinay. Fa, ny mieritreritra fa Ianao no afaka maka zavatra iray tahaka an'izany, tahaka ny olombelona iray, ka manasa azy ireo amin'ny ranon'ny Teny sy amin'ny Ràn'i Kristy; ary maninjitra an'io tåñana io tahaka an'izany, hany ka tsy mampiasa ny eritreriny manokana ilay olona, fa mamela ny sain'i Kristy, Izay mahafantatra ny zavatra rehetra, aoka Izany no hiditra sy hiteny ary hampiasa tabernakely iray. Misaotra Anao, Ray.

⁶⁰ Ankehitriny dia misaotra Ny Anaranao Masina izahay. Ary misaotra an'ity vondrona kely ity izahay, izao hariva izao, amin'Ny Anaranao. Misaotra ny pasitera izahay, Rahalahy Neville, mpanompon'Andriamanitra mahery fo. Misaotra an'ireo diakona izahay, ireo mpitantan-draharaha, ary ny mambra tsirairay an'ny Vatan'i Kristy, ny eto sy manerana an'izao tontolo izao, amin'ny Anaran'ny Tompo Jesosy.

⁶¹ Oh, satria mahita an'io aloka maizina, maloka, mahatsiravina milatsaka manerana ny tavan'Ny Kristianisma io izahay, dia fantatray fa akaiky ilay fotoana. Hisy Fampakarana iray, ka ho entina miakatra ilay Fiangonana. Tompo, avelao izahay hanohy handeha, mijery an'ilay Mpanao sy Mpanefa, Kristy. Ekeo izany, Tompo. Ary raha mandroso izahay ankehitriny, amin'ny Anaran'ny Tompo Jesosy, mba hiandraikitra an'ireo zavatra izay napetraka teo amin'ny fonay, dia mivavaka izahay mba Hombanao anay sy hanampianao anay. Ary raiso ny voninahitra avy amin'izany, Tompo, fa mametraka ny tenanay Aminao izahay, miaraka amin'Ny Teninao, amin'ny Anaran'i Jesosy Kristy. Amena.

⁶² Ankehitriny, raha manana pensily sy taratasy ianareo, dia tiako ianareo handray naoty zavatra sasantsasany, raha...na zavatra izay irianareo. Ataovy vonona fotsiny ilay izy. Ary avy eo, eo amin'ny horonam-peo, ihany koa, raha maniry handray naoty ny Soratra ianareo, amin'ny fotoana rehetra, satria mino aho fa ny Soratra no mikaonty.

⁶³ Ankehitriny dia te-hamaky lahateny iray isika izao hariva izao, na hamaky vakin-tSoratra iray, avy ao amin'ny Bokin'ny Fanambaran'i Jesosy Kristy. Ary mino aho fa ity no Fanambaran'i Jesosy Kristy, araka ny voasoratra ao amin'ilay Boky. Ary ny fanambarana hafa rehetra izay hifanohitra amin'ity Fanambarana ity, dia ho diso. Mino aho fa hanao fanonona izany...manonona—manonona indray. Ny fanambarana rehetra izay tsy hifanaraka amin'ity Fanambarana ity, ka tsy mitondra an'ity Fanambarana ity ho amin'ny hazavana, dia fanambarana diso. Tsy maintsy ara-tSoratra ilay izy.

⁶⁴ Ankehitriny, ao amin'ny toko faha-10-n'ny Bokin'ny Fanambaran'i Jesosy Kristy, maniry aho ny hamaky an'ireo

andininy vitsy voalohany, ireo andininy fito voalohany, 1 hatramin'ny 7. Ary henoy tsara ankehitriny, ka mivavaha ho ahy.

Ary nahita iray hafa mahery aho—anjely mahery iray hafa nidina avy tany an-danitra, nitafy rahona: ary avana iray no teo ambonin'ny lohany, ary ny tavany... dia tahaka ny masoandro, ary ny tongony tahaka ny andry afo:

Ary nanana boky kely iray nisokatra izy teny an-tanany: ary izy nametraka ny tongony ankavanana teo ambonin'ny ranomasina, ary ny tongony ankavia teo ambonin'ny tany,

Ary izy niantso tamin'ny feo mahery, tahaka ny liona mierona: ary rehefa niantso izy, dia nanonona ny feony ny kotrokorana fito.

Ary rehefa nanonona ny feony ireo kotrokorana fito, dia saika hanoratra aho: fa nandre feo iray avy tany an-danitra aho nanao tamiko hoe, Asio tombokase ireo zavatra izay notononin'ny kotrokorana fito, fa aza soratana izy ireo.

Ary ilay anjely izay efa hitako nitsangana teo ambonin'ny ranomasina sy teo ambonin'ny tany dia nanangana ny tanany ho amin'ny lanitra,

Ary nianiana tamin'izay velona mandrakizay sy mandrakizay, izay nahary ny lanitra, sy ny zavatra izay ao amin'izy ireo, sy ny tany, ary ireo zavatra izay ao aminy, sy ny ranomasina, ary ireo zavatra izay...ao aminy, fa tsy hisy andro intsony:

Fa amin'ny andron'ny feon'ny anjely fahafito, rehefa hanomboka hitsoka izy, dia ho tanteraka ny zava-miafin'Andriamanitra, araka ny efa nambarany tamin'ireo mpaminany mpanompony.

⁶⁵ Ary ny lahateniko, raha hiantso azy ho izany aho, izao hariva izao, dia ity: *Izao Ve No Famantaran'Ny Farany, Tompoko?*

⁶⁶ Fantatsika rehetra fa isika dia miaina ao amin'ny—ny fotoana iray be voninahitra ho an'ilay Fiagonana, saingy fotoana iray mahatsiravina ho an'ilay tsi-mpino. Ary miaina ao amin'ny iray amin'ireo fotoana mampidi-doza indrindra isika amin'ny rehetra, ny rehetra izay hany nisy, hatramin'ny nanombohan'izao tontolo izao. Tsy nisy mpaminany, tsy nisy apostoly, mihitsy, tsy nisy fotoana, hany niaina tao amin'ny fotoana iray tahaka ny iainantsika ankehitriny. Izao no farany.

⁶⁷ Voasoratra eny amin'ny lanitra izany. Voasoratra eto amin'ny tavan'ny tany izany. Voasoratra ao amin'ny gazety rehetra izany. Izao no farany, raha afaka mamaky an'ilay sora-tànana ianareo. Ireo mpaminany dia niaina tao amin'ny fotoana izay nisian'ilay sora-tànana teo amin'ny rindrina ho an'ny firenena iray, fa

isika dia miaina eo amin'izay isian'ny sora-tànana eo amin'ny rindrina ho an'ny fotoana. Ny firenena rehetra, ny tany, ny zavatra rehetra, ny fotoana dia eo amin'ny farany. Noho izany, tsy maintsy mikaroka ny Soratra isika, mba hahita an'ilay ora izay iainantsika.

⁶⁸ Isan'andro, ny mpaminanin'Andriamanitra marina iray dia handeha hankeo amin'ny Soratra. Noho izany dia izy no farateny hoe ho tahaka an'izany ilay izy. Ao amin'ny Testamenta Taloha, rehefa nilaza zavatra ireo mpaminanay, dia nisy foana, tany ho any, mpaminany iray niaraka tamin'ny Teny, izay nijanona niaraka tamin'ny Teny. Nijery an'Andriamanitra izy ho an'ireo fahitana. Ary raha nifanohitra tamin'ny Teny ny fahitany, amin'izay fotoana izay dia diso ny fahitany. Izany no fomban'Andriamanitra nitondrana Ny Teniny nankeo amin'ny Olony.

⁶⁹ Afaka mandre ahy ve ianareo, eny amin'ny farany aorianea, mety tsara? [Miato Rahalahy Branham—Mpand.] Zara fotsiny aho raha mahafantatra hoe aiza no hanombohana.

⁷⁰ Ankehitriny, efa tombontsoa lehibe iray ho ahy, ny mahafantatra fa ity tabernakla ity no fiangonako voalohany. Zavatra iray be voninahitra izany. Ary tsy hadinoko mihitsy, na dia izaho aza...Maharitra Jesosy ka ho velona an-jatony taona aho. Tsaroako ilay andro izay nametrahako an'ilay vato fehizoro, ao amin'ny zoron-trano ao; sy ilay fahitana izay Nomeny ahy tamin'io maraina io, ny amin'ity tabernakla ity. Ary mahatsiaro ianareo rehetra. Voasoratra ao anatin'ireo boky izany. Ary tanteraka mihitsy ilay izy, ara-bakiteny, tsy nisy diso na kely aza tamin'izany.

⁷¹ Ary, ankehitriny, tena tsy mino aho fa nisy zavatra iray Noteneniny, nandritr'ireo taonam-pianako rehetra, izay noteneniko tamin'ny olona, ka tsy niseho. Ary maro ny olona tonga miaraka amin'nynofy, ka Izy no namela ahy, nohon'ny Fahasoavany, handika ho an'ny olona. Ary maro no tonga miaraka amin'nynofy sy miaraka amin'ny olana izay tsy vitako ny nandika azy.

⁷² Fa tsy niezaka nampidittra taminareo olona aho ny fitapitaka iray izay manana ny valiny rehetra. Niezaka ny hahitsy fo sy hiteny aminareo an'izay Fahamarinana aho, ka afaka niteny taminareo fotsiny ihany an'izay Noteneniny tamiko. Ary avy eo rehefa tonga amiko ilay izy, amin'izay fotoana izay aho vao afaka miteny aminareo.

⁷³ Ary te-hampitandrina anareo aho. Ao amin'ity andro izay iainantsika ity, dia nisy maro...Tsy—tsy milaza na inona na inona manohitra ny olona. Fa rehefa mahita olona iray izay manana ny valiny ho an'ny zavatra rehetra ianareo, dia mifanohitra amin'ny Teny izany.

⁷⁴ Hoy Jesosy hoe, “Nisy boka maro tamin’ny andron’i Elia, fa anankiray ihany no sitrana.” Tao anatin’ireo taona maro, ireo valopolo na mihoatra, izay nahaveloman’i Elia, dia boka anankiray no sitrana. Mpitondratena maro tamin’ny andron’i Elisa, saingy nirahina hankany amin’ny anankiray fotsiny ihany izy. Ary hitantsika fa zavatra maro no ataon’Andriamanitra, nefy tsy Ambarany amin’ireo Mpanompony izany. Ary tsy misy mpanompo lehibe noho ny Tompony.

⁷⁵ Ary, noho izany, tsy hizara ny Voninahiny amin’iza na iza Andriamanitra. Andriamanitra Izy. Ary rehefa ny mpanompo iray no tonga eo amin’ny toerana izay iezahany haka ny toeran’Andriamanitra, amin’izay fotoana izay dia alain’Andriamanitra ny ainy ka mamindra azy lavitra any ho any, na zavatra iray. Tsy maintsy mahatsiaro an’izany isika.

⁷⁶ Ankehitriny, ao amin’ireo fahitana sy fandikana ireo, tsy afaka miteny ny fandikananofy iray aho raha tsy hitako marina tokoa, amin’ny alàlan’ny fahitana, hoe inona ilay nofy. Ary maro aminareo no mahafantatra fa efa niteny tamiko ny nofinareo ianareo, nefy tsy niteny tamiko azy rehetra akory aza. Ary rehefa nahita an’ilay nofy niverina tamiko aho, dia niverina ka niteny taminareo fa nisy betsaka tamin’izany no navelanareo, avy eo dia miteny aminareo an’izay navelanareo tamin’izany. Fantatrareo fa marina izany. Raha marina izany, dia manaoa hoe, “Amena.” Amen. [Hoy ny fiangonana hoe, “Amena.”—Mpand.] Ireo zavatra izay tsy noteneninareo tamiko. Noho izany, hitanareo, raha ny . . . Tahaka ny lolazain’i Nebokadnezara hoe, “Raha tsy afaka miteny amiko an’izay nofisiko ianareo, amin’izay fotoana izay dia ahoana no ahafantaroko fa manana ny fandikana azy ianareo?”

⁷⁷ Fa ireo fiheverana rehetra ireo, tsy tokony handray azy ireny isika ka hanao hoe, “HOY NY TOMPO HOE.” Tsy tokony hanao an’izany isika. Tsy maintsy manana feo mivantana iray isika, valiny iray avy amin’Andriamanitra, alohan’ny ahafahantsika milaza fa Andriamanitra izany. Tsy fiheverana anankiray, tsy fahatsapana iray, tsy mampaninona na impiry no itempoany.

Mety hilaza ianareo hoe, “Mino aho fa mety ho tahaka an’izany ilay izy.”

⁷⁸ Fa rehefa miteny ianareo hoe, “HOY NY TOMPO HOE,” dia tsy ianareo ilay izy. Diniho eo amin’ny lampihazo. Efa mba nahita an’izany diso ve ianareo? HOY NY TOMPO HOE dia tanteraka, tsy diso mihitsy. Ary raha mbola HOY NY TOMPO HOE foana ilay izy, dia tsy mety diso izany.

⁷⁹ Fa, hatreto, dia niaro ahy Izy, satria niandry Azy aho. Tsy niezaka nitady laza aho, na voninahi-poana an’ny olona. Niezaka ny tsaroko indrindra aho mba hiaina manetry tena, ary hiaina amin’ilay karazam-piainana iray izay heveriko fa tokony hiainan’ny Kristiana iray. Ary tsy afaka nanao an’izany samirery

aho, fa Izy no nanao an'izany hatramin'ity andro ity. Araka ny lazaiko, hoe Izy no Anankiray izay nitarika ahy.

⁸⁰ Maro ny zavatra azo lazaina tahaka an'izany, saingy hila ela loatra izany. Fa ianareo rehetra dia mahalala tsara an'ireo zavatra ireo. Ary ny antony tokana nasaiko nanaovanareo hoe "amena," vao teo, ianareo olona izay niteny tamiko an'ireonofy, avy eo dia tonga aho niteny taminareo an'izay navelanareo, dia satria atao horonam-peo ity Hafatra ity. Handre an'ity ireo olona avy amin'ny firenena rehetra. Ary rehefa mandre an'io "amena" io izy ireo, amin'izay fotoana izay dia fantatr'izy ireo fa misy feo ao, izay mipetraka eo ambanin'ity asam-panompoana ity, izay mahafantatra tsaratsara kokoa noho ny manao zavatra disso, na manao "amena" amin'ny zavatra izay diso. *Amena* dia "ho tanteraka anie izany." Mankatò an'ilay izy izany.

⁸¹ Ankehitriny, ny fiainako rehetra, hatramin'ny naha-zazalahy kely ahy, dia efa nisy zavatra izay nanelingelina ahy. Ary nanana fiainana iray tena nahatsikaiky aho, sarotra azo. Na dia ny vadiko aza dia mihaotra ny lohany ary nilaza an'izany. "Bill, tsy mino aho fa misy olona afaka hahazo anao."

⁸² Dia hoy aho hoe, "Ny tenako aza tsy mahazo." Satria, manolotra, mametraka ny tenako amin'i Kristy aho, taona maro lasa izay. Izy no manao ny fitarihana. Tsy miezaka hahazo an'ilay izy aho. Mandeha any amin'izay Itarihany fotsiny aho, amin'ny tsaraindrindra amin'ny fahalalako.

⁸³ Mankasitraka aho ny amin'ny vady mahafinaritra iray sy zanaka, ary ny amin'ny vadiko sy zanaka izay nanana fahatokiana fa tsy hiteny zavatra diso amin'izy ireo aho. Fa, mino izy ireo. Isaky ny miteny zavatra amin'izy ireo ianareo, dia mihazona eo amin'izany avy hatrany izy ireo. Fantatr'izy ireo fa tsy hiteny zavatra diso amin'izy ireo aho.

⁸⁴ Ary hiteny zavatra diso amin'ny anankiray amin'ireo zanak'Andriamanitra ve aho, arak'izany? Tsy fanahy iniana. Tsia, tompoko. Mila ny Zanany ao amin'ny karazana fanofanana tsara Andriamanitra. Ary aoka hahitsy fo amin'izy ireny, sy ho mahatoky amin'izy ireny, dia hitahy an'izany Izy, mino aho.

⁸⁵ Ankehitriny, hatramin'izay, nanerana ny dia, dia nisy ireo zavatra izay nitranga, izay tsy nety azoko. Ary ny iray amin'ireo zavatra izay tsy nety azoko, dia fony aho mbola zazalahy kely iray ka tonga teo amiko ireo fahitana ireo. Ary hitako izy ireo ka noteneniko tamin'ireo raiamandreniko ireo zavatra izay hitranga. Nihevitra izy ireo fa nikorontan-tsaina fotsiny aho. Fa, ilay zavatra hafahafa, dia nitranga arak'izay Nolazainy mihitsy ilay izy.

Hoy ianareo hoe, "Talohan'ny fiovam-ponao ve izany?" Eny.

⁸⁶ "Ireo fanomezam-pahasoavana sy antso dia tsy misy anenenana," hoy ny Baiboly. Teraka teto amin'ity izao tontolo izao ity ianareo ho an'ny tanjona iray. Ary ianareo tsy... Tsy

mitondra fanomezam-pahasoavana ny fibebahanareo; voafidy mialoha ho anareo izy ireo.

⁸⁷ Ankehitriny, teny an-dàlana, ary fony aho zazalahy kely iray, ny faniriako fatratra dia... Tsy afa-po tao amin'ilay faritra nипетраhako aho. Maniry mafy aho, na ahoana na ahoana, ny handeha any Andrefana.

⁸⁸ Ary nodidiana aho, fony aho voatifitra, fony aho zazalahy kely iray. Ary rehefa tafaverina aho, avy teo ambanin'ny fanatoranana voalohany, dia nihevitra aho fa tao anatin'ny fampijaliana aho, nandeha nidina. Ilay ether no nanao ahy ho torana. Ary lasa aho nandrity ny adiny valo, heveriko. Nanahy izy ireo ny amin'ny hamerenana ny tenako indray. Nanana fandidiana lehibe izy ireo, tsy nisy penicilline. Rà; saiky voatifitra ireo ranjo roa, tamin'ny tifi-basy iray. Zazalahy sakaza kely iray no namela ny basiny hipoaka.

⁸⁹ Ary avy eo teo amin'ny fito volana taty aoriana, dia nahazo fanatoranana iray hafa aho. Ary rehefa tafaverina avy teo ambanin'io fanatoranana io aho, dia nihevitra aho fa nitsangana tao amin'ireo tanety tandrefana. Ary hazo fijaliana volamena lehibe iray no teny amin'ny lanitra, ka ny voninahitr'Andriamanitra no namirapiratra avy tao amin'izany. Izaho nitsangana teo tahaka an'izao.

⁹⁰ Rehefa ilay Hazavana, izay hitanareo eo amin'ny sary izao hariva izao, izay efa voaporofa ho Vatana iray ivelan'ny voajanahary, tamin'ny alàlan'ny fikarohana siantifika; ho ahy, dia Izany no ilay Hazavana iray ihany izay namely an'i Masindahy Paoly. Izany ilay Hazavana iray ihany izay nitarika an'ireo zanak'Israely, tamin'ny alina. Efa voamarikareo ve eto, io Anjely io? "Nitafy Rahona iray Izy." Hitanareo, Izy dia "Rahona iray tamin'ny atoandro." Ankehitriny, io Hazavana iray io ihany.

⁹¹ Satria tsy mahazo ny olona, ny eritreritra voalohany dia hoe diso izany, hoe izaho fotsiny no nilaza an'izany. Fa sendra nanafina an'ireo fitaovana siantifika ny Fanahy Masina, ary ireo olona tany, ho an'ny fanamarinana iray, ka naka ny sarin'Izany, imbetsaka.

⁹² Hoy aho hoe, "Mahita olona iray voaaloky ny fahafatesana aho," aloka mainty eo ambonin'izy ireo. Herinandro vitsy lasa izay rehefa tao amin'ny tanàna iray aho. Ary rehefa nitory teny izahay, ianareo dia—tsy natao haka sary ianareo, fantatrareo, raha mbola mitory teny eo. Ary rehefa... Ilay zavatra iray ihany rehefa nalaina izany; saingy nisy olona iray nanana fakan-tsary iray. Dia nilaza tamin'ny ramatoa iray nипетраkra teo aho, vahiny iray... Izaho dia tany—tany Southern Pines. Hoy aho hoe, "Misy aloka iray eo ambonin'io Ramatoakely *Ranona-sy-ranona* io." Ramatoa iray izay tsy mbola hitako mihitsy teo amin'ny fiainako. "Vao avy tany amin'ny dokotera mihitsy ianao; ary

homamiadana anankiroa, anankiray eo amin'ny nono tsirairay, ary nilaozana ianao. Voaaloky ny kapaoty mainty iray ianao, an'ny fahafatesana."

⁹³ Dia nisy Zavatra nilaza tamin'ny anabavy iray nipeetraka teo akaiky, izay nanana fakan-tsary nisy jiro iray, nanao hoe, "Alaivo ilay sary." Ary tsy te-hanao an'izany izy. Kanefa, "Alaivo ilay sary," ary mbola nifehy tena foana izy. Ary tonga indray ilay izy avy eo, ka norambasany ilay sary... ary nalainy ilay sary. Ary io izy, ara-tsiansa. Eo amin'ny fametahana afisy izany; aloka kapaoty mainty.

⁹⁴ Avy eo, rehefa nino ilay vehivavy ka vita ny vavaka, dia nisy sary iray nalaina avy hatrany taorian'izany, nazava. Hoy aho hoe, "Lasa ilay aloka." Hitanareo? Velona ilay ramatoa, nohon'ny fahasoavan'Andriamanitra.

⁹⁵ Hitanareo ve izay tiako ho lazaina? [Hoy ny fiangonana hoe, "Amena."—Mpand.] Raha miteny ny fahamarinana ianareo, dia mety ho esoina vetivety ianareo, mety tsy azo vetivety ianareo. Fa, hanamarina an'izany Andriamanitra, hoe izany no fahamarinana, raha hijanona amin'izany fotsiny ianareo. Hitanareo? Mifikira fotsiny. Mety mila taona maro izany, saingy, tahaka ny tamin'i Abrahama sy ireo hafa, fa hanao an'izany ho ny fahamarinana foana Izzy.

⁹⁶ Rehefa io Anjely tany io... Ary ataoko fa, ankoatry ny vadiko, misy olona eto izao hariva izao, hatramin'ny telopolo taona lasa izao, izay nitsangana akaiky rehefa nidina Io. Misy olona iray ve ato amin'ny mpanatrika ankehitriny izay tany rehefa ilay Anjelin'ny Tompo, izay nidina teo amin'ilay renirano tamin'ny voalohany, teo anatrehan'ny olona? Atsangano ny tanganareo. Eny, ireo izy ireo. Hitanareo? Ankehitriny, mahita an-dRtoa. Wilson manangana ny tanganareo. Nitsangana tany izy. Ny vadiko, etsy, tany izy. Ary tsy fantatro hoe iza ny sasany amin'ny sisa amin'izy ireo, izay nitsangana teo amin'ilay morona tany, teo anatrehan'ny olona maro, maro, rehefa nanao batisa aho tamin'ny roa ora ny tolakandro.

⁹⁷ Ary avy teo amin'ny lanitra varahina iray mihitsy, nefy tsy nanorana nandritry ny herinandro, indro Izzy tonga niaraka tamin'ny fieronana iray, ka nanao hoe, "Tahaka ny nanirahana an'i Jaona Mpao-batisa, hialoha lalana ny Fihavian'i Kristy voalohany, dia nirahina ianao miaraka amin'ny Hafatra iray, mba hialoha lalana ny Fihavian'i Kristy faharoa."

⁹⁸ Lehilahy maro, avy tamin'ireo mpandrahahara, ny tanana, no nitsangana teo amin'ilay morona, nanontany ahy hoe inona no dikan'Izany. Hoy aho hoe, "Tsy ho ahy izany. Ho anareo Izany. Izaho mino." Ah-hah. Lasa ilay Izzy. Ary rehefa niala io Anjely io, raha hahatsiaro ianareo, dia nandeha nankany andrefana Izzy raha niakatra Izzy; nivoaka avy hatrany, niakatra, teo antampon'ilay tetezana, ary nandeha nankany andrefana.

⁹⁹ Taty aoriana, dia nihaona tamin'ny mpahay momba ny kintana iray aho, izay Magy iray. Ary niteny tamiko mikasika ny andian-kintana iray izy ireo izay tonga niaraka tao anatin'ny andian-kintana anankiray.

¹⁰⁰ Rehefa, ireo olon-kendry tao Babylona no nahita nandeha nankany Palestina, an'io kintana telo tao anatin'ny andian-kintana iray io. Efa nandre ahy niteny an'izany ianareo, imbetsaka. Fantatrareo ve fa izany dia voaporofo, tamin'ireo herinandro vitsy farany, ho ny fahamarinana? Rahalahy Sothmann, manana an'ilay gazety miaraka aminoao ve ianao izao hariva izao, na mety ho iza ianareo? Ao amin'ny gazety izany, taratasin-gazety Alahady iray, ny fahasivy Desambra, hoe nandeha tany ny mpanao gazety iray, ka nangady an'ireo zavatra rehetra ireo izy ireo. Ary miaina tokoa isika ankehitriny, voaporofo, fa isika dia... Ity taona ho avy ity dia 1970. Tara fito taona, tamin'ny fangadiana an'ireo vatolampy, ary manaporofo fa diso izany. Tara noho izay eritreretinareo izao. Tsy nahita an-dRahalahy Fred aho, na ahoana na ahoana. Rahalahy Sothmann, eto ve ianao? Manana an'ilay gazety ve ianao miaraka aminoao, Rahalahy Sothmann? Manana ianao. Manana an'ilay gazety izy. Angamba hampamakiako anareo izany rahampitso hariva. Tsy manam-potoana isika, izao hariva izao. Noho izany, dia afaka mahita ianareo.

¹⁰¹ Ary, diniho, marina tokoa. Ireo Magy ireo, Magy Jiosy tany Babylona, nianatra an'ireo kintana, dia nahita an'ireo kintana niditra ireo tao anatin'ny andian-kintany. Ary rehefa nahita izy ireo, dia fantatr'izy ireo fa teto an-tany ny Mesia. Ary indro tonga izy ireo, tao Jerosalema, nihira. Dia roa taona! "Aiza Izy izay teraka ho Mpanjakan'ny Jiosy?" Nandeha nandroso sy niverina teny an-dàlambe izy ireo. Ary, nahoana, Is-...

Nesoin'i Isiraely izy ireo hoe, "Ireo andiana fanatika ireo!" Tsy nahafantatra na inona na inona mikasika an'izany mihitsy izy ireo, nefo teto an-tany ny Mesia. Ary fantatrareo ankehitriny ny sisa amin'ilay tantara, izay nolazain'izy ireo.

Ankehitriny, hovakiantsika izany, rahampitso hariva.

¹⁰² Ankehitriny, tonga eo amin'ity, hoe tsy diso ireo fahitana, satria avy amin'Andriamanitra izy ireo. Ary nanerana ny dia rehetra, dia efa nisy zavatra nisintona ahy, nandrivotra ahy.

¹⁰³ Avy eo, rehefa niteny tamiko an'ireo zavatra ireo io Magy io, fony aho zazalahy iray fotsiny, mpiandry saha; na talohan'izany, mino aho fa izay ilay izy, mikasika an'ireo zavatra ireo. Ary nampatahotra ahy izany, satria natahotra aho hoe inona ilay Magy. Fa taty aoriana dia hitako fa marina ny an'ireo Magin'ny Baiboly, satria Andriamanitra dia manambara an'ilay izy eny amin'ny lanitra alohan'ny Anambarany azy eto an-tany, mandinika an'ireo vatan-danitra.

¹⁰⁴ “Tsy manao fanavahan’olona Andriamanitra, amin’ny firenena rehetra,” hoy i Petera. Ankehitriny, fa ireo izay matahotra Azy, ao amin’ny firenena rehetra, no eken’Andriamanitra. [Elanelana tsy voaraki-peo—Mpand.]

¹⁰⁵ Ary hitantsika, arak’izany, niezaka aho ny hiala amin’ilay eritreritra. Fa, oh, hila ora maro izany, hidirana, ahoana fa tahaka an’izany tsy ankitsahatra no nandehanan’izany, nandeha tahaka an’izany. Fa natahotra an’izany aho.

¹⁰⁶ Hoy io Magy io tamiko hoe, “Tsy hahomby mihitsy ianao any Atsinanana.” Hoy Izy, “Teraka teo ambanin’ny famantarana iray ianao.” Ary nanao hoe, “Ianao... Io famantarana io, io andian-kintana io, rehefa nifanena izy ireo, tany lavitra tany, tamin’ny andron’ny fahaterahanao, niangona tany andrefana izy ireo. Ary tsy maintsya mandeha mankany andrefana ianao.”

Hoy aho hoe, “Adinoy izany.”

¹⁰⁷ Izaho—tsy nisy nidirako tamin’izany. Ary hatramin’izay, na izany aza, dia mbola, tsy nanaisotra an’ilay izy niala tato ampoko izany.

¹⁰⁸ Avy eo, rehefa tany aho tamin’io hariva io, mikasika an’ireo fahitana ireo. Tsy nety azoko izy ireo. Niteny tamiko ireo rahalahiko Batista fa avy amin’ny devoly izany. Fa avy eo rehefa niseho io Anjely io, dia Nalefany tao amin’ny Soratra tanteraka izany, ka nanao hoe, “Tahaka ny tamin’izany!”

¹⁰⁹ Rehefa niady hevitra mikasika an’ireo zavatra ireo mpisorona, tsy nahafantatra na inona na inona mikasika ny hoe karazana palitao inona no tokony hanaovan’izy ireo, sy ireo akanjo sy ny zavatra rehetra, ary niady hevitra mikasika ny fahasamihafan’izy ireo, dia nanaraka an’ilay kintana nankany amin’i Kristy ireo Magy.

¹¹⁰ Rehefa nilaza ireo mpitory teny fa Jesosy dia mpisandoka iray, Belzeboba iray, dia nitsangana ny devoly ka nanao hoe, “Fantatray hoe iza Ianao, ilay Iray Masin’Andriamanitra. Nahoana Ianao no tonga hampijaly anay alohan’ny fotoana?”

¹¹¹ Rehefa tonga i Paoly sy Silasy, nitory ny Filazantsara, dia mpanao hatsarana kely iray no nipetraka teo an-dàlambe... Dia hoy ireo mpitory tenin’io faritra io hoe, “Mpisandoka ireo lehilahy ireo. Mamotika ny fiangonantsika izy ireo, sy ny sisa, mamadika an’izao tontolo izao, miaraka amin’ny kolikoliny.”

¹¹² Fa inona no mitranga? Io Magy kely io, io mpanao hatsarana kely io, nanao hoe, “Lehilahin’Andriamanitra ireo, izay miteny amintsika ny lâlan’ny Fiainana.” Ary niteny mafy an’io fanahy tao anatin’ io i Paoly. Tsy nila fanampiana mihitsy izy hanambara hoe iza izy.

¹¹³ Efa niteny tamin’izy ireo foana Jesosy mba hihazona ny filaminany. Saingy izany no manaporofa fa, matetika, ireo devoly dia mahafantatra betsaka mikasika an’ireo

zavatr'Andriamanitra mihoatra noho ny fantatr'ireo mpitoky teny; lasa tena voafatotra ara-pivavahana izy ireo. Tahaka an'izany ilay izy, tao amin'ny Baiboly, ary tsy miova Andriamanitra.

¹¹⁴ Indray andro, tonga, dimy taona lasa izay, avy tany amin-dry Rahalahy Norman, namily fiara teny an-dàlana aho. Ary vao avy nanao fivoriana iray aho tany, ka niseho tamiko tao amin'ny fahitana iray ny Tompo Andriamanitra. Ary nipetraka teo alohan'ny vavahadiko aho, teto tany an-tranoko. Ary toa toetr'andro ratsy ilay izy.

¹¹⁵ Maro aminareo olona no hahatsiaro an'ilay fahitana. Voasoratra ao anatin'ny bokin'ireo fahitako izany. Noraisiko naoty izy ireny mba hahazoako antoka fa tsy ho adinoko.

¹¹⁶ Ary tao amin'io fahitana io dia nahita aho, nisy zavatra izay tonga teo amin'ilay lâlana, ary nisy vato nipetraka nanerana ny tokotaniko. Ary nisy mpitoto tany sy mpikaoka tany teo, nandroso-sy-niverina teo amin'ilay lâlana, ary tapaka ireo hazo ka nióngotra. Dia nanomboka nihodina aho hiditra tao amin'ny vavahady, fa voasakan'ireo vato tanteraka ilay izy. Dia nivoaka aho, mba hilaza tamin'ilay lehilahy hoe, "Ahoana izao?"

Ary lasa tena nankahala be izy, nanosika ahy hihemotra, ka nanao hoe, "Tahaka an'izany ilay izy aminareo mpitoky teny!"

¹¹⁷ Hoy aho hoe, "Nanontany anao fotsiny aho hoe, 'Nahoana ianao no manao an'izao?' Ianao dia—tonga eto amin'ny ilan'ny lâlambeko ianao, eto. Nahoana ianao no nanao an'izao?" Ary saiky nofelahany mihitsy aho, ary natosiny nihemotra.

¹¹⁸ Dia nieritreritra aho hoe, "Hoteneniko aminy fotsiny fa tsy fantany izay resahany."

¹¹⁹ Dia niteny ny Feo iray, nanao hoe, "Aza manao an'izany. Mpitoriteny iray ianao."

Dia hoy aho hoe, "Tena tsara."

¹²⁰ Dia nitodika aho, ary, teo amin'ny ankavanako, nipetraka teo alohan'ilay vavahady, nisy kalesy nisy labasy trrainainy iray. Fantatrareo hoe inona, sarety mitafo iray, miaraka amin'ireo soavaly mifatotra eo aminy. Ary nipetraka teo akaikin'ny toeran'ilay mpamily ny vadiko. Nitodika nankany aoriana aho, ary nipetraka teo aoriana teo ireo zanako. Niakatra teo amin'ilay sarety aho. Hoy aho tamin'ny vadiko hoe, "Malala, efa niaritra an'izay rehetra azoko niaretana aho." Dia nalaiko ireo tady ka nosintoniko ilay soavaly mpitarika, ary nanomboka nandroso nankany andrefana.

¹²¹ Dia hoy ny Feo iray tamiko hoe, "Rehefa miseho io, amin'izay fotoana izay dia mandehana mankany andrefana."

¹²² Rahalahy Wood, ilay mpiantoka eto amin'ny fiangonantsika, sady mpitantan-draharaha. Firy no mahatsiaro an'ilay fahitana ankehitriny, mahatsiaro ahy niteny taminareo? Azo antoka.

Voasoratra eo amin'ny taratasy izany. Dia nilaza tamin'i Rahalahy Wood aho...Izy no nividy, avy eto amin'ilay fiangonana, an'io ampanahantany eo anelanelany eo io. Ary saika hanorina trano vato iray teo izy. Hoy aho hoe, "Aza manao an'izany, Rahalahy Wood, satria tsy hamerina ny volanao amin'izany mihitsy izy ireo. Angamba, angamba..." Taona maro lasa izany, dimy taona lasa izay. Hoy aho hoe, "Izy ireo dia, angamba, hanao an'io tetezana io handalo eo, ary ireo vato ireo angamba dia ny tranoko ambany rihana vakivaky, ary ireo lâlako sy ny sisa, mipetraka eo." Raha tokony ho vato, dia vongan-tsimenitra lehibe ilay izy. "Ary amin'izay fotoana izay dia hapetrak'izy ireo eto izany, satria nilaza izy ireo tao amin'ny gazety fa izany no noezahez'izy ireo natao." Eny, tsy nanorina an'izany izy. Farany dia nanapa-kevitra izy ireo, teo amin'ny herintaona taty aoriania, na roa, fa hanao an'izany handalo izy ireo, teo amin'ity lâlana ity. Noho izany dia nilamina hatreо izany, noho izany dia nohadinoiko fotsiny ilay izy, ary navelako nandeha.

¹²³ Ankehitriny, nitranga ilay zavatra hafahafa teo amin'ny herintaona lasa teo izay. Nanao favoriana aho indray hariva tany amin-dry Rahalahy Junior Jackson. Mipetraka eto mihitsy, mpitoriteny Metodista iray izay nandray ny Fanahy Masina, ary natao batisa tamin'ny Anaran'i Jesosy Kristy, ka mitandrina ny iray amin'ireo fiangonana rahavavintsika.

¹²⁴ Mba haneho aminareo fotsiny hoe ahoana no ifanarahan'Andriamanitra amin'ity vahoaka ity, milaza an'izao amin'ny foko rehetra aho. Tsy mahafantatra fiangonana iray aho eto amin'izao tontolo rehetra izao, fiangonana iray miaraka intsony, izay inoako fa misy ny Fanahin'Andriamanitra, ankoatran'ny ato amin'ity fiangonana ity. Manana ny fahasamihafany izy ireo. Azo antoka fa tsy mbola tonga eo amin'izay tokony hisy azy izy ireo, tsy misy iray amintsika, saingy tena akaiky tahaka ny olon-kafa rehetra izay fantatro izy ireo.

Hasehoko aminareo, eo am-pahafantarana an'izay hitranga.

¹²⁵ Nanonofynofy iray Rahalahy Jackson. Tsy nety afaka tamin'izany izy; ary teo am-pandaozana ny fiangonany aho, dia tsy afaka nahatanty an'izany fotsiny izy.

¹²⁶ Efa hafiriana izao ilay izy, Rahalahy Jackson? [Hoy Rahalahy Jackson hoe, "Tamin'ny Febroary '61 no nahazoako an'ilay nofy, Rahalahy Branham."—Mpand.] Febroary '61, no nahazoany an'ilay nofy.

¹²⁷ Dia nanatona ahy izy, ka hoy izy hoe, "Misy zavatra eo amin'ny foko. Tsy maintsy miteny aminao aho, Rahalahy Branham."

Hoy aho hoe, "Mandrosoa, Rahalahy Jackson."

¹²⁸ Dia hoy izy hoe, “Nanonofynofy iray aho.” Ary teo ilay izy! Nipetraka tsara fotsiny aho, ka nihaino sy nandinika. Hoy izy hoe, “Nanonofy aho fa nisy havoana goavana iray, toy ny hoe tao amin’ny saha iray, izay nisy ahitra manga na zavatra iray.” Dia hoy izy, “Teo an-tampon’io havoana io, izay nanasan’ny rano an’ilay tany, dia nisy vatomampy iray avo indrindra, teo an-tampon’ilay havoana, tahaka ny tampon’ny tendrombohitra. Vatomampy ilay izy; tsy nisy ahitra. Ary teo amin’izay nanasan’ilay rano, dia nisy karazana soratra teo amin’ireo vato ireo. Ary nitsangana teo ianao, nandika an’io soratra teo amin’ireo vato ireo io.” Dia hoy izy, “Izahay rehetra,” ary tahaka an’izany no nitantarany azy, hoy izy, “ireo rahalahy avy any Georgia, sy avy tany amin’ny manodidina rehetra, niaraka nitsangana izahay rehetra, nihaino anao nandika an’io soratra mahagaga teo amin’ireo vato ireo io, io tendrombohitra io.”

¹²⁹ Dia hoy izy, “Avy eo dia naka zavatra iray ianao, toy ny hoe avy teny amin’ny rivotra, zavatra tahaka ny tsivalam-by iray, na-na vy mifaingoka iray.” Sa tsy izany, rahalahy? “Zavatra iray tahaka an’izany, tsivalam-by iray, tena naranitra.” Dia hoy izy, “Ilay izy, ahoana no nanaovanao an’ilay izy, tsy fantatro.” Dia hoy izy, “Nokapohinao ny tampon’io tendrombohitra io, nodidiana manodidina izy, ary nendahanao niala ny tendrony. Tao amin’ny endrika pyramida iray ilay izy. Ary nodidiana niala ny tendrony.” Ankehitriny, izany dia volana sy volana ary volana maro talohan’ny nitoriana an’ilay Hafatry ny pyramida. Dia hoy izy, “Tao ambanin’io dia nisy vato fotsy, granita. Dia hoy ianao hoe, ‘Ny masoandro, na ny hazavana, dia tsy namiratra teo amin’Ity mihitsy tany aloha. Jereo ny eo amin’Ity. Diniho Ity.””

¹³⁰ Ary marina izany, satria, tao amin’ny fanamboarana an’izao tontolo izao, dia natao izao tontolo izao talohan’ny nisian’ny hazavana. Isika rehetra dia mahafantatra an’izany. Nanomba teo ambonin’ny rano Andriamanitra. Ary—ary avy eo, tany amin’ny fiandohana, dia niantso hazavana Izzy. Ary, ara-boajanahary, tao ambany tao, tao amin’ilay taona izay nisy an’io fanamboarana io, dia tsy tonga teo ambonin’io vato io mihitsy io hazavana io.

¹³¹ Dia hoy izy hoe, ““Jereo eo amin’Ity. Tsy mbola tonga teo ambonin’Izany mihitsy ny hazavana tany aloha.”” Ary rehefa nitsangana izy rehetra ireo, ka niteny tamin’izy ireo aho mba handinika an’Izany, dia tonga izy rehetra ireo mba hijery.

¹³² Fa nilaza izy, raha mbola njery izy ireo, njery avy teo amin’ny sisin’ny masonry izy, mino aho fa izay ilay izy, ka nandinika ahy. Nikisaka nankao amin’ny ilany anankiray aho, ary nanomboka nandeha nankany Andrefana, nankany amin’ny filentehan’ny masoandro; niakatra havoana iray, nidina havoana iray; niakatra havoana iray, nidina havoana iray; lasa niha-kely sy niha-kely, ary lasa tsy taka-maso tanteraka.

¹³³ Ary nilaza izy, tamin'izay fotoana izay, rehefa nanao an'izany aho, dia hoy izy hoe, "Tamin'izay fotoana izay dia nitodika ireo rahalahy, afaka kelikely, nanao hoe, 'Nanjavona ve izy? Lasa aiza izy?'" Dia hoy izy, "Ny sasany naka an'itsy lâlana itsy; ny sasany naka lâlana anankiray, ary ny sasany hafa." Fa, tena vitsy no nijanona ka njery an'izay noteneniko tamin'izy ireo.

¹³⁴ Mariho ankehitriny ny fandikana an'ilaynofy. Fa, tsy niteny zavatra anankiray taminy mihitsy aho, na tsy niteny tamin'ny anankiray tamin'izy ireo, tsy nisy tamin'izy ireo. Fa, hoy aho hoe, "Eny." Ary ny foko, nangovitra. Nandinika aho. Ankehitriny, ilay soratra mahagaga... Andraso, avelako vetivety ilay izy.

¹³⁵ Vao tsy ela akory izay, Rahalahy Beeler... Mazàna dia miaraka amintsika i Rahalahy Beeler. Eto ve ianao, Rahalahy Beeler? Eny, ery aoriana ery. Hoy i Billy hoe, "Torotoro tanteraka Rahalahy Beeler. Nanananofy iray hafahafa izy."

¹³⁶ Nanatona an-dRahalahy Beeler aho, dia nilaza izy, tany an-tranony indray hariva, rehefa nandeha nankany amin'ireo antso sasany aho. Dia hoy izy hoe, "Rahalahy Branham, nanananofy iray hafahafa aho." Hoy izy, "Nanonofy aho hoe nandeha teo amin'ny onin-drano iray aho, nankany andrefana. Ary nisy lâlana iray teo amin'ny ilany ankavia. Ary teo amin'ny ilany ankavia aho, nandeha nankany andrefana teo amin'ilay lâlana, toy ny hoe, niambina biby fiompy. Ary teo amin'ilay ankavanana, dia sendra nahamarika aho rehefa avy tonga teo, fa teo ianao. Ary nanangona andiana biby fiompy goavana iray ianao, ary nisy sakafotsaka teo." Dia hoy izy, "Avy eo ianao dia nitondra an'ireo biby fiompy ireo ka namerina azy ireo hiakatra amin'ilay renirano." Ary, toa, tsy maintsy nanetsika loha taminy aho mba hiambina an'ireo biby fiompy ireo. Dia hoy izy hoe, "Ankehitriny, ho mora ho an'ireo biby fiompy ireo ilay izy, fantatro fa handeha any amin'ny lâlana izay misy ny fanoherana kely indrindra izy ireo. Saingy tian-dRahalahy Branham hijanona eo amin'ny ilany ankavanana'i renirano io izy ireo, noho izany dia hiverina amin'ity lâlana ity aho ka hisakana azy ireo tsy hiampita an'ilay renirano amin'ity ilany ity, ka hihazona azy ireo eo amin'itsy ilany itsy." Fa, nahamarika izy, tsy nanaraka an'ilay biby fiompy mihitsy aho, fa nanohy, niankandrefana. Hoy izy hoe, "Tsy maintsy hitady an'ireo very lâlana izy."

¹³⁷ Tsy niteny betsaka an'ilaynofy akory izy, dia efa hitako ilay izy. Ary avy eo, mariho, nilaza izy fa somary nisalasala momba ahy, noho izany dia niverina izy mba hijery. Ary nilaza fa tonga teo amin'ny tendrombohitra mafy iray aho, ary tampoka teo dia nanjavona aho. Dia nanontany izy hoe inona no tsy nety. Nidina izy. Ary avy eo dia nanana ony kely iray izy teo amin'ny ilany, izay nivadika nankany ankavia. Heveriko fa marina izany, Rahalahy Beeler. Hia. Ary nahamarika izy avy teo... Ary teo

anilako dia nisy rian-drano iray nampatahotra. Ary tamin'izay fotoana izay dia nihevitra izy fa mety latsaka tao anatin'ireo rian-drano ireo aho ka—ka levona. Avy eo dia nahamarika izy, ary nilaza izy fa njery manodidina, nahita ny fiantraikan'ireo rian-drano ireo, nandeha nidina tamin'ity lâlana ity ary nanao lava-drano iray hifantsintsitra, saingy tsy niverina teo amin'ny tany ilay rano. Nijery teny am-pitan'ilay sampana kely izy, na ony kely, ka nahita biby kely sasantsasany niaraka tamin'ny sofina boribory. Dia hoy izy, "Mino aho fa haka anankiray." Dia niampita izy.

¹³⁸ Avy eo dia nieritreritra mikasika ahy izy. Dia niakatra teo ambonin'ny dongan-tany kely iray izy, mba hijery sy hahita raha nisy sisiny kely, bitika, tery iray teo, fantatrareo, mba ahafahako mandehandeha. Saingy, hoy izy, "Tsy nisy na inona na inona teo." Dia nanahy izy. Hoy izy hoe, "Inona no nitranga tamin'ny rahalahinay? Manontany hoe inona no nitranga tamin-dRahalahy Branham?" Ary rehefa natahotra izy, dia nilaza fa nandre ahy niteny. Ary nitsangana teo an-tampon'ny tendrombohitra iray aho. Ary niteny tamin-dRahalahy Beeler ny fandikananofy iray izay nomeko azy vao tsy ela akory izay, ary niteny taminy mba hiandry ny Tompo, hoe hihaona aminy eo amin'ny nosy iray aho indray andro any. Ary teo izy.

¹³⁹ Ankehitriny, ny fandikana an'ionofy io dia ity: Fa lehibe ilay ony, dia izany no onin'ny fiaainana. Nandeha niankandrefana teo ambonin'izany aho, ary toy izany koa izy; satria, teo amin'ny lâlana iray izy, nihazakazaka kely izy...nidina tamin'io lâlana io. Ary teo amin'ilay ilany hafa dia be ahitra, saingy be lobolobo, sy kirihitra be tsilo, ary ala; saingy nisy ahitra betsaka tao anatiny. Ary tahaka an'izany no itadiavantsika ny Tompo, sy ny Sakafon'ny Tompo, amin'ny alâlan'ny fahasarotana. Ny fanangonana ny biby fiompy, dia ity fiangonana ity, miandry azy ireo teo amin'io ilany io. Hifidy an'ilay lâlana mora tokoa ilay biby fiompy, ny anaram-piangonana, raha vitan'izy ireo; fa, ny lâlana dia maneho anaram-piangonana. Nanomboka namerina azy hiakatra teo amin'ilay lâlana aho, mba hahita fa tsy nandeha nankany amin'ny anaram-piangonana iray izy ireo.

¹⁴⁰ Hany ka nahita rindrina iray izy izay tsy azo aleha tanteraka mihitsy, izay nanakana ahy tsy handeha any andrefana, izany ilay resaka hetra niaraka tamin'ny governemanta. Tsy nisy olona afaka nahazo hoe ahoana no mba nahafahako tamin'izany. Rindrina iray izay nanakana ahy izany, saingy ny Tompo no nitondra ahy namakivaky azy, ka tafampita an'izany aho. Hihaona aminao aho, Rahalahy Beeler, eo amin'ilay nosy.

¹⁴¹ Noho izany ankehitriny, avy eo, taorian'izany avy hatrany, Rahalahy Roy Roberson. Rahalahy Roy, eto ve ianao izao hariva izao? Eny, izaho—mino aho...Ahoana? [Hoy ny rahalahy iray hoe, "Eny amin'ilay ilany."—Mpand.] Eny amin'ilay ilany.

Niantso ahy izy, ary nanana nofy iray. Ary nanonofy izy hoe nanangona biby fiompy izahay. (Ankehitriny, izany ilay anankiray fahatelo.) Nanangona biby fiompy. Ary nisy ahitra teo, hatreny amin'ny kibo, sakafo betsaka. Niaraka isika rahalahy rehetra. Ary tonga teo amin'ny toerana iray isika mba hisakafo, ary nitsangana i Rahalahy Fred Sothmann ka nanao hoe, "Elia, ilay mpaminany lehibe, dia hiteny manomboka eto androany, amin'ny mitataovovonana." Ary avy eo rehefa avy nisakafo izahay rehetra, dia lasa ny olona rehetra, ary nanontany izy hoe nahoana izy ireo no tsy niandry mba hihaino an'Izany voateny.

¹⁴² Ankehitriny, jereo hoe ahoana fa mifanaraka marina tokoa tamin'ny an-dRahalahy Jackson izany! Hitanareo, mifanaraka marina tokoa izany, marina tokoa, tamin'izay nolazain-dRahalahy Beeler! Tsy nisy niandry, mba hahita.

¹⁴³ Mariho, taorian'izany avy hatrany. Ranabavy Collins, eto ve ianao? Nanonofy nofy iray Ranabavy Collins hoe teto am-pianganana, ary nisy mariazy iray natao hiseho. Ary rehefa nanonofy izy, dia nahita an'ilay Mpampakatra niditra, tanteraka; fa ilay Ampakarina dia tsy tena tanteraka mihitsy, kanefa dia ny Ampakarina izany; ankehitriny, izany dia ilay Fianganana. Ary nisy tahaka ny fandraisana iray teo, na fo—fotoana iray nandeha teto, tahaka ny sakafo naroso. Ary toa tonga teo akaikiny izany satria dia Rahalahy Neville no nandroso sakafo iray tao am-pianganana, saingy nilaza izy fa izany no Sakafo tsara indrindra izay hany hitany. Tena noana izy. Fa nihevitra angamba izy hoe, tao amin'ilay nofy, fa tsy tokony hanolotra an'Izany izy, dia saika handeha hankany amin'ny Ranch House izy sy Rahalahy Willard ka hihinana. Ary rehefa nandeha izy ireo, dia maty ilay Jiro teo amin'ny ilany ankavanana. Ankehitriny, fantatrareo hoe inona Izany.

¹⁴⁴ Ankehitriny, ilay Sakafo. Tsy tanteraka ilay Ampakarina, fa ilay Mpampakatra dia tanteraka. Tsy mbola tanteraka ilay Ampakarina, fa ilay Sakafo izay nomena dia tsy sakafo ara-bakiteny, Sakafo ara-panahy izay efa nanananareo izany, hatramin'izay.

Mamelà ahy hijanona eto eo amin'io nofy fahefatra io, vetivety fotsiny.

¹⁴⁵ Tsaroanareo ve, Rahalahy Fred Sothmann, Rahalahy Banks Wood, rehefa tany Arizona isika tamin'ny taon-dasa, rehefa nihaza lambo isika, ka niteny ny Tompo? Tsy fantatrareo ve ireo zavatra izay Nataony tanteraka tokoa, naneho an'izay hiseho, raha nandeha teo amin'ilay lèlana isika? Raha marina izany, ianareo rahalahy anankiroa manaoa hoe, "Amena." [Hoy ireo rahalahy anankiroa hoe, "Amena."—Mpand.] Tsy diso mihitsy.

¹⁴⁶ Ary hitako tao amin'ny fahitana raha namily fiara izahay, indray andro, to—tonga tamiko ny fahitana iray avy tamin'ny

Tompo, ary nivonona aho ny, tamin'io fotoana io, rehefa niverina tany an-trano aho, ny handeha any ampitan-dranomasina. Ary rehefa nandeha tany ampitan-dranomasina aho, eny, dia hitako teo ambonin'ny sambo... na teo amoron-dranomasina, izay nisy an'ireo sambo nandeha. Ary nisy lehilahy kely iray, fohy teo, ka hoy izy hoe, "Efa nanomana sambo iray ho anao aho, Rahalahy Branham." Ary lakana kely bitika iray ilay izy, teo—teo amin'ny iray dian-tongotra ny halavany, saingy fotsy toy ny oram-panala ilay izy. Dia hoy izy tamiko hoe, "Mba hiampitanao ity."

"Oh," hoy aho, "ilay izy—ilay izy—tsy ampy ilay izy."

¹⁴⁷ Hoy izy hoe, "Handeha efapolo maily isan'ora izy, mandroso-sy-miverina amin'ity lalana ity." Izany hoe, mandroso-sy-miverina eo amin'ilay morona.

"Saingy," hoy aho, "tsy hitondra ahy miampita izy."

¹⁴⁸ Ary avy eo dia njery ambany izy, ka nanao hoe, "Mandehana tahaka ny andehanan'izy ireo." Dia njery aho, ary teo Rahalahy Fred Sothmann sy Rahalahy Banks Wood, nipetraka tao anatin'ny lakana iray niloko maitso, niaraka tamin'ny lay filasiana iray taoriany. Rahalahy Banks niaraka tamin'ny satroka iray nihodina niakatra tahaka an'izao; Rahalahy Fred niaraka tamin'ny lohan-kasiketiny niforitra. Dia hoy izy hoe, "Mandehana tahaka azy ireo."

Hoy aho hoe, "Tsia. Tsy handeha aho."

¹⁴⁹ Ary nilaza tamin'izy ireo io lehilahy io, ilay lehilahy kely, nanao hoe, "Tantsambo ve ianareo?"

Hoy Rahalahy Banks hoe, "Eny." Hoy Rahalahy Fred hoe, "Eny."

¹⁵⁰ Fa hoy aho hoe, "Tsy izany izy ireo. Izaho no tantsambo iray, ary fantatro fa tsy ho an'izany fotsiny no handehanako, ary azoko antoka fa tsy tahaka an'izany no handehanako."

Hoy izy, "Tsy handeha hiaraka amin'izy ireo ve ianao?"

Hoy aho hoe, "Tsia. Tsia."

¹⁵¹ Eny, nitodika aho. Ary, rehefa nitodika aho, ilay lehilahy kely teo amin'ny seranana dia nivadika ho ny rahalahiko tsara, Rahalahy Arganbright.

¹⁵² Ary niverina tao amin'io fahitana io aho, ka nisy tranobe kely, lava. Ary avy eo dia nisy Feo nilaza tamiko.... Ary ianareo rehetra dia mahatsiaro an'ity, na, ny maro aminareo. Hoy ny Feo iray tamiko hoe, "Ampidiro ny Sakafo. Tehirizo ao Izany. Izay ihany no fomba tokana hihazonana azy ireo eto, dia ny manome Sakafo azy ireo." Ary izaho nitondra, nampiditra, barika goavana be feno karoty tsara tarehy indrindra sy legioma tsara tarehy indrindra, sy ny sisa, izay hany hitako. Tsaroanareo ve ankehitriny, ilay fahitana? [Hoy ny fiangonana hoe, "Amena."—Mpand.]

¹⁵³ Ankehitriny, ary noteneniko taminareo taty aoriana hoe inona ilay fandikana. Natao handeha tany Zurich aho, Suisse, niaraka tamin-dRahalahy Arganbright, ho an'ny favoriana hariva dimy. Niteny tamin'ireo rahalahy aho talohan'ny nitrangan'izany hoe, "Tsy handeha aho." Ary tany aho niaraka tamin-dRahalahy Welch Evans, rehefa nanome ny fandikana Izany.

¹⁵⁴ Indray hariva, mino aho fa tonga Rahalahy Welch ka naka ahy, saika handeha teo amin'ny dia fanjonoana iray izahay, ary nilaza fa niantso ahy Rahalahy Arganbright. Hoy aho hoe, "Eny ary, io ilay izy. Hanala ahy izy ireo." Ary matetika . . .

¹⁵⁵ Tsy amin'ny alàlan-dRahalahy Miner; iray amin'ireo sakaizako mahafinaritra indrindra izy. Fa matetika, raha afaka fotsiny izy ireo . . . Raha mihevitra izy ireo fa hitory zavatra iray izay manohittra ny foto-pampianaran'izy ireo ianareo, dia milaza fotsiny izy ireo fa ho any ianareo, mba hahita ny sakaizanareo any. Ary nilaza izy ireo . . .

¹⁵⁶ Niantso ahy Rahalahy Arganbright ka nanao hoe, "Rahalahy Branham," izay nolazain'ny Fanahy mihitsy. Hoy izy, "Tongava ianao, ento miaraka aminao ny vadinao," hoy izy, "satria tsy voatery hitory teny betsaka mihitsy ianao," hoy izy, "satria mihevitra aho fa haka anao ho an'ny hariva iray fotsiny ihany izy ireo." Dia hoy izy, "Mety tsy mila mitory teny ianao amin'io anankiray io."

Dia hoy aho hoe, "Tsia."

¹⁵⁷ "Eny," hoy izy, "avia, ianao sy ny vadinao, avia ianareo rehetra, hitanao, ary raha tonga ianareo, dia hitondra anareo ho amin'ny fitetezam-paritra iray aho. Oh, ny vadiko, ny vadinao, ary izy rehetra ireo, handeha hitety an'i Suisse isika, hatrany Palestina."

Hoy aho hoe, "Tsia."

¹⁵⁸ Azoko ilay fandikana. Niteny tamin-dRahalahy Welch aho, na Rahalahy Fred sy izy ireo hoe, "Hiteny aminareo aho amin'ny maraina, fa tsy maintsy milaza zavatra iray aloha ny vadiko." Ary rehefa niantso azy aho, tamin'izay fotoana izay dia nandà ny handeha izy. Hoy aho hoe, "Io ilay izy." Hitanareo?

¹⁵⁹ Ankehitriny, ilay sambo kely, fotsy dia io favoriana anankiray io. Mety tsara ny mandeha na aiza na aiza eto, eo amin'ny morona, miaraka amin'ny favoriana iray, saingy tsy ampy izany, na dia fotsy sy tsara aza ilay izy, mba hiantsoana ahy hiampita ranomasina.

¹⁶⁰ Rahalahy Fred, ary rahalahy tany, voaseho tao amin'ilay fahitana, izy ireo dia naneho hoe, "Mandeha tahaka ny mpizaha tany iray, ho an'ny fahafinaretana." Fa tsy noraharahiako ny hanao an'izany. Ary ny fandàvana azy ireo tsy ho tantsambo,

izany dia nidika fa tsy mpitory teny izy ireo. Fa, izaho no mpitory teny iray.

¹⁶¹ Ary avy eo ilay Sakafo tao anatin’io tranobe kely, lava io. Tsy nandeha tany ampitan-dranomasina aho; ary niverina nankeo amin’io tranobe kely io, ary nanao horonam-peo roa ambin’ny folo izahay, ny amin’ireo pyramida sy ny zavatra rehetra, mba haneho amin’ny olona an’ilay ora izay iainantsika.

¹⁶² Ankehitriny dia ampitahao izany na dia amin’ireo hafa aza, ireonofy. Fahitana iray izany. Ilay Sakafo, ity Izany. Ity ilay toerana.

¹⁶³ Mariho arak’izany izay niseho. Avy eo taorian’ny nahatongavan’io fahitana fahefatra io avy hatrany, na nitenenana tamiko an’ilay nofy fahefatra, dia tonga ny Rahalahy Parnell iray. Eto izy, any ho any, eto mihitsy. Ary tsy teto i Billy, sady taitaitra ilay lehilahy. Avy any Bloomington izy, mino aho, na Bedford? [Hoy ny rahalahy iray hoe, “Lafayette.”—Mpand.] Lafayette, nanao favoriana. Ary nanana nofy iray izy, ka nanatona an-dRahalahy Wood. Dia hoy izy hoe, “Tsy afaka mamela an’izany handeha fotsiny aho. Tsy maintsy teneniko ilay izy, tsy maintsy teneniko amin-dRahalahy Branham. Manelingelina ahy ilay izy.”

¹⁶⁴ Ary Andriamanitra no mahafantatra, tsy nisy nofy anankiray teo anelanelan’izy ireo. Tonga fotsiny, iray, roa, telo, efatra, dimy, enina.

¹⁶⁵ Hoy Rahalahy Parnell hoe, “Nanana nofy hafahafa iray aho. Nanonofy aho hoe nandeha hanao favoriana iray aho tany. Ary na ahoana na ahoana, dia nisy favoriana iray teto tao amin’ny fiangonana vaovao iray, tahaka an’izany.” Dia hoy izy, “Ity fiangonana vaovao ity,” ahoana no nahatongavany, ka nanontany izy hoe nahoana izy ireo no tsy niara-niasa teo amin’izy roa, na zavatra tahaka an’izany. Ary nilaza izy fa nitsangana teto, hany ka, “Eny, efa tato aho. Hiandry fotsiny aho, ary hanatrika ny fotoana.” Dia hoy izy, “Tonga nitety an’ilay tranobe ny lehilahy iray, nanao palitao sy pataloaha volontany iray, ary boky iray. Heveriko fa nanoratra izy.” Ary niteny tamin-dRahalahy Parnell izy, nanao hoe, “Favoriana iray manokana ity. Ho an’ireo diakona sy mpitantan-draharaha irery ihany izany.” Eny, nahatsapa ho voahitsaktsaka kely izy. Noho izany dia nandeha nivoaka ny varavarana’ilay fiangonana vaovao izy, ilay fiangonana izay efa voaorina, na io anankiray namboarina io, navaozina. Ary rehefa nandeha tany ivelany izy, dia nisy oram-panala, toetr’andro ratsy, andro ririnina.

Ary tsy nisy anankiray tamin’ireo olona ireo nahafantatra na inona na inona mikasika an’io.

¹⁶⁶ Ary rehefa nandeha nivoaka ny varavarana izy, dia nitsangana teo aho, njery niankandrefana. Hoy aho hoe, “Aza

mahatsiaro ho voahitsakitsaka, Rahalahy Parnell. Izaho no hitarika anao, izay tokony hataonao.”

¹⁶⁷ Ary Rahalahy Parnell, sy ny sisa rehetra tamin’izy ireo, dia nahafantatra fa tsy niteny fandikana tamin’izy ireo mihitsy aho. Izao ankehitriny izao ilay izy; kanefa, nahita an’izany rehefa niteny an’izany izy ireo. Efa voamarikao ve hoe haingana toy ny ahoana no nialako teo, Rahalahy Parnell? Mba hiala tsy ho voatery hiteny aminao. Ary nanohy nandeha aho, tsy nilaza na inona na inona tamin-dRahalahy Wood mihitsy na olon-kafa, na iza na iza. Namela an’ilay izy fotsiny, satria tiako ny hahita hoe nitondra nankaiza ilay izy. Efa nandre ahy nilaza ve ianareo vao haingana hoe, “Sahiran-tsaina aho”? Io ilay izy.

¹⁶⁸ Ary noho izany, Rahalahy Parnell, nilaza izy fa izaho dia nilaza taminy hoe, “Rahalahy Parnell, manomboha. Ary ny toerana voalohany hahatongavanao dia ho i Zipora.” Zipora, “Zipora,” izay midika hoe tsipi-panohizana, na fijanonana, na zavatra iray. Hoy aho hoe, “Aza mijanona eo. Noho izany mandehana, manaraka, dia hahita vehivavy antitra iray ianao; ary amin’izay fotoana izay dia aza mijanona eo. Mandehana indray, hahita vehivavy iray tena antitra ianao; aza mijanona eo.” Ary tamin’ny fotoana rehetra izay nisy anay, izay niezahako, dia nandeha nitety an’ilay oram-panala izahay. Dia hoy aho hoe, “Mandehana mandra-pahitanao ny Vadiko. Ka rehefa hitanao ny Vadiko, dia mijanòna eo!” Ary nilaza izy fa njery, ka nivoaka avy tao amin’ilay oram-panala izahay, nankao amin’ny tany efitra. Dia nanjavona aho. Dia nitodika izy, ary nahita ny vadiny nipaompy rano avy tao amin’ny fantsakana iray, ary nisy mpitoriteny iray nisintonia azy, nisintonia azy hanalavitra an’ilay paompy. Nandinika azy izy. Ary nifoha izy.

¹⁶⁹ Ity ilay fandikana nynofinao. Ary afaka niteny taminao aho, tamin’io hariva io, saingy nihodina lasa fotsiny aho. Ny amin’io Zipora io, ary vehivavy antitra anankiray, sy vehivavy hafa iray tena, tena antitra, izany dia ireo fiangonana. Hitanareo? Ary Zipora marina tokoa no—no vadin’i Mosesy, Zipora, ary mahamarika isika fa niteny taminy aho mba tsy hijanona teo amin’izy ireo, tsy mampaninona na antitra toy ny ahoana aza izy ireo. Rafi-pandaminana izy ireo. Aza mijanona eo amin’izy ireo. Niaina ho an’ny fotoany izy ireo. Fa rehefa tonga teo amin’ny Vadiko izy, dia ny Fiangonako izay nanirahan’i Jesosy Kristy ahy, ity amin’izao andro farany izao ity, ary ity Izany, “Mijanòna eo!” Dia lasa niankandrefana aho.

¹⁷⁰ Avy eo Ranabavy Steffy. Mety tsy eto izy, satria tany amin’ny hopitaly izy. Tsy fantatro hoe aiza... Eto ve Ranabavy Ste-...? Eny, io izy. Tonga tany an-tranoko Ranabavy Steffy ho an’ny vavaka, talohan’ny nandehanany nankany amin’ny hopitaly ho an’ny fandidiana, mba hanampian’Andriamanitra azy sy hitahiany azy. Ary nanao tokoa Izy.

Dia hoy izy hoe, “Nanananofy hafahafa iray aho, Ranadahy Branham.”

Hoy aho hoe, “Eny?”

¹⁷¹ Dia hoy izy hoe, “Nanonofy aho hoe tany Andrefana aho. Ary izaho . . .” Izany ilay fahenina. Dia hoy izy hoe, “Nanonofy aho hoe tany Andrefana aho, ary nanana faritra iray nkorontana. Ary rehefa njery aho, nitsangana teo amin’ny havoana iray, dia nisy lehilahy tena antitra iray niaraka tamin’ny volombava lava, fotsy, ary ilay volo izay nananany dia nandeha nidina nanerana ny tarehiny. Ary nanana firakotra fotsy iray izy, zavatra iray, fitafiana,” hoy izy, “nitsoka azy ny rivotra.” Heveriko fa marina izany, Ranabavy Steffy, tahaka an’izany. Dia hoy izy, “Nanohy nanatona akaiky kokoa aho. Izy dia nitsangana, teo an-tampon’ny tendrombohitra iray, njery niatsinanana.” Dia hoy izy, “Nanontany aho hoe, ‘Iza io lehilahy antitra io?’” Dia nandroso akaiky kokoa, akaiky kokoa izy. Ary rehefa tonga akaiky izy, dia fantany hoe iza ilay izy. Izany dia ilay Elia tsy mety maty, ilay mpaminany, nitsangana teo njery nankany Atsinanana.

¹⁷² Hoy izy hoe, “Tsy maintsy mahita azy aho.” Nanana ilaina iray izy. Ary nihazakazaka niakatra an’ilay havoana izy ka nianjera teo, mba hiresaka aminy, amin’ny anaran’i Elia. Ary nilaza, rehefa niteny izy . . . Nandre feo iray izy, nanao hoe, “Inona no ilainao, Ranabavy Steffy?” Ary izaho ilay izy.

¹⁷³ Tanteraka teo no ho eo ilay nofinao, Ranabavy Steffy. Satria, taorian’izany avy hatrany, dia nandeha nankany Louisville aho. Ny nilainy dia ny vavaka. Hitanareo? Ary nety tsara mihitsy izy, tao amin’ny hopitaly; ary ilay famantarana mikasika ahy nandeha niankandrefana, njery niatsinanana, ho an’ny ondriko. Mariho. Rehefa . . .

¹⁷⁴ Nandeha nankany Louisville aho. Ary rehefa niverina aho, dia somary nanomboka teo amin’ilay vavahady aho, ka nisy tsato-kazo nalentika teo, hatreto amin’ny vavahadiko. Atoa. Goynes, avy amin’ny lâlamben’ny tanâna eto, dia nandalo teo amin’ilay lâlana. Hoy izy hoe, “Billy, avia eto.” Hoy izy, “Tsy maintsy mamindra an’ireo vavahadinao sy ny sisa ianao, fefy, fefy vato sy vavahady.”

Hoy aho hoe, “Eny, eka, Bill.” Hoy aho hoe, “Izaho dia-hataoko izany. Rahoviana?”

¹⁷⁵ Hoy izy hoe, “Hoteneniko aminao. Hampahafantariko anao hoe rahoviana.” Hoy aho hoe . . . “Amin’ny voalohan’ny taona mihitsy, no hanomboka hanao an’izany izy ireo.”

Hoy aho hoe, “Eny àry.”

¹⁷⁶ Noho izany dia nanomboka niverina nankao an-trano aho, dia hoy ny vadiko hoe, “Tokony handeha hankany amin’ny mpivarotra enta-madinika haingana mihitsy aho.” Dia nandeha

nidina teo amin'ny lèlana aho. Ary zazalahy iray, Raymond King, izay injenieran'ny tanàna. Izaho dia niantso azy foana hoe "Mud Ear." Satria, fony izahay ankizy kely, niaraka nilomano, dia nitoraka vongam-potaka iray teo amin'ny zalahy iray teo amin'ny sofina izy. Dia nantsoinay foana izy hoe, "Mud Ear." Mipetraka eo amin'ilay lèlana avy eo amiko mihitsy izy, eo—eo amin'ny varavarana faharoa ambanin-dRahalahy Wood.

Ary noho izany dia hoy aho hoe, "Mud, avia eto iray minitra."

Hoy izy hoe, "Eny àry, Billy." Dia tonga teo izy.

Hoy aho hoe, "Io tsato-kazo izay nalentikao io?"

¹⁷⁷ Hoy izy hoe, "Billy, izany dia, haka ny zavatra manontolo izy ireo." Hoy izy, "Ireo hazo rehetra ireo, ireo fefy ireo, sy ny zavatra hafa rehetra, dia tsy mantsy afindra."

¹⁷⁸ Hoy aho hoe, "Eny, niteny tamiko ilay injeniera fa ny taniko dia tonga hatrevo afovoan'ilay lèlambe."

¹⁷⁹ Hoy izy, "Eny, saingy hanitatra an'izany izy ireo. Haka azy, na ahoana na ahoana." Hoy izy, "Ny ahy ihany koa."

¹⁸⁰ Hoy aho hoe, "Eny, Rahalahy Wood dia—dia mpandrary vato, ary," hoy aho, "izaho dia—hangataka azy hamindra an'ilay izy aho."

¹⁸¹ Hoy izy, "Billy, aza kasihana ilay izy. Avelao ilay mpiantoka no hanao an'izany. Ilay presbytera izany, sa tsy izany?"

Hoy aho hoe, "Eny, tompoko."

Hoy izy, "Avelao izy no hanao an'izany." Hoy izy, "Fantatrao izay tiako lazaina."

Hoy aho hoe, "Eny."

¹⁸² Dia nihodina aho, ary, haingana tahaka an'izao, dia nisy zavatra nandôna an'ilay izy. [Manapoapoaka ny rantsan-tànany Rahalahy Branham—Mpand.] Nandeha nody aho, niditrao tao amin'ny biraoko, naka an'io boky io, ary teo ilay izy. Tsy vongan-tsimenitra ilay izy; vato ilay izy. Hoy aho hoe, "Meda, mivonònà."

¹⁸³ Nofy enina nitohy, ary avy eo dia ilay fahitana no namehy azy. "Rehefa miseho ireo zavatra ireo, dia mitodiha mankany andrefana."

¹⁸⁴ Niantso an'i Tucson aho. Nahita toerana iray Rahalahy Norman. Tsy fantattro izay halehako. Tsy fantattro izay hatao. Izaho fotsiny dia tao amin'ny... Nitsangana aho. Tsy fantattro izay hatao. Hiala amin'ny trano iray izay tsy nila hofan-trano haloa aho. Zato dolara isan-kerinandro ny karamako. Ary saiky tsy mantsy mandoa zato dolara isam-bolana aho ho an'ny trano iray. Eto mihitsy aho miaraka amin'ireo rahalahiko sy anabaviko, eo amin'izay itiavana ahy. Nefa handeha aho, tsy fantattro hoe aiza. Tsy fantattro hoe nahoana. Tsy afaka miteny

aminareo aho hoe nahoana. Fa zavatra anankiray ihany no fantatro, dia ny manaraka an'izay Lazainy hatao. Tsy fantatro, tsy fantatro hoe lâlana iza no hihodinana, inona no hatao. Izany tsy nisy iray tamin'ny . . .

¹⁸⁵ Ataoko fa tahaka an'izany no tsapan'i Abrahama rehefa niteny taminy Izy hoe, "Mandehana, any ampitan'ny renirano." Tsy fantany izay hatao afa-tsy ny nivahiny, nanasaraka ny tenany. Tsy fantatro izay hatao.

¹⁸⁶ Tamin'ny Sabotsy maraina lasa, herinandro omaly, tany amin'ny telo ora maraina tany, nifoha aho ka naka rano ho sotroina, ary nametraka ny firakotra teo amin'i Joseph, tao amin'ny efitranony. Ary avy eo dia niverina aho, ary nandry fotsiny. Nandeha natory aho. Ary rehefa nandeha natory aho. . . Mitantara an'iretonofy kely ireto sy ny sisa ireto aho, mba hahitanareo ny fiavian'izay holazaiko. Izaho—norakofako i Joseph, ary niverina aho ka nandry, ary nandeha natory. Ary nanonofy nofy iray aho.

¹⁸⁷ Ary nanonofy aho hoe nahita lehilahy iray natao ho ny raiko aho, na dia lehilahy goavana be iray aza izy. Ary nahita vehivavy iray aho izay natao ho ny reniko, saingy tsy nitovy fotsiny tamin'ny reniko izy. Ary tena ratsy fanahy tamin'ny vadiny io lehilahy io. Nanana tsorakazo nisy zorony telo izy, fa izy no nandavâka an'io hazo io. Ary izany dia nanao ny . . . Fantatrareo, tapa-kazo iray, eo amin'ny vatan-kazo iray, fantatrareo, manao tsorakazo iray misy zorony telo izany. Ary isaky ny nanomboka nitsangana io vehivavy io, dia nandramby azy tamin'ny tendany fotsiny izy ka nikapoka azy teo amin'ny loha, ary nahatorana azy. Ary avy eo dia nandry teo izy, sy nepararetra sy nitomany, ary avy eo dia nanomboka niverina nitsangana indray izy. Nandehandeha teo izy, niavonavona, niaraka tamin'ny tratrany nibontsina, lehilahy goavana be. Ary rehefa nitsangana indray izy, dia noraisiny tamin'ny tendany izy, ary naka an'io tsorakazo misy zorony telo io, ka nikapoka azy teo amin'ny lohany tamin'izany, nandavo azy. Nandeha indray ary nanabontsina ny tratrany, toy ny hoe nanao zavatra goavana iray izy.

¹⁸⁸ Dia nihataka aho, nandinika an'izany. Nieritreritra aho hoe, "Tsy afaka hifampikatroka amin'io lehilahy io aho. Goavana loatra izy. Ary, avy eo, natao ho ny papako izy, saingy tsy papako izy." Dia hoy aho hoe, "Tsy manana zò hitondra an'io vehivavy io tahaka an'izao izy." Ary somary sosotra kely taminy aho. Koa, noho izany, tampoka teo, dia nanana herim-po betsaka aho, ka nandeha nanatona azy, ary nandramby azy tamin'ny vozon'akanjony ka nanodina azy. Dia hoy aho hoe, "Tsy manana zò hikapoka azy ianao." Ary rehefa nilaza an'izany aho, dia nitombo ireo hozatra. Nitovy tamin'ny olombe iray aho. Ary njery an'ireo hozatra ireo ilay lehilahy, ka natahotra ahy izy avy eo. Dia hoy aho hoe, "Raha mikapoka azy indray ianao, dia

hifampiraharaha amiko.” Ary somary niahotra ny hikapoka azy indray izy. Ary avy eo dia nifoha aho.

¹⁸⁹ Ary nandry teo vetivety aho. Nieritreritra aho hoe, “Inona izany? Hafahafa ny nanofisako mikasika an’io vehivavy io.” Ary vetivety fotsiny, dia indro fa tonga Izy. Nanana an’ilay fandikana aho.

¹⁹⁰ Ilay vehivavy dia maneho ny fiangonan’izao tontolo izao, amin’izao andro izao, izao tontolo rehetra izao. Teraka tao anatin’ity loto ity aho, ary inty aho. Izy dia natao ho karazan’ny—ny reny iray an’ny . . . raha izy no renin’ny mpijangajanga, kanefa aho dia teraka tao anatin’izany. Ary ny . . . Ny vadiny dia ireo anaram-piangonana izay mifehy azy. Ilay tsorakazo misy zorony telo izay nananany, dia io batisa triniterana amin’ny anarana sandoka io, ka, isaky ny manomboka mitsangana izy, ilay fiangonana, mba hanaiky an’Izany, dia kapohiny amin’izany izy. Ary, mazava ho azy, satria tena goavana izy, dia nitodika aho, natahotra kely azy. Ary avy eo dia nihazakazaka nankeo aminy aho, na ahoana na ahoana, ary ireo hozatra dia ireo hozatry ny finoana. Izany no nanao ahy hieritreritra hoe, “Raha momba ahy Andriamanitra, ka afaka manome hozatra ahy, dia avelao aho hitsangana ho azy. ‘Ajanony ny fikapohana azy!’”

¹⁹¹ Tokony ho tamin’ny folo ora atoandro tamin’izay, rehefa niezaka ny hiditra tao amin’ilay efitra ny vadiko, no nitranga izany. Niditra tao anatin’ny fahitana iray aho tamin’io maraina io, ary izaho na ahoana na ahoana . . . Ankehitriny, tsarovy, tsy nofy iray ilay izy.

¹⁹² Misy fahasamihafana eo amin’ny nofy sy fahitana. Ny nofy dia rehefa mandeha matory ianareo. Ny fahitana, dia rehefa tsy mandeha matory ianareo. Teraka tahaka an’izany isika. Ny olombelona tsotra, rehefa manonofy izy, dia ao amin’ny amparahatony izany. Ary lavitra azy ny amparahatony. Velona ireo taovam-panamboloany, raha mbola ao amin’ny fieritreretany voalohany foana izy. Ao amin’ny fieritreretana io, ianareo, dia ara-dalàna ianareo; mahita ianareo, manandrana, mahatsapa, manimbolo, mandre. Fa rehefa ao amin’ny amparahatokareo ianareo, matory, dia sady tsy mahita ianareo, no tsy manandrana, mahatsapa, manimbolo, na mandre. Fa misy zavatra iray, rehefa manonofy ianareo, ka miverina indray amin’io fieritreretana io. Misy fahatsiarovana iray eo, ka mahatsiaro zavatra iray izay efə nofisinareo ianareo, taona maro lasa izay. Tahaka an’izany ny olombelona tsotra.

¹⁹³ Fa rehefa mifidy zavatra iray mialoha Andriamanitra, dia tsy miala lavitra avy eto io amparahatoka io, ho an’ilay mpahita, fa miaraka eo mihitsy ireo fieritreretana roa. Ary ilay mpahita, ao anatin’ny fahitana iray, dia tsy mandeha matory. Mbola ao anatin’ireo taovam-panamboloany foana izy, ary mahita an’izany.

¹⁹⁴ Nazavaiko tamin'ireo dokotera sasany izany, indray andro. Dia nitsangana izy ireo ka nanao hoe, "Mahatalanjona. Tsy mbola nieritreritra zavatra iray tahaka an'izany mihitsy aza." Rehefa nanao fitsapana onja aho, ka nilaza izy ireo fa izaho... Tsy mbola nahita zavatra tahaka an'izany mihitsy izy ireo. Hitanareo? "Eny," hoy izy ireo, "misy zavatra mitranga aminao." Dia nilaza aho. Noteneniko ilay izy. Hoy izy hoe, "Izay ilay izy, marina tokoa." Hitanareo?

¹⁹⁵ Miaraka mipetraka mifanakaiky mihitsy ireo fieritreretana roa. Tsy misy na inona na inona azoko atao amin'izany, ary tsy manao ahy ho mihoatra noho ny olon-kafa izany. Izany fotsiny dia, Andriamanitra no nanao an'ilay izy ho tahaka an'izany. Tsy mandeha matory ianareo. Eto mihitsy ianareo, mitovy amin'ny torimaso iray fotsiny. Mitsangana eto ianareo, mijery, tahaka an'izao.

¹⁹⁶ Ary efa nahita an'izany ianareo rehetra, manerana an'izao tontolo izao. Tsy mandeha matory ianareo. Mitsangana eto amin'ny lampihazo, miresaka amin'ny olona, mandre ahy miditra ao anatin'ny fahitana ianareo ary miverina. Rehefa mandeha ao anatin'ny fiara iray miaraka aminareo aho, any an-kafa na aiza na aiza, ka miteny aminareo an'ireo zavatra izay hitranga; ary tsy diso mihitsy, tsy mbola. Efa nisy olona mba nahita an'izany diso ve? [Hoy ny fiangonana hoe, "Tsia."—Mpand.] Tsia, tomoko. Tsy mety diso izany. Tsy ho diso izany, raha mbola Andriamanitra foana izany. Mariho, eo amin'ny lampihazo mihitsy, an'arivony, eo anatrehan'ny olona an'aliny, na dia ao amin'ireo fiteny izay tsy azoko tenenina mihitsy akory aza, dia mbola tsy diso foana izany. Hitanareo? Andriamanitra izany!

¹⁹⁷ Ankehitriny, tao amin'io fahitana io, na raha niteny aho, dia njery aho ka nahita zavatra iray hafahafa.

¹⁹⁸ Ankehitriny, ilay izy dia toy ny hoe ny zanakolahy kely, Joseph, no teo akaikiko. Niresaka taminy aho. Ankehitriny, raha handinika tsara an'ilay fahitana mihitsy ianareo, dia hahita hoe nahoana no nitsangana teo i Joseph.

¹⁹⁹ Dia njery aho, ka nisy kirihitra goavana iray teo. Ary teo amin'io kirihitra io, tao amin'ny—tao amin'ny andiam-borona iray, vorona kely bitika, teo amin'ny antsasaky ny inch teo ny halavany, ary antsasaky ny inch ny haavony. Mpiady tranaindy kely izy ireo. Nikombona ny elatra kelin'izy ireo. Ary nisy teo amin'ny roa na telo no teo amin'ny tampon'ilay rantsan-kazo, enina na valo teo amin'ilay rantsan-kazo manaraka, ary dimy ambin'ny folo na roapoloo teo amin'ilay rantsan-kazo manaraka; nidina tamin'ny endrika pyramida iray. Ary ireo vorona kely ireo, ireo iraka kely, ary tena trotraka tsara mihitsy izy ireo. Ary njery niatsinanana izy ireo.

²⁰⁰ Ary tany Tucson aho, Arizona, tao amin'ilay fahitana, satria izany no nanao an'ilay izy ho tena hifantoka hoe tsy Tiany ho diso amin'ny fahitana aho hoe taiza ilay izy. Nanendaka tsipolipasika iray niala tamiko aho, an'ny tany efitra. Dia hoy aho hoe, "Ankehitriny, fantattro fa fahitana iray ity, ary fantattro fa any Tucson aho. Ary fantattro fa maneho zavatra iray ireo vorona kely ireo." Ary njery nankany atsinanana izy ireo. Ary tampoka teo dia nanao fihetsika iray mba hanidina izy ireo, ka lasa izy ireo, nankany atsinanana.

²⁰¹ Ary vantany vao lasa izy ireo, dia tonga ny andiamaborona lehibe kokoa. Nitovy tamin'ny voromailala izy ireo, elatra marani-doha, loko somary volontany, loko mazava kely kokoa noho ireo iraka kely voalohany. Ary nandeha nankany atsinanana izy ireo, haingana mihitsy.

²⁰² Ary vantany vao niala teo amin'ny fahitako izy ireo, dia nitodika indray aho njery nankany andrefana, ary io fa nitranga ilay izy. Nisy fipoahana iray izay nanozongozona ny tany manontolo tokoa.

²⁰³ Ankehitriny, aza diso an'ity. Ary ianareo, eo amin'ny horonam-peo, aoka hahazo antoka fa azonareo tsara ity.

²⁰⁴ Voalohany, fipoahana iray. Ary nihevitra aho fa naneno tahaka ny rindrim-peo iray ilay izy, na inona iantsoanareo azy rehefa miampita an'ilay feo ireo fiaramanidina, ka miverina eo amin'ny tany ilay feo. Nanozongozona fotsiny, tahaka an'izany, nierona, ny zavatra rehetra. Noho izany, mety ho efa nisy ny—ny—ny fitefoky ny kotrokorana lehibe iray, sy tselatra, tahaka an'izany; tsy nahita an'ilay tselatra aho. Nandre an'ilay fipoahana lehibe izay niseho fotsiny aho, izany dia naneno toy ny hoe tany atsimo, avy teo amiko, nankany Mexico.

²⁰⁵ Fa, nanozongozona ny tany ilay izy. Ary rehefa nanozongozona izy, dia mbola njery nankany andrefana foana aho. Ary lavitra tany amin'ny Mandrakizay, dia nahita andianjavatra iray tonga aho. Ilay izy dia toy ny hoe mety ho efa teboka kely. Nety nisy tsy latsaky ny dimy teo, ary tsy mihoatra ny fito. Fa, tao amin'ny endrika pyramida iray Izy ireo, tahaka an'ireo iraka izay tonga. Ary rehefa tonga izany, dia nampakatra ahy hihaona amin'Izy ireo ny Herin'Andriamanitra Tsitoha.

²⁰⁶ Ary afaka mahita an'Izany aho. Tsy niala tamiko mihitsy Izany. Valo andro izay no lasa, fa tsy mety adinoko izany, tsy mbola. Tsy mbola nanana zavatra nanelingelina ahy tahaka an'izany mihitsy aho. Ny fianakaviako no hiteny aminareo.

²⁰⁷ Afaka nahita an'ireo Anjely ireo aho, ireo elatra nikombona nankany aoriana, nandeha haingana noho ny ahafahan'ny feo nandeha. Avy tany amin'ny Mandrakizay izy ireo, tao anatin'ny fotoana fohy, toy ny indray mipi-maso. Tsy ampy hanakimpiana ny masonareo akory, indray mipika fotsiny, dia teo Izy ireo. Tsy nanam-potoana hanisana aho. Tsy nanam-potoana afa-tsy ny

hijerena fotsiny aho. Ireo Anjely mahery, lehibe, mahery, fotsy toy ny oram-panala; ireo elatra nipetraka, ary ireo loha. Ary Izy ireo dia, “Fioo-fioo!” Ary rehefa nanao izany, dia nakarina nankao amin’io pyramidan’andian-kintana io aho.

²⁰⁸ Dia nieritreritra aho hoe, “Ankehitriny, ity ilay izy.” Ngoly tanteraka aho. Dia hoy aho hoe, “Oh, oadray! Ity dia midika fa hisy fipoahana iray izay hamono ahy. Eo amin’ny faran’ny lâlako aho ankehitriny. Tsy tokony hiteny amin’ny oloko aho, rehefa miala ity fahitana ity. Tsy tiako hahafantatra mikasika an’izany izy ireo. Fa, ny Ray any An-danitra no hampahafantatra ahy ankehitriny fa tapitra ny fotoako. Ary tsy hiteny amin’ny fianakaviako aho, noho izany dia hiahiahы izy ireo mikasika ahy hoe, ‘Satria, efa vonona ny handeha izy.’ Ary tonga ho ahy ireto Anjely ireto, ka hovonoina tsy ho ela mihitsy aho ankehitriny ao anatin’ny karazana fipoahana iray.”

²⁰⁹ Avy eo dia izao no tonga tamiko, raha mbola tao anatin’io andian-kintana io aho hoe, “Tsia, tsy izany ilay izy. Raha namono anao ilay izy, dia namono an’i Joseph.” Ary afaka nandre an’i Joseph niantso ahy aho.

²¹⁰ Eny, avy eo dia nitodika indray aho. Nieritreritra aho hoe, “Tompo Andriamanitra, inona no dikan’ity fahitana ity?” Dia nanontany aho.

²¹¹ Ary avy eo dia tonga tamiko ilay izy, (tsy feo iray) tonga tamiko fotsiny. “Oh! Izany dia ireo Anjelin’ny Tompo, tonga mba hanome ahy ny fanirahako vaovao.” Ary rehefa nieritreritra an’izany aho, dia natsangako ny tànako, ka hoy aho hoe, “O Tompo Jesosy, inona no Tianao hataoko?” Dia niala tamiko ilay fahitana. Saiky nandritry ny adiny iray, no tsy nahafahako nahatsapa.

²¹² Ankehitriny, ianareo olona dia mahafantatra hoe inona ireo fitahian’ny Tompo. Fa, ny Herin’ny Tompo dia samihafa tanteraka mihitsy, ny Herin’ny Tompo ao amin’ireo karazana toerana ireo. Tsapako Izany, matetika, imbetsaka, tany aloha, tao amin’ny fahitana, saingy tsy tahaka an’izany mihitsy. Ilay izy dia toy ny hoe tahotra iray feno haja. Tena natahotra aho hany ka nalemy aho, tao amin’ny fanatrehan’ireo Vatana ireo.

²¹³ Miteny ny Fahamarinana aho. Tahaka ny nolazain’i Paoly hoe, “Tsy mandainga aho.” Tsy mbola nahatratra ahy nilaza zavatra diso mikasika ny zavatra iray tahaka an’izany mihitsy ianareo. Misy zavatra vonona hitranga.

²¹⁴ Avy eo, afaka kelikely, dia hoy aho hoe, “Tompo Jesosy, raha ho vonoina aho, dia ampaahafantaro aho, mba tsy hitenenako amin’ny oloko mikasika an’izany. Fa raha zavatra hafa ilay izy, dia ampaahafantaro aho.” Saingy, tsy nisy na inona na inona namaly.

²¹⁵ Rehefa niala tamiko ny Fanahy, nandritry ny teo amin’ny antsasak’adiny teo, neveriko, na mihoatra, dia hoy aho hoe,

“Tompo, raha izany no izy, amin’izay fotoana izay, hoe ho vonoina aho, ary nahavita ny amiko Ianao eto an-tany, ka—ka ho entina any an-Trano aho ankehitriny; fa, raha izany no izy, dia tsara izany. Mety tsara izany. Noho izany,” hoy aho, “raha izany no izy, dia ampahafantaro aho. Avereno eo amiko indray Ny Herinao, amin’izay fotoana izay dia ho fantattro fa tsy hiteny amin’ny oloko aho na olona iray mikasika an’izany, satria vonona ny ho tonga haka ahy Ianao.” Ary izaho... Ary tsy nisy na inona na inona nitranga. Dia niandry vetivety aho.

²¹⁶ Avy eo dia hoy aho hoe, “Tompo Jesosy, raha tsy izany no dikan’io, ary izany dia midika fa manana zavatra iray hataoko Ianao, ka ho voambara amiko izany any aoriane, amin’izay fotoana izay dia alefaso Ny Herinao.” Ary saiky nitondra ahy niala tao amin’ny efitra Izany!

²¹⁷ Nahita ny tenako aho, tany ho any, teo amin’ny zorony iray. Afaka nandre ny vadiko aho, tany ho any, niezaka ny nanozongozona varavarana iray. Nihidy ilay varavarana tao amin’ny efitra fatoriana. Ary nanana Baiboly iray nisokatra aho, ary izany... Namaky aho, tsy fantattro, fa izany dia tao amin’ny, mino aho, Romana ny toko faha-9, ilay andininy farany:

... *Indro, aho mametraka ao Ziona ny vato fehizoro, vato manafintohina iray, vato fehizoro sarobidy iray, ka na iza na iza mino azy dia tsy ho menatra.*

²¹⁸ Dia nieritreritra aho hoe, “Hafahafa ny namakiako an’izany.” Mbola nitondra ahy foana ny Fanahy, tao amin’ilay efitra! Nakatoko ny Baiboly ary nitsangana teo aho.

²¹⁹ Nandeha nankeo amin’ny varavarankely aho. Teo amin’ny folo ora atoandro teo izany, na mihoatra. Ary natsangako ny tànako, ka hoy aho hoe, “Tompo Andriamanitra, tsy azoko. Andro hafahafa iray ity, ho ahy. Any ankoatry ny tenako aho, saiky.”

²²⁰ Hoy aho hoe, “Tompo, inona no dikan’izao? Mamelà ahy hamaky indray, raha Ianao izany.” Ankehitriny, toa tanora ity. Dia nalaiko ny Baiboly, nosokafako izy. Teo indray ilay izy, teo amin’ilay toerana iray ihany, Paoly izay niteny tamin’ireo Jiosy fa izy ireo dia niezaka ny... niteny tamin’ireo Romana hoe ireo Jiosy dia niezaka nanaiky an’Izany tamin’ny alàlan’ny asa, saingy ilay izy dia amin’ny finoana no inoantsika an’Izany.

²²¹ Eny, fotoana iray nampatahotra izany, hatramin’io. Ankehitriny dia hitanareo izay itsanganako. Tsy fantattro izay mitranga. Tsy fantattro izay holazaina.

²²² Fa mamelà ahy ankehitriny, ankehitriny, manomboka izao, ho an’ireo minitra manaraka, eo amin’ny dimy ambin’ny folo, roapolo, dia mamelà ahy hiezaka hilaza zavatra iray eto ankehitriny. Tsarovy, tsy mbola diso mihitsy ireo fahitana ireo na dia indray mandeha aza. Haka ny Soratra vetivety aho ankehitriny, raha mahamarika ianareo, ao amin’ny Apokalypsy

ny toko faha-10. Mamelà ahy hilaza an'ity ankehitriny. Raha ara-tSoratra ny fahitana, dia amin'ny alàlan'ny Soratra irery ihany no azo andikana azy. Ary noho izany dia tiako ianareeo hametraka an'ity miaraka.

²²³ Ary, ankehitriny, ianareeo manatrika, ary ianareeo eo amin'ny horonam-peo, dia aoka hahazo antoka fa milaza an'ity arak'izay ilazako azy ianareeo, satria mety ho tena tsy azo tsara mihitsy ilay izy.

²²⁴ Maika ve ianareeo? [Hoy ny fiangonana hoe, “Tsia.”—Mpand.] Eny àry. Izao fotsiny... Misaotra anareeo aho nohon’ny tena filaminana, mahafinaritra.

Ankehitriny, “Ilay anjely fahafito...”

²²⁵ Ankehitriny, tompokolahy, (araka ny nanaovako lohateny an'ity) izao ve no famantaran'ny andro farany? Aiza isika no miaina? Fotoan'andro inona izao? Tahaka an'ilay mpitolona reraka, nandritry ny alina, nitsangana ka namelona an'ilay famantaranandro, mba hijery hahita hoe inona ilay izy, namelona an'ilay jiro. Ny fivavako dia, “Andriamanitra, avelao izahay hamelona an'ilay Jiro.”

²²⁶ Mitsangana ao amin'ny toerana mahatsiravina iray aho, raha nahafantatra an'izany fotsiny ianareo. Tsarovy, miteny aminareeo amin'ny Anaran'ny Tompo aho, efa niteny ny fahamarinana taminareo aho, ary misy zavatra vonona ny hitranga.

²²⁷ Tsy mahafantatra aho. Ankehitriny, ianareeo eo amin'ny horonam-peo, raiso izany. Tsy mahafantatra aho. Hanandrana aho. Izay tonga tamiko, omaly, nipetraka tao amin'ny biraoko, tsy milaza aho hoe fahamarinana ity; zavatra iray fotsiny nihetsika tao am-poko ilay izy, raha nandeha teo amin'ny gorodona aho.

²²⁸ Izaho—natao handeha aho, hiala nandritry ny fotoana kely ka nandeha niaraka tamin'i Charlie, ary nandeha nihaza niaraka taminy indray andro, talohan'ny tsy maintsy nisaranay.

²²⁹ Mamelà ahy hilaza, fa, satria hoe mandeha any andrefana aho, izany dia tsy hoe hiala amin'ity tabernakla ity aho. Ity no fiangonana izay nomen'ny Tompo Andriamanitra ahy. Ity no foibeko. Eto no ijanonako. Mandeha amin'ny fankatoavana didy iray izay nomena ahy tamin'ny alàlan'ny fahitana fotsiny ihany aho. Ny zanakolahy, Billy Paul, dia hijanona ho mpitantsoratro. Ho eto amin'ity fiangonana ity eto mihitsy ny biraoko. Amin'ny fanampian'Andriamanitra, dia ho eto aho rehefa izany no... mifarana ity zavatra ity, mba hitory an'ireo Tombokase Fito. Ary ireo horonam-peo rehetra izay ataoko, na zavatra hafa, dia hatao eto amin'ity fiangonana eto ity mihitsy. Ary eto mihitsy, araka ny fantstro, no toerana izay ahafahako mitory teny amin'ny fahalalahana betsaka mihoatra noho izay ahafahako any an-kafa na aiza na aiza eto amin'izao tontolo izao, satria misy vondron'olona iray eto izay mino, sy noana ary mifikitra. Ary

tahaka ny any an-trano ity, amiko. Ity no toerana. Ary raha mahamarika ianareo, dia niteny an'ilay zavatra iray ihany ireonofy, hitanareo, izay misy ny Sakafo.

²³⁰ Ankehitriny, fa, tsy fantattro izay mipetraka amin'ny ho avy, saingy fantattro Izay mihazona ny ho avy. Izany ilay zava-dehibe.

²³¹ Ankehitriny, Andriamanitra, raha diso aho, dia mamele ahy, ary avy eo dia akatony ny vavako, Tompo, amin'ny zavatra rehetra izay tsy ho ny Sitraponao. Manao an'izao fotsiny aho satria gaga aho, Tompo. Enga anie hahazo ny olona; gaga fotsiny.

²³² Ny antony iheverako fa tsy tonga teo no ho eo mihetsy ny fandikana, izany dia amin'ny alàlan'ny fahamasi-mandidin'Andriamanitra, satria mino aho fa voasoratra ato amin'ny Baiboly ato izany ho ahy. Ary amin'izay fotoana izay raha ara-tSoratra ilay izy, dia ny Soratra ireny ihany no afaka mandika azy. Ary raha marina izany, rahalahy, ranabavy, dia tsy ny hampahatahotra anareo no tiako lazaina, fa tsaratsara kokoa amintsika ny tena hitandrina tsara ankehitriny. Isika dia vonona ny... Misy zavatra vonona ny hitranga. Ary milaza an'izany amin'ny fanajana sy ny fahatahorana an'Andriamanitra aho. Ary mihevitra ianareo fa hitsangana eto aho... Ary mino ahy ho mpaminany iray mihetsy aza ianareo olona; tsy mihambo ho izany aho.

²³³ Ny fihetseham-poko dia ity. Na... Tamin'ny taona lasa, dia hoy aho hoe, "Izaho... Ny zavatra tokana hitako, tapitra ny fifohazana, ao amin'ireo firenena, na, ity firenena ity, na ahoana na ahoana." Nanao fitetezam-paritra evanjelistika iray aho. Maro taminareo no nandeha niaraka tamiko. Oh, nety tsara izany. Nanana fotoana lehibe isika, favoriana mahafinaritra, olona betsaka, saingy tsy nahatratra an'ilay tanjona izany.

²³⁴ Amin'ity taona ity, dia hanao fitetezam-paritra misionera iray aho. Vantany vao afaka aho, dia handeha any Afrika, Inde, ary manodidina an'izao tontolo izao, raha vitako, eo amin'ny fitetezam-paritra misionera iray hafa.

²³⁵ Raha tsy mety izany, amin'izay fotoana izay dia sady tsy hitondra rano aho na sakafo, ka hihanika eo amin'ny iray amin'ireo tendrombohitra avo any ireo aho, ka hijanona any mandra-pamalin'Andriamanitra amin'ny fomba iray. Tsy afaka miaina tahaka an'izao aho. Tsy afaka manohy fotsiny aho.

²³⁶ Ity angamba no mety ho valiny eto. Tsy fantattro. "Mandra-Panovany ahy," tsaroanareo ve ilay fahitana teo amin'ny telo herinandro lasa teo izay, "nitsangana tao anatin'ny masoandro, nitory teny tao amin'ny fiangonana"? Teto ianareo rehetra tamin'ny Alahady lasa. Alahady maro, ianareo olona eto izay maka an'ireo horonam-peo, ary—ary eto rehefa natao izany, azonareo ireo zavatra ireo. Satria, ankehitriny dia hikasika an'ireo toerana ireo mihetsy aho, ka diniho izany. Na dia ny kely tsirairay tamin'izay voalaza mihetsy aza, dia tafiditra ao

anatin’ity mihitsy, koa tsy maintsy ho ilay fandikana izany. Tsy fantattro. Izany no antony ilazako hoe, “Tompokolahy, izao ve ilay izy?”

²³⁷ Mino aho fa “ilay anjely fahafito” an’ny Apokalypsy 10 no ilay iraky ny taom-piangonana fahafito an’ny Apokalypsy 3:14. Tsarovy. Avelao aho hamaky ankehitriny. Jereo eo amin’izay azoko vakiana. Ankehitriny, izany no ilay anjely fahafito.

Fa amin’ny andron’ny feon’ilay anjely fahafito, (andininy faha-7) rehefa hanomboka hitsoka izy, dia ho tanteraka ny zava-miafin’Andriamanitra, araka ny efa nambarany tamin’ireo mpaminany mpanompony.

²³⁸ Ankehitriny, mahamarika ianareo, ity dia anjely iray. Ary izany no anjelin’ny taom-piangonana fahafito, satria voalaza eto hoe, izany no “anjely fahafito,” an’ny taom-piangonana fahafito. Jereo izany, raha tianareo ny hahita hoe iza ilay... aiza no misy an’ilay anjely, Apokalypsy 3:14, izany dia, “Ny anjely ho an’ny fiangonan’i Laodikia.”

²³⁹ Ankehitriny, tsaroanareo rehefa voalaza teo izany, ireo anjely sy ireo taom-piangonana. Ary ankehitriny, ao amin’ity, izany dia mifampiditra mihitsy ao amin’ireo Tombokase Fito izay hahatongavantsika ho resahaha ireo. Ary ireo Tombokase Fito izay handramantsika ho resahaha ireo, rehefa tonga eo amin’io fotoana io isika, dia ireo Tombokase fito voasoratra. Ary ireo Tombokase Fito ireo, araka ny fantatrareo, dia fanehoana fotsiny an’ireo anjely fiton’ireo fiangonana fito; saingy, misy Tombokase fito hafa izay ao ivohon’ilay Boky, Izany dia any ivelan’ny Baiboly. Mariho. Ho tonga eo amin’izany isika afaka fotoana fohy.

²⁴⁰ Ankehitriny, alohan’ny hanombohako an’ity, reraka ve ianareo? Tianareo ve ny hitsangana, hiova toerana? [Hoy ny fiangonana hoe, “Tsia.”—Mpand.] Henoy tsara ankehitriny.

²⁴¹ Ilay anjely fahafiton’ny Apokalypsy 10:7 no iraky ny taom-piangonana fahafito. Hitanareo? Diniho ankehitriny. “Ary amin’ny andro...” Ankehitriny diniho eto:

Fa amin’ny andron’ny feon’ny anjely fahafito, rehefa hanomboka hitsoka izy, dia ho tanteraka ny zava-miafin’Andriamanitra,...

²⁴² Ankehitriny, manambara, ity iraka ity, ilay anjely fahafito eto dia manambara ny Hafany amin’ny fiangonan’i Laodikia. Mariho ny karazan’ny Hafany. Ankehitriny, tsy ho an’ilay anjely voalohany izany, tsy nomena azy Izany; ny anjely faharoa, fahatelo, fahefatra, fahadimy, fahenina. Fa ilay anjely fahafito no nanana an’io karazana Hafatra io. Inona izany? Mariho ny karazan’ny Hafany, “Manatanteraka an’ireo zava-miafin’Andriamanitra rehetra, izay voasoratra ao amin’ilay Boky.” Ilay anjely fahafito no mamarana an’ireo zava-miafina rehetra izay nijanona nihantona, nanerana an’ireo rafi-

pandaminana sy anaram-piangonana rehetra. Ilay anjely fahafito no manangona azy ireo, ary manataneraka an'ilay zava-miafina manontolo. Izany no nolazain'ny Baiboly hoe, "Manataneraka ny zava-miafin'ilay Boky voasoratra."

²⁴³ Ankehitriny dia ndao isika handray naoty vitsivitsy amin'ireo zava-miafina ireo, ary raha tianareo ny handray naoty azy ireo. Voalohany, halai ko izay lazain'ny Scofield eto, ao amin'ny Matio 13. Raha tianareo ny handray naoty ny sasany amin'izy ireo, raha tsy manana Baiboly Scofield iray ianareo, dia afaka mamaky an'izay heveriny ho sasany amin'ireo zava-miafina ireo ianareo. Ankehitriny, ao amin'ny andininy faha-11:

Ary izy namaly ka nanao tamin'izy ireo hoe, Satria izany dia nomena ho anareo (Ireo mpianany), satria nomena ho anareo ny hahafantatra an'ireo zava-miafin'ny fanjakan'ny lanitra, fa tsy ho azy ireo, fa tsy nomena ho azy ireo izany.

²⁴⁴ Ireo zava-miafina, ity "ilay zava-miafina." Ny zava-miafina iray dia Soratra, Fahamarinana nafenina tany aloha fa voambara avy any An-danitra ankehitriny, saingy (izany dia) misy singa ivelan'ny voajanahary iray mbola mijanona foana na dia eo aza ny fanambarana. Ireo zava-miafina lehibe kokoa sy ireo zava-miafina lehibe dia:

²⁴⁵ Nomerao iray, ny zava-miafin'ny Fanjakan'ny Lanitra. Izany ilay anankiray izay resahantsika ankehitriny. 13, Matio 13:3 hatramin'ny 50.

²⁴⁶ Ankehitriny, ny zava-miafina faharoa dia ny zava-miafina mikasika ny fahajamban'ny Israely mandritr'ity taona ity. Romana 11:25, miaraka amin'ilay foto-kevitra.

²⁴⁷ Fahatelo, ny zava-miafina fahatelo dia ny zava-miafin'ny famindràna an'ireo olo-masina velona amin'ny fiafaran'ny fotoan'ity taona ity. Korintiana Voalohany 15, ary koa ny Tesaloniana 4:14 hatramin'ny 17.

²⁴⁸ Ny fahefatra, ny zava-miafin'ilay Fianganan'ny Testamenta Vaovao ho toy ny Vatana iray misy azy roa, Jiosy sy Jentilisa. Efesiana 3:1 hatramin'ny 11, Romana 16:25, ary koa ny Efesiana 6:19, Kolosiana 4:3.

²⁴⁹ Ny zava-miafina fahadimy dia mikasika an'ilay Fianganana ho Ampakarin'i Kristy. Efesiana 5:28 hatramin'ny 32.

²⁵⁰ Ny zava-miafina fahenina dia mikasika an'i Kristy velona, tsy mivoa omaly, anio, ary mandrakizay. Galatiana 2:20, sy Hebreo 13:8, ary toerana maro tahaka an'izany.

²⁵¹ Ny zava-miafina fahafito dia mikasika an'Andriamanitra, dia Kristy ho ilay fahafenoana tonga nofo ny Maha-Andriamanitra nitafy vatana, ao Aminy ny fahendren'Andriamanitra rehetra...

²⁵² . . . sy ny toe-panahy araka an'Andriamanitra no naverina tamin'ny olona.

²⁵³ Ny zava-miafina fahasivy dia ny zava-miafin'ny heloka, hita ao amin'ny Tesaloniana Faharoa, sy ny sisa.

²⁵⁴ Ny zava-miafina fahafolo dia mikasika an'ireo kintana fiton'ny Apokalypsy 1:20. Vao avy hitantsika izany, "Ireo kintana fiton'ireo fiangonana fito, ireo iraka fito," sy ny sisa.

²⁵⁵ Ary ny zava-miafina faha-iraika ambin'ny folo dia ny zava-miafin'i Babylona, ilay mpijangajanga. Apokalypsy 17:5 hatramin'ny 7.

²⁵⁶ Izany ireo zava-miafina sasantsasany izay natao ho faranan'io anjely io, "ny zava-miafina" rehetra, ireo zava-miafin'Andriamanitra rehetra.

Ary ilay hafa, ary afaka milaza an'ity amin'ny fanajana aho, ary tsy mitodika amin'ny tenako, fa mitodika amin'ilay Anjelin'Andriamanitra hoe:

²⁵⁷ Ny taranaky ny menarana, izay efa zava-miafina iray nafenina, nanerana an'ireo taona rehetra.

²⁵⁸ Ny fahasoavana, voahitsy; tsy fahafaham-baraka, fa tena fahasoavana, marina.

²⁵⁹ Tsy misy ny karazan-javatra toy ny hoe helo Mandrakizay, mirehitra. Ho dorana mandritry ny an-tapitrisany taona ianareo. Fa, ny zavatra rehetra izay Mandrakizay, dia tsy nanana fiandohana iray na fiafarana iray mihitsy; nefo ny helo dia noforonina.

Ireo zava-miafina rehetra ireo!

²⁶⁰ Ny zava-miafin'ny batisan'ny Fanahy Masina, tsy misy fihetseham-po, fa ny Tenan'i Kristy manao an'ireo asa iray ihany izay Nataony ao anatinareo.

²⁶¹ Ny zava-miafin'ny batisan'ny rano. Fa, ilay trinitarianisma mpifikitra no nanao an'izany tao amin'ny titra an'ny "Ray, Zanaka, Fanahy Masina." Ary ny zava-miafin'ny Maho-Andriamanitra tanteraka ao amin'ny batisan'ny Anaran'i "Jesosy Kristy," araka ny Bokin'ny Apokalypsy, izay tokony noraisin'ilay Fiangonana tamin'io fotoana io.

Ireo ny sasantsasany amin'ireo zava-miafina.

²⁶² Ny Andry Afo niverina indray. Amena! Izany ilay zavatra natao hiseho, ary hitantsika izany.

Oh, toy ny ahoana no ahafahantsika manohy, manonona an'ireo zava-miafina!

²⁶³ Mahita an'io Andry Afo izay nitarika ny zanak'Isirael io, ilay Anankiray ihany izay namely an'i Saoly teny amin'ny lâlany nankany Damaskosy! Ary ilay Anankiray ihany izay tonga, miaraka amin'ny Hery iray ihany, manao an'ireo zavatra iray

ihany, ary manambara an'ilay Teny iray ihany, mijanona Teny-amin'ny-Teny miaraka amin'ny Baiboly!

²⁶⁴ Ny feon'ny trompetra, dia midika hoe trompetran'ny "Filazantsara." Ary ny feon'ny trompetra iray, ao amin'ny Baiboly, dia midika hoe, "Mivonòna ho amin'ny ady ara-tSoratra." Azonareo ve ilay izy? Ady ara-tSoratra!

²⁶⁵ Nilaza i Paoly, raha tianareo ny handray naoty an'ity, Korintiana Voalohany 14:8. Hoy i Paoly hoe, "Raha manao feo hafahafa ny trompetra, dia ahoana no hahafantaran'ny lehilahy iray hoe ho amin'ny inona no hiomanana?" Ary raha tsy manana feo ara-tSoratra iray izy, voamarina iray, fa-fanamarinana iray an'ny Tenin'Andriamanitra tonga voaseho, dia ahoana no hahafantarantsika fa eo amin'ny andro farany isika?

²⁶⁶ Raha milaza izany fa izy ireo dia mino fa Jesosy Kristy no tsy miova omaly, anio, ary mandrakizay, nefà mandà an'ireo Famantarany sy ireo fahagagany ka nino Azy ny faritry ny natiora manontolo, ary nino Azy tamin'ny alàlan'izany ny Fiangonana rehetra, dia ahoana no hahafantarantsika hoe ahoana no hiomanana?

²⁶⁷ Tonga ny olona iray niaraka tamin'ny tabilao iray ka nanao sary an'izany tanteraka; ary tonga ny olona iray, zavatra iray hafa, ary nanao sary an'ity tanteraka, nifanohitra tamin'ity anankiray ity. Tonga ny anankiray ka nilaza fa ity no Izy, niverina tamin'ity. Ary ireo hafa nanoratra Boky, sy ny sisa tahaka an'izany.

²⁶⁸ Fa, Andriamanitra kosa dia tonga amin'ny Herin'ny Fitsanganany! Ka iza no hiteny hanohitra an'Izany? Raha Jesosy Kristy no tsy miova omaly, anio, ary mandrakizay, dia manao an'ilay iray ihany izay Nataony omaly, anio, ary mandrakizay Izy. Izany no natao hataon'ity anjely ity, maka an'ireo zavamifina ireo, ireo navela hihantona izay nahavery ny olona ireo.

²⁶⁹ Mariho, raha manao feo hafahafa izany, tsy ara-tsoratra, dia iza no afaka hanomana ny tenany? Fa, ny trompetra iray, efa voamarikareo ve, ny tsirairay avy tamin'ireo taona ireo, araka ny noteneniko mikasika an'ilay fiangonana tonga, nisy trompetra iray naneno, dia Tombokase iray no novahana. Ary ny trompetra iray dia midika ady. Raha tsy manao feo iray ara-tSoratra izany, dia ahoana ny aminy?

Fa mamelà ahy hampahatsiahy an'ity ao amin'ny fahatsiarovanareo. Aza diso an'ity ankehitriny.

²⁷⁰ Mariho, ny fiangonana tsirairay dia nanana ny irany. Fantatsika izany. Paoly no iraka voalohany. Ary rehefa naneno ny trompetra voalohany, ka novahana ny Tombokase voalohany, Paoly no iraka voalohany, araka ny hitantsika, dia inona no nataony? Nanokatra ady teo amin'ny (inona?) ilay fiangonana Ortodoksa, nohon'ny tsy ninoana an'ilay famantarana Mesianika izay nasehon'i Jesosy tamin'izy ireo.

Nahoana, tokony ho nahafantatra an'izany izy ireo. Tokony ho nahafantatra Azy izy ireo.

²⁷¹ Tsarovy, tonga teo amin'ny fiafaran'ilay taona i Paoly. Ireo iraka rehetra dia tonga teo amin'ny fiafaran'ilay taona. Izany dia teo amin'ny fotoana farany, rehefa ireo zavatra ireo no—no nentina.

²⁷² Paoly, nahafantatra ny Soratra, ary nahafantatra fa Jesosy no Mesia, ka napoakany ireo synagogga ireo, nitety toerana, niaraka tamin'ny Soratra, ary voaroaka avy tao amin'ny tsirairay avy tamin'izy ireo. Hany ka, farany, dia nahintsany avy tamin'ny tongony ny vovoka ka nitodika nankany amin'ny Jentilisa. Inona izany? Feon'ny trompetra iray; anjely anankiray, iraka, nitsangana teo niaraka tamin'ny Teny! Oh, oadray! Aza diso an'izany ankehitriny. Ny Teny! Ary Paoly, niaraka tamin'ny fandikana ny Tenin'Andriamanitra tsy mifangaro, dia nanapoaka ny tsirairay avy tamin'ireo synagogga ireo. Ny ainy no vidin'izany.

²⁷³ Ahoana no ahafahantsika midina mankeo amin'i Irenée, ilay anankiray, ny irak'ilay taom-piangonana manaraka!

²⁷⁴ Ary Masindahy Martin, ilay taom-piangonana manaraka, rehefa nanomboka nitondra ny foto-pampianaran'ny Nikolaita izy ireo, nanomboka niditra. Ary napoakany io taona io. Napoakan'i Masindahy Martin ny taonany.

²⁷⁵ Ary avy eo i Luther, ilay iraka fahadimy, napoakany io fiangonana Katolika io, niaraka tamin'ny Tenin'Andriamanitra. "Ny marina ho velona amin'ny finoana," hoy izy. "Ary ity dia tsy tena ilay vatan'i Kristy ara-bakiteny," ka natsipiny teo amin'ny gorodona ilay kominio, ary nivoaka ka nanapoaka an'io fiangonana Katolika io. Naneno tsara io trompetra io. Marina ve izany? [Hoy ny fiangonana hoe, "Amena."—Mpand.]

²⁷⁶ Nitsangana i John Wesley, tamin'ny andron'ny fiangonana Anglikana. "Nahoana," hoy izy, "tsy misy antony hananana fifohazana intsony," ary lasa voa izany. Fa nitsangana i John Wesley, niaraka tamin'ny hafatry ny asa faharaoa an'ny fahasoavana, fanamasinana, ka napoakany tamin'ny trompetran'ny Filazantsara iray io fiangonana Anglikana io, voaomana ho amin'ny ady. Marina izany. Nataony izany.

²⁷⁷ Ankehitriny dia ao amin'ny taonan'i Laodikia isika, izay nanaovan'izy ireo anaram-piangonana indray; Metodista, Batista, Presbyterana, Loterana, Pentekotista. Ary miandry mpaminany iray ho tonga isika, mba hanapoaka an'ity taona ity, ka hamerina azy ireo hiala amin'ny helony.

²⁷⁸ Ankehitriny, raha efa izany ilay fironana, nanerana an'ireo taona rehetra, dia hanova ny Fironany ve Andriamanitra ao amin'ity taona ity? [Hoy ny fiangonana hoe, "Tsia."—Mpand.] Tsy afaka manova an'izany Izy. Tsy maintsy mihazona an'ilay dingana mahazatra Izy.

²⁷⁹ Ary tsarovy, io iraka io no anjely fahafito, ary tsy maintsy naka an'ireo zava-miafina rehetra izy ka nanangona azy ireo. Mariho, ilay anjely fahafito dia tsy maintsy manapoaka an'ilay fiangonan'i Laodikia, manan-karena. “‘Manan-karena aho, mitombo fananana, ary tsy manana ilaina.’” Hoy Izy hoe, “Ianao dia ory mampalahelo, mahantre, jamba, mitanjaka, nef a tsy fantatrao izany.” Izany no Hafany.

²⁸⁰ O Andriamanitra, andefaso mpaminany iray tsy matahotra izahay miaraka amin’ny HOY NY TOMPO HOE, ka ny Tenin’Andriamanitra voamarina no hiseho amin’ny alàlany sy hanaporofa nirahina avy tamin’Andriamanitra izy. Ary rehefa tonga izy, dia hanapoaka an'ireo taona ireo. Azo antoka fa hanapoaka izy. Hitondra an'io fiangonan'i Laodikia io hanohitra azy izy. Izany toka, hitondra izy. Nataon’izy ireo izany tao amin’ny taona hafa tsirairay. Tsy hiova izany ao amin’ity taona ity. Tsy maintsy mitovy izany.

²⁸¹ Mariho, ankehitriny, ny fiangonan'i Laodikia. Ilay iraka (dia hanatanteraka) an'ilay Laodikiana, ilay anjely fahafito, dia hanatanteraka an'ireo zava-miafina rehetra izay efa very tao amin'ireo ady, tany aloha, ho an'ny Fahamarinana.

²⁸² Nitsangana i Luther, saingy tsy nanana ny Fahamarinana rehetra izy. Nanana ny fanamarinana fotsiny izy. Marina.

²⁸³ Tonga ny iraka iray hafa, nantsoina hoe John Wesley, niaraka tamin’ny fanamasinana. Tsy nanana an’Izany izy. Ny Baiboly no nilaza. Ilay fiangonan'i Filadelfia!

²⁸⁴ Avy eo dia tonga ny taom-piangonan'i Laodikia, niaraka tamin’ny batisan’ny Fanahy. Fa nokorontanin’izy ireo tanteraka Izany, ka niverina avy hatrany tao amin’ny fanaraham-pototra tahaka ny nataon’izy ireo tany amin’ny voalohany.

²⁸⁵ Nefa, “Izy no tokony hoheverina ho Alfa sy Omega,” ny Tànnany mitsotra amin’ny lèlana *anankiray*, ary lèlana *anankiray*, “ny Voalohany sy ny Farany.”

Nilatsaka tamin’ny Andron’ny Pentekosta ny Fanahiny ka nameno an’io vondrona io.

²⁸⁶ Lany tsikelikely izy, hany ka tonga tao amin'ireo taona maizina izany. Ireo Fanaovan-jiro Volamena Fito, ireo taom-piangonana fito, ilay farany no niala Taminy lavitra indrindra. Izany dia ari-...saiky taona maizina arivo taona, an’ny fiangonana Katolika.

²⁸⁷ Nanomboka nitondra an'ilay hazavana manaraka i Luther, akaiky kely kokoa an'ny Teny.

Ilay hazavana manaraka, tonga akaiky kely kokoa.

²⁸⁸ Ilay hazavana manaraka, ilay Laodikiana. Avy eo dia niverina avy hatrany tahaka ny nataony ilay izy, tany amin’ny voalohany, niditra avy hatrany nankao amin'ilay korontana iray

ihany izay nidirany tany amin'ny voalohany. Tsy hitanareo ve izay tiako lazaina? [Hoy ny fiangonana hoe, "Amena."—Mpand.]

²⁸⁹ Diniho ankehitriny. Misy Fahamarinana betsaka very teo, (nahoana?) satria nanao marimaritra iraisana mikasika ny Fahamarinana ireo hafa. Fa tsy manao marimaritra iraisana amin'ny inona na inona ity anjely fahafito ity. Manangona an'ireo navela hihantona rehetra izy, manangona azy rehetra ireo. Ary amin'ny fitsofany, "Dia tokony ho tanteraka ny zava-miafin'Andriamanitra rehetra." Oh! Andriamanitra, iraho izy. Ireo zava-miafina nafenina rehetra ireo dia tanteraka rehefa, izy, voambara taminy Izany. Amin'ny alàlan'ny inona? Raha zava-miafina nafenina izy ireo, dia tsy maintsy ho mpaminany iray ilay lehilahy. Ary tsy vao avy nahavita ve isika ka nahita fa ilay mpaminany, izay ho tonga ao amin'ilay taona farany, dia ho ilay Elia lehibe izay efa nandrasantsika? [Hoy ny fiangonana hoe, "Amena."—Mpand.] Satria, ireo zava-miafina izay miafina ireo, amin'ireo teolojiana, dia tsy maintsy ho voambara; amin'ny alàlan'Andriamanitra. Ary ny Teny dia tonga amin'ny mpaminany irery ihany. ["Amena."] Ary fantatsika izany. Izy no ho ilay Elia faharoa, araka ny nampanantenaina. Oh, oadray! Ny Hafatra izay—izay ho entiny dia ho ireo zava-miafina, ny rehetra, ireo zavatra rehetra ireo.

²⁹⁰ Manana ny batisan'ny rano isika. Mikorontana tanteraka izany. Marina izany. Ny anankiray mamafy; ny anankiray mandraraka. Ny anankiray maka ny "Ray, Zanaka, Fanahy Masina." Ny anankiray maka an'ity. Ny anankiray manao batisa intelo, ny tarehy mankany aloha; satria, ny anankiray ho an'Andriamanitra iray antsoina hoe "Ray," ny iray hafa ho an'Andriamanitra iray antsoina hoe "Zanaka," ny iray hafa ho an'Andriamanitra iray antsoina hoe "Fanahy Masina." Hoy ny anankiray hafa hoe, "Diso ianao. Tokony hanao batisa mankany aoriana izy, intelo, tahaka an'izao." Ary, oh, korontana iray toy ny inona!

²⁹¹ Fa nifarana ilay zavatra manontolo, satria Andriamanitra anankiray ihany no misy, ary Ny Anarany dia Jesosy Kristy. "Ary tsy misy Anarana hafa eto ambanin'ny Lanitra izay tokony hahavonjy ny olona." Tsy misy lahateny anankiray an'ny Soratra, na aiza na aiza ao amin'ny Baiboly, izay nisy olona iray hany natao batisa tamin'ny fomba hafa afa-tsy ny Anaran'i Jesosy Kristy. Tsy nisy na indray mandeha aza anankiray amin'ilay Fianganana vaovao, na ny Fianganan'i Jesosy Kristy, hany namafy, mandraraka, na zavatra hafa. Tsy nisy na indray mandeha aza lanonana iray hany nampiasana ny hoe, "Izaho manao batisa anao amin'ny anaran'ny Ray, Zanaka, Fanahy Masina." Fanekek-pinoana sy ny sisa izany.

²⁹² Ary ao amin'ilay ady ho an'ny Fahamarinana, dia efa very ireo teboka ireo, saingy nilaza Andriamanitra fa haverina indray ireo amin'ny andro farany. "Izaho no hamerina," hoy ny Tompo.

Efa nandalovantsika izany, vao tsy ela akory izay, *Ilay Hazo Ampakarina*. Hila mpaminany iray izany. Ny Baiboly no milaza fa hoe eto izy. Marina izany. Malakia 4, no miteny fa ho eto izy, dia mino isika fa ho eto izy. Miandry azy isika. Ary miandry ny fanehoany isika, ka hahita ny Tenin'Andriamanitra voamarina.

²⁹³ Hisy vitsy fotsiny no hahazo an'Izany. "Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona." Firy no voavonjy? Fanahy dimy... Tamin'ny andron'i Lota, dia nisy telo tokoa no voavonjy. Nanomboka nivoaka ilay vady, fa very. "Ho toy izany koa amin'ny fihavian'ny Zanak'olona." Hisy tena vitsy no ho voavonjy, hafindra amin'izany fotoana izany; iray amin'ireo zava-miafina, mikasika an'io Fiagonana nakarina io. Tahaka ny nitondrana an'i Lota, tahaka ny nitondrana an'i Lota nivoaka, lavitra; Noa dia nakarina; ary ilay Fiagonana dia hakarina, ihany koa. Ny anankiray niditra; ary ny anankiray nivoaka; ary ilay Anankiray hafa miakatra. Hitanareo? Marina tokoa izany, tanteraka tokoa.

²⁹⁴ Tonga ny Teny. "Ilay Boky izay voasoratra ao anatiny," dia feno arak'izany rehefa ity, tanteraka ny fitsofana an'ireo zava-miafina rehetra ireo. Ankehitriny dia mamele ahy hamaky an'izany indray, ankehitriny, mba hahazoanareo antoka. Jereo ankehitriny:

Fa amin'ny andron'ny feon'ny anjely fahafito (ilay anjely farany), rehefa hanomboka hitsoka izy, dia ho tanteraka ny zava-miafin'Andriamanitra, . . .

²⁹⁵ Ankehitriny, inona "ilay zava-miafin'Andriamanitra," ny iray amin'izy ireo? Nilaza i Paoly, ao amin'ny Timoty Voalohany 3, mino aho fa izay ilay izy, nanao hoe, "Iaraha-manaiky fa lehibe ny zava-miafina ny amin'ny toe-panahy araka an'Andriamanitra: fa Andriamanitra dia voaseho teo amin'ny nofo (nikasika Azy izahay, nahita Azy), nakarina ho any amin'ny Voninahitra, hitan'ny Anjely, nohamarinina teto an-tany." Izany Andriamanitra! Azo antoka, zava-miafina lehibe iray izany, saingy voavaha daholo. Tsy hoe "Ray, Zanaka, ary Fanahy Masina," Andriamanitra telo; fa, Andriamanitra anankiray ao amin'ny asa telo. Ny maha-Ray, teo ambanin'i Mosesy; ny maha-Zanaka, teo ambanin'i Kristy; ny Fanahy Masina, eo ambanin'izao fizaram-potoana izao. Fizaram-potoana telo an'ilay Andriamanitra iray ihany; tsy Andriamanitra telo. Tanteraka ilay zava-miafina ankehitriny. Ny Baiboly no nilaza fa tsy maintsy tanteraka izany. Rehefa ny . . .

²⁹⁶ Nahita aho, indray andro, rehefa niezaka nanohitra ahy ny siansa, tao amin'izay nolazain'izy ireo taloha, rehefa hoy aho hoe, "Olona iray izay nino fa nihinana paoma iray i Eva!" Ankehitriny dia milaza ny siansan'izy ireo, nahita tao amin'ny gazety ianareo indray andro, lohatenin-gazety goavana iray hoe, "Nihinana paiso iray izy." Fahadalana. Izany ve—izany

ve hahafitaka azy? [Hoy ny fiangonana hoe, “Tsia.”—Mpand.] Tsia tokoa. Hitanareo? Izy ireo fotsiny dia... Izany no—izany no noeritreretin’i Kaina, fantatrareo, ka nitondra an’ilay zavatra iray ihany indray izy, fa tsy noraisin’Andriamanitra ny fanatiny. Fa Abela, marina, dia voambara taminy hoe, “Ilay izy dia rà,” ka nentiny ilay rà.

O Andriamanitra, ity fiangonana sy taona izay iainanay ity!

²⁹⁷ “Ilay Boky izay voasoratra tao anatiny” dia feno arak’izany rehefa nitsahatra ity anjely ity, (ankehitriny aoka hahazo an’ity azafady), rehefa feno ny Hafatr’ilay anjely fahafito; ny zava-miafin’ny Maha-Andriamanitra, ny zava-miafin’ny taranaky ny menarana, ireo zava-miafina hafa rehetra an’ireo zavatra rehetra ireo.

²⁹⁸ Maha-Zanaka Mandrakizay, araka ny resahan’izy ireo. Ahoana no Ahafahany ho Zanaka Mandrakizay, nefo ny Mandrakizay dia tsy nanomboka mihitsy na mifarana mihitsy; ary ny zanaka iray dia zavatra iray izay ateraka? Ahoana no mety hampisy dikany an’izany?

²⁹⁹ Ahoana no ahafahan’ny helo Mandrakizay iray hisy, nefo ny helo dianoforonina? Mino ny helo iray mirehitra aho. Izany tokoa, ny Baiboly no niteny an’izany. Saingy, mba handrava izany. Hoy ny Baiboly hoe, “Sambatra izay tsy manana anjara ao amin’ny fahafatesana faharoa.” Hitanareo? Hitanareo, tsy ho ravan’ny fahafatesana faharoa ianareo. Ilay voalohany dia ara-batana. Ilay faharoa dia fahafatesana ara-panahy, rehefa tapitra ny zavatra rehetra. “Ny fanahy izay manota, ho faty izany fanahy izany.” Ho saziana nohon’ny fahotanareo ianareo, angamba mandritry ny an-jatony taona, an’arivony taona. Fa tsy mety misy helo Mandrakizay iray, satria ny Baiboly no nilaza fa ny helo dia noforonina. Ahoana no ahafahany ho foronina nefo ho Mandrakizay? Raha mba nisy... Hoy ny Baiboly hoe, “Ny helo dia noforonina ho an’ny devoly sy ireo anjeliny.” Ary noho izany, raha noforonina izy, dia tsy mety ho Mandrakizay. Satria, Mandrakizay, ny zavatra rehetra Mandrakizay, dia tsy nanana fiandohana iray mihitsy na nanana fiafarana iray.

³⁰⁰ Izany no antony hoe tsy afaka ny ho faty mihitsy isika, satria efa nisy foana isika. Ampahan’Andriamanitra isika, ny solofon’Andriamanitra, ary Izy no zavatra Mandrakizay tokana izay misy. [Mandondòna intelo ny polipitra Rahalahy Branham—Mpand.] Amena. Tsy mety maty tahaka an’Andriamanitra tsy mety maty ianareo, satria Mandrakizay ianareo, miaraka Aminy. Amena! Avelao izy ho tonga! Haleloia! Karazan’ny leo an’ity tranon’ny pesta tranaindy ity, na ahoana na ahoana.

³⁰¹ Mariho, “Ilay Boky nosoratana,” rehefa manatanteraka an’ireo asam-panompoana navela nihantona ireo io anjely io izay niadian’izy ireo tamin’ny alàlan’ny ady, niady i Luther, ary

niady i Wesley, ary niady ireo Pentekotista. “Fa indro tonga ny anankiray,” hoy ny Baiboly, “ka amin’ireo andron’ny fitsofany, ireo zava-miafina rehetra ireo...” Nandeha niaraka tamin’ny Anaran’i Jesosy ireo an’ny tokana; nandeha niaraka tamin’ny Ray, Zanaka, Fanahy Masina ny trinite, tahaka ny nataon’izy ireo tao amin’ny Fivoriamben’i Nise mihitsy, mitovy; samy diso izy ireo. Fa, ankehitriny, eo afovoan’ilay lâlana, ao amin’ny Soratra, no mipetraka ny Fahamarinana. Hitanareo ve izay misy antsika? Ilay Anjelin’ny Tompo!

³⁰² Mariho ny Apokalypsy 5:1. Henoy ity ankehitriny:

Ary hitako teo an-tànana ankavanan’ilay nipetraka teo ambonin’ny seza fiandrianana ny boky iray voasoratra tao anatiny (ilay soratra dia tao anatiny) sy teo ivohony, voaisy tombokase tamin’ny tombokase fito.

³⁰³ Ankehitriny, nisy soratra tao anatin’ilay Boky. Fa, ny ivohony dia nisy Tombokase Fito, tao an-damosin’Izany, izay tsy voasoratra tao anatin’ilay Boky. Ankehitriny, ity dia ilay mpanambara, Jaona. Ankehitriny, tsarovy, tsy voasoratra tao anatin’ilay Boky Izany. “Ary amin’ny andron’ny feon’ny anjely fahafito, dia ho tanteraka io zava-miafina izay voasoratra tao anatiny io.” Tokony ho voalamina izany, amin’io andro io. Ankehitriny hitanareo ve izay tiako lazaina? [Hoy ny fiangonana hoe, “Amena.”—Mpand.] Manaraka ahy ve ianareo? [“Amena.”] Izao no fotoana tsy maintsy hahavoambara an’ireo feo fiton’ny Apokalypsy 10. Rehefa mifarana ilay Boky, dia zavatra anankiray ihany no tavela, ary izany dia ireo feo fito mahagagan’ny kotrokorana izay voasoratra eo ivohon’ilay Boky, izay nandrarana an’i Jaona tsy hanoratra. Mamelà ahy hamaky an’izany.

Ary hitako ny anjely iray, anjely mahery iray nidina avy tany an-danitra, nitafy rahona: ary avana iray no teo ambonin’ny lohany, ary ny tavany dia tahaka...ny masoandro, ary ny tongony tahaka ny andry afo:

Ary nanana boky kely iray nivelatra teny an-tànany izy:... (Hitانareo, diniho ity ankehitriny)...ary izy nametraka ny tongony ankavananana teo ambonin’ny ranomasina,...ny ankaviany...teo ambonin’ny tany,

Ary niantso tamin’ny feo mahery izy, tahaka ny fieron’ny liona: ary izy rehefa...niantso, dia nampandre ny feony ireo kotrokorana fito. (Diniho.)

Ary rehefa nampandre ny feony ireo kotrokorana fito, dia saika hanoratra aho:...

³⁰⁴ Nisy zavatra voalaza teo. Tsy tabataba iray fotsiny izany. Nisy zavatra voalaza. Saika hanoratra izy.

...fa nandre feo iray avy tany an-danitra aho nanao tamiko hoe,...

³⁰⁵ Jereo hoe taiza ireo feo, ireo Kotrokorana. Tsy tany An-danitra; teto an-tany! Tsy nampandre avy tany an-danitra mihitsy ireo Kotrokorana. Nampandre avy teto an-tany Izy ireo.

...ary saika hanoratra aho: fa nandre feo avy any an-danitra aho nanao tamiko hoe, Asio Tombokase (sora-baventy T-o-m-b-o-k-a-s-e), Asio Tombokase ireo zavatra izay notononin'ireo kotrokorana fito, fa aza soratana izy ireo.

³⁰⁶ Teo ivohony izany, rehefa feno ny Boky iray. Tsy nilaza izy hoe, “Teo anoloana.” Hoy izy hoe, “Teo ivohony,” rehefa tapitra Izany, feno. Noho izany, ireo feon’ny Kotrokorana Fito ireo no zavatra tokana, izay niraikitra tamin’ilay Boky, izay tsy voambara. Tsy voasoratra tao amin’ilay Boky akory aza izany.

³⁰⁷ Oh, oadray! Maniry ny ahafahanareo mahazo an’izany aho, mba ahafahan’ny olona tokoa... Aza diso. Aza, aza diso. Azafady aza diso, amin’ity fotoana ity. Vonona ny handao anareeo aho. Aza diso. Raha efa mba nihaino ianareeo, dia henoy!

³⁰⁸ Ireo Tombokase ireo dia teo ivohon’ilay Boky. “Ary amin’ny fotoana izay itsfan’ilay anjely fahafito, dia ho feno ireo zavamafina izay voasoratra ao anatin’ilay Boky.” Ary eo no ho eo ilay Boky, izay nisokatra sy voasoratra tao anatiny, dia nikatona, “Tanteraka ireo zava-miafin’Andriamanitra.” Ary ity ireo zavamiafin’Andriamanitra: ny fandehanan’ilay Fiangonana, ary ireo zavatra hafa rehetra ireo. “Tapitra ireo zava-miafina.” Rehefa manambara ny zava-miafina rehetra io anjely fahafito io, dia tapitra ilay izy. Na mety ho iza izy na iza, na mety ho inona izany. Tsy mety diso ny Tenin’Andriamanitra. Ary hoy Izy hoe:

Fa amin’ny andron’ny feon’ny anjely fahafito, rehefa hanomboka hitsoka izy, dia tanteraka ny zava-miafin’Andriamanitra, araka nyefa nambarany tamin’ireo mpaminany mpanompony.

³⁰⁹ Ireo zavatra rehetra ireo, tahaka ny, oh, Roma ho ilay-ilay janga, sy ireo fiangonana Protestanta rehetra, ireo anaram-piangonana manao anaram-piangonana tahaka azy, dia lasa mpijangajangany. Hitanareo? Ireo zava-miafina rehetra ireo, izay noresahan’ireo mpaminany, dia ho voambara mihitsy ao amin’ity ora farany ity.

³¹⁰ Ary rehefa miseho ao amin’ny taom-piangonan’i Laodikia io anjely fahafito io ka manomboka mitsoka an’ilay Trompetra marina, satria hifanohitra Izany, dia tsy hino an’Izany izy ireo. Azo antoka fa tsy hino an’Izany izy ireo. Saingy, ho mpaminany iray voatsindrimandy izany, satria tsy misy fomba haminavinana an’Izany.

³¹¹ Miezaka ny haminavina ny trinite ny olona, ary lasa fotsy volo sy lasa adala. Tsy misy olona afaka hahazo an'izany. Mbola mino foana izy ireo fa nihinana paoma iray i Eva, sy ireo zavatra rehetra ireo. Satria, fombafomba izay nifikiran'ny olona izany, tahaka ny nahitan'i Jesosy ny fiangonana mihitsy.

³¹² Fa tsy maintsy ho mpaminany iray voatarik'Andriamanitra izany, satria tonga aminy ny Tenin'Andriamanitra, miaraka amin'ny fandikana marina an'ny fanambaran'i Jesosy Kristy. Koa, noho izany, ilay izy—tsy maintsy tahaka an'izany ilay izy. Hanampy antsika anie Andriamanitra!

³¹³ Ankehitriny, “Rehefa manambara izy,” ankehitriny, izany no HOY NY TOMPO HOE. Azontsika mazava izany. Rehefa manambara ny Hafany izy, manambara ady; tahaka ny nataon'i Paoly tamin'ny Ortodoksa, tahaka ny nataon'ny sisa tamin'izy ireo, tahaka an'i Luther, Wesley, nanohitra ny rafipandaminana. Rehefa manambara ady izy, dia miteny amin'izy ireo hoe, “Mandainga izy ireo, ary tsy izany no Fahamarinana! Ary mamitaka olona izy ireo!” Rehefa manambara an'Izany izy, dia tsy afaka ho diso ianareo. Tsy ho diso Izany, satria hohamarinin'ny Tenin'Andriamanitra izy. Ho fantatrareo marina tokoa hoe inona Izany. Ary rehefa manao izy, manambara izy, hiantso avy ao Babylona hoe, “Mivoaha avy ao aminy, ry oloko, mba tsy ho mpandray anjara amin'ny fahotany ianareo.” Andriamanitra, iraho izy! Aza diso an'izany.

³¹⁴ Ankehitriny, “Rehefa manomboka hitsoka izy, dia ho tanteraka ny zava-miafina.” Ankehitriny, raiso naoty, izany no fotoana ho an'ireo feon'ny Tombokase Fito arak'izany, an'ny Apokalypsy 10, ho voambara. Azonareo ve? [Hoy ny fiangonana hoe, “Amena.”—Mpand.] Rehefa tanteraka ireo zava-miafina rehetra an'ilay Boky! Ary nilaza ny Baiboly, eto, fa hanatanteraka an'ireo zava-miafina izy.

³¹⁵ Nefa, ireo olona tany aoriana tao amin'ireo taona hafa dia niady ho an'ny Fahamarinana. Niady ho an'ny fanamarinana izy ireo. Nandeha kelikely izy ireo. Fanamasinana! Izy ireo dia niady ho an'ity, ary izy ireo dia niady ho an'itsy. Izy ireo dia niady ho an'ity. Inona no nataon'izy ireo? Nihodina ka nandrafitra tao anatin'izany, mitovy. Pentekotista, sy ireo Batista, Presbyterana, Loterana, ny tsirairay avy, dia nanao an'ilay zavatra iray ihany, nihodina avy hatrany ka nanao an'ilay zavatra iray ihany.

³¹⁶ Ary nilaza ny Baiboly, ao amin'ny Apokalypsy 17, fa izany no hataon'izy ireo, reny janga antitra sy ireo zananivavy, “ZAVAMIAFINA, BABYLONA.” Nilaza ny Baiboly, eto, fa izany no ho iray amin'ireo zava-miafina izay ho voasokatra. Protestanta, mpivarotena, “manao fijangajangana ara-panahy,” mitarika ny olona amin'ny alàlan'ireo anaram-piangonana, miaraka amin'ny “kapoaky ny helony,” an'ny foto-pampianarana nataon'olona; ka mampanalavitra azy ireo amin'ilay loharano feno Rà,

izay ikorianan'ny Herin'Andriamanitra Tsitoha maimaim-poana mba haneho an'i Jesosy Kristy. Marina izany. Noho izany, hanohana an'Izany Andriamanitra, ary Nataony izany, ka hanohy Izzy. Fa, rehefa miseho izany, dia tanteraka ny Teny.

³¹⁷ Ankehitriny dia zavatra tokana ihany no tavela, izany dia ireo Kotrokorana Fito, izay tsy fantatsika. Ary tsy ho nikotroka foana izany.

³¹⁸ Tsy manao zavatra iray mba hilalao fotsiny Andriamanitra. Isika no milalao sy mihetsika adaladala, fa tsy Andriamanitra. Ny zavatra rehetra miaraka amin'Andriamanitra dia "Eny" sy "Tsia." Tsy miadaladala fotsiny Izzy. Tsy misangisangy Izzy. Entitra amin'izay Lazainy Izzy. Ary tsy milaza na inona na inona Izzy raha tsy misy zavatra, dikany iray ho an'izany.

³¹⁹ Ary ireo Kotrokorana Fito, ato amin'ny fanambaran'i Jesosy Kristy ato mihitsy, dia zava-miafina iray Izany. Tsy milaza ve ny Baiboly fa *Ity* dia "Ny fanambaran'i Jesosy Kristy"? [Hoy ny fiangonana hoe, "Amena."—Mpand.] Nahoana, misy zava-miafina iray nafenina ao, arak'izany, an'Izany. Ham! Inona Izany? Ireo Kotrokorana Fito no manana an'Izany. Satria, efa saika hanoratra mihitsy i Jaona, fa nidina avy tany An-danitra ny Feo iray, nanao hoe, "Aza soratana Izany. Fa, asio tombokase Izany. Asio tombokase Izany. Apetaho eo ivohon'ilay Boky Izany." Tsy maintsy ho voambara Izany. Izany dia ireo zava-miafina.

³²⁰ Ankehitriny, voavahantsika ireo zavatra ireo, tamin'ny alàlan'ny Fanahy Masina, izay niteny tamintsika hoe, "Tsy paoma izany. Izany dia firaisansara ara-nofo." Niteny tamintsika an'ireo zavatra ireo. Tsy nisy olona afaka mitsangana eo anoloan'Izany. Tsy mbola nahita mpitoky teny iray mihitsy aho, teo amin'ny fiainako, nifanaraka tamin'Izany. Fa, efa nanontany azy ireo aho.

³²¹ Fantatrareo, tany Chicago, rehefa nitsangana teo anoloan'izy ireo izahay, mpitoky teny teo amin'ny dimampolo sy telonjato teo, ianareo vehivavy eto avy any Chicago, tany ianareo, nandre mikasika an'izany.

³²² Ary niteny tamiko ny Tompo, hariva telo nialoha, nanao hoe, "Hametraka fandrika iray ho anao izy ireo." Hoy Izzy, "Mitsangàna eo amin'ny varavarankely eto dia Hasehoko aminao." Hoy Izzy, "Atoa. Carlson sy-sy Tommy Hicks dia hihaina aminao rahampitso maraina, te-handeha hisakafo maraina. Ary hiteny amin'i Tommy ianao mba hijanona. Saingy," hoy Izzy, "ho tahaka an'izao ilay izy. Teneno amin'izy ireo fa tsy hanao an'io fivoriana io ao amin'ilay toerana eritreretiny izy ireo. Ho any amin'ny toerana iray hafa izy ireo." Hoy Izzy, "Aza matahotra ianao. Homba anao Aho." Tena ampy ahy izany.

³²³ Ny ampitso maraina, Atoa. Carlson, filohan'ny Full Gospel Business Men, dia tonga, nilaza...niantso ahy, nanao hoe,

“Rahalahy Branham, te-handeha hisakafo maraina hiaraka aminao aho.”

³²⁴ Hoy aho hoe, “Eny àry.” (Hoy aho hoe, “Diniho fa i Tommy Hicks dia ho eo, ihany koa.”)

³²⁵ Nandeha nankao amin’ny Town And Country, dia hoy izy hoe, “Eny, Rahalahy Branham,” hoy izy, “oh, ity no anankiray . . .”

Hoy aho hoe, “Tommy, hanao soa iray ho ahy ve ianao?”

“Azo antoka, Rahalahy Branham.”

Hoy aho hoe, “Manontany aho raha hiresaka ho ahy ianao?”

Hoy izy hoe, “Oh, izaho—tsy afaka hanao an’izany aho.”

³²⁶ Hoy aho hoe, “Nahoana? Mpianatry ny kilasy fahafito fotsiny aho, ka izaho—hilaza aho . . . Hilaza aho hoe *empire* raha tokony ho *umpire*. Hitanao? Tsy fantatra hoe ahoana no iresahana eo aloha eo. Ary hisy ny Ministerial Association an’i Greater Chicago eo. Ahoana no hiresahako eo anatrehan’izy ireo, miaraka amin’ny fianarako kilasy fahafito, Tommy? Ianao dia Dokotera ny momba an’Andriamanitra iray.” Hoy aho hoe, “Fantatrao hoe ahoana no iresahana. Izaho tsy mahafantatra.”

Hoy izy hoe, “Rahalahy Branham, tsy afaka hanao an’izany aho.”

³²⁷ Hoy aho hoe, “Nahoana? Efa nanao soa maro ho anao aho.” Ary nataoko tena nahitsy mihitsy ilay izy.

³²⁸ Dia hoy Rahalahy Carlson hoe, “Oh, Rahalahy Branham, tsy afaka hanao an’izany izy.”

Hoy aho hoe, “Nahoana?”

Hoy izy hoe, “Eny, izy, ny—ny—ny—ny . . .”

³²⁹ Hoy aho hoe, “Fantatrao ve hoe nahoana? Fantatrao hoe nahoana, saingy tsy te-hiteny amiko ianao. Mametraka fandrika iray ho ahy izy ireo.”

³³⁰ Dia hoy aho hoe, “Rahalahy Carlson, manana an’io efitrano’ny hotely io ianareo, sa tsy izany, izay nanaovantsika an’ilay fanasana hafa?”

“Eny.”

Hoy aho hoe, “Tsy ho azonareo izy.”

³³¹ Hoy izy hoe, “Eny, Rahalahy Branham, efa vitako ny petra-bola eo amin’izany.”

³³² Hoy aho hoe, “Tsy ahoako izay nataonao. Tsy ho ao ilay izy. Efitrano miloko maitso iray izany. Isika dia ho ao amin’ny efitrano miloko volontany. Ho eny amin’ny zorony any aoriania aho. Dr. Mead no hipetraka eo amin’ny ankavanana. Io lehilahy mainty hoditra sy ny vadiny io dia hipetraka *eto*, ary *ranona-sy-ranona*. Hisy mpisorona Bouddha iray hipetraka eo amin’ny farany ankavanako,” sy hoe ahoana no hiakanjoan’izy ireo.

³³³ Dia hoy aho hoe, “Fantatrao hoe inona ilay izy, Tommy. Ianao dia . . . Hihika ahy ilay Greater Chicago Ministerial Association mikasika ‘ny batisa amin’ny Anaran’i Jesosy Kristy.’ Hihika ahy ilay Greater Chicago Ministerial Association mikasika ‘ny porofon’ny Fanahy Masina,’ ny fitenenana amin’ny fiteny tsy fantatra. Hihika ahy izy ireo mikasika ‘ny taranaky ny menarana,’ sy mikasika ny toriteny ny amin’ny ‘fahasoavana.’”

³³⁴ Nijery ahy i Tommy, ary, “Mamindrà fo! Famindrampo!” Hoy izy, “Tsy mihevitra ny handeha akory aza aho.”

Hoy aho hoe, “Hia, tongava ianao.”

³³⁵ Ary ny ampitso, ilay lehilahy izay nandray an’ilay petra-bola, dia namerina an’ilay petra-bola taminy, ka nanao hoe, “Manana orkesitra iray izahay. Nofandrihanay izany, nefà adinonay ilay izy ka verinay ilay zavatra. Ary tsy maintsy nanome azy ho an’ny orkesitra iray izahay, ka tsy afaka mahazo azy ianareo.” Dia nandeha nankany amin’ny Town And Country izahay.

³³⁶ Niditra, tamin’io maraina io, ka nitsangana teo izy rehetra. Rehefa nipetraka tao ambadik’ilay birao aho tany, ary niandry, rehefa avy nisakafo maraina izy ireo, dia nijery azy rehetra nanodidina tahaka an’izao aho. Nisakafo maraina tao amin’ny efitra iray izahay. Nivoaka, nipetraka teo, ary teo ilay Greater Ministerial Association an’i Chicago. Nojereko manodidina izy ireo. Ny tsirairay avy dia nampahafantatra ny tenany ho Dokotera Ph.D., L.L., Q.U.S.T., ary ireo karazan-javatra rehetra tahaka an’izany ireo. Nipetraka fotsiny aho ary nihaino azy ireo, mandra-pahavitan’zy ireo. Ary Rahalahy—nitsangana Rahalahy Carlson. Hoy izy hoe, “Tompokolahy . . .”

³³⁷ Ary ianareo rehetra dia mahafantatra an’i Hank Carlson. Ary, eo, anontanio izy. Eny, manana an’izany eo amin’ny horonam-peo eto mihitsy ianareo. Raha te-hividy an’ilay horonam-peo ianareo, dia eto izany. Manana azy ireo zazalahy.

³³⁸ Hoy izy hoe, “Tompokolahy,” hoy izy, “izaho dia mampahafantatra anareo, ny manaraka, an-dRahalahy Branham.” Hoy izy hoe, “Mety tsy mifanaraka aminy ianareo rehetra, eo amin’ny Foto-pampianarany, saingy mamele ahy hiteny zavatra aminareo. Telo andro lasa izay, nipetraka tao amin’ny toerana iray izahay, ary raha tsy niteny tamiko ny zavatra rehetra izay nitranga io lehilahy io izao maraina izao, dia tsy mitsangana eto aho. Niteny tamiko izy fa ianareo rehetra dia niomana ny hanontany azy mikasika ny Foto-pampianarany. Ary niteny tamiko izy fa tsy maintsy hanafoana an’io toerana hafa io aho, ka ho eto. Ary niteny tamiko marina tokoa hoe aiza no hipetraka i Dr. Mead sy ireo olona ireo, marina tokoa, ary indro eo izy ireo.” Hoy izy hoe, “Mety tsy hifanaraka aminy ianareo, saingy, hilaza zavatra anankiray aho, tsy matahotra an’izay eritreretiny izy.”

Hoy izy hoe, “Ankehitriny, Rahalahy Branham, anao ny fitenenana.”³³⁹

³³⁹ Hoy aho hoe, “Alohan’ny hanombohantsika . . .” Novakiako izay novakiako aninkeo maraina hoe, “Tsy mba tsy nankatò ny fahitana avy tany An-danitra aho.” Hoy aho hoe, “Ankehitriny ndao alamintsika izany. Ankehitriny, ianareo rehetra miteny fa Dokotera ny momba an’Andriamanitra; ary izaho mitsangana irery eto.” Hoy aho hoe, “Raha izany no izy, te-hanontany ahy ianareo, mikasika ny batisa amin’ny Anaran’i Jesosy. Hanomboka eo amin’izany isika aloha. Tiako ny anankiray aminareo lehilahy hitondra ny Baibolinareo ka hitsangana eto akaikiko, mikasika ny zavatra rehetra izay nampianariko.” Hoy aho hoe, “Mitsangàna eto akaikiko, ka, miaraka amin’ny Tenin’Andriamanitra, disoy Izany.” Niandry aho. Tsy nisy olona nilaza na inona na inona. Hoy aho hoe, “Mangataka ny sasany aminareo lehilahy aho mba ho tonga hitsangana eto akaikiko.” Hoy aho, “Inona ny olana aminareo? Noho izany, mankanesa ao ivohoko, raha matahotra ny hitsangana eto akaikiko ianareo.”

³⁴⁰ Tsy izaho no atahoran’izy ireo; ilay izy dia io Anjelin’Andriamanitra Tsitoha io. Fa, fantatr’izy ireo, fa raha afaka niteny tamiko mialoha ho tonga Izy . . . Mamiratra kokoa noho izay niheverako azy mihitsy aza izy ireo. Nahafantatra tsaratsara kokoa noho ny hitsangana teo izy ireo. Ah-hah. Fantatrareo, ianareo dia efa tao anatin’ireo fotoana, tao anatin’ireo fotoana ireo, ihany koa. Fa tsy nanao an’izany izy ireo. Inona ny olana, raha tena lehibe ilay izy, ka fantatr’izy ireo fa tena marina izany?

³⁴¹ Nataoko teo amin’ny horonam-peo izany, ary na taiza na taiza tany an-kafa; vonona ny hiresaka an’izany aho, amin’ny fomba Kristiana, amin’ny rahalahy rehetra. Tsy hiady hevitra amin’iza na iza aho; fa tiako ianareo ho tonga, handiso ny iray amin’Izany, amin’ny alàlan’ny Teny. Tsy amin’ny alàlan’ny bokinareo, ankehitriny; tsy izay nolazain’i Dr. *Ranona-sy-ranona*, na Masindahy *Ranona-sy-ranona*. Tiako ny hahafantatra an’izay nolazain’Andriamanitra. Izany ilay fototra. Tiako ny hahafantatra hoe inona Izany. Tsy manao an’izany izy ireo.

³⁴² Ankehitriny, jereo, rehefa tonga ny fotoana ho an’ireo feo fito. Dia izany no fotoana ho an’ireo feo fito, rehefa feno ilay Boky, hahavoambara ny Apokalypsy 10. Mariho ankehitriny. Henoy.

³⁴³ Ankehitriny, tsy hihazona anareo ela loatra aho. Fantattro fa mandreraka anareo aho, eto. Amin’ny folo latsaka roapolo minitra izao. [Hoy ny fiangonana hoe, “Tsia. Mandrosoa!”—Mpand.] Henoy tsara ankehitriny. Fantattro, fa mitsangana, ary ianareo rehetra manova ny toeranareo sy ny sisà. Ho faly aho rehefa voamboatra ny fiangonana mba tsy

hahavoatery antsika hivokin'ozatra. Afaka maka andro iray manontolo isika hitoriana Azy.

³⁴⁴ Mariho ankehitriny. Raiso naoty ankehitriny. Ireo feo fito dia kotrokorana, fipoahana.

Andriamanitra, ampio izahay. Raha diso aho, Tompo, dia mamele ahy.

³⁴⁵ Apetrako aminareo ilay fanontaniana. Nipoaka niaraka tamin'ny kotrokorana izany, rehefa nivoaka io feo io. Efa voamarikareo ve, fa, rehefa ireo Tombokase Fito izay manaraka an'ireo taom-piangonana fito, rehefa nosokafana ny Tombokase Voalohany, dia nisy kotrokorana iray? Nosokafana ny Tombokase Voalohany tao anatin'ilay Boky, dia nisy kotrokorana iray; tsy ho tahaka an'izany ihany ve no hisokafan'io Tombokase Voalohany ao ivelan'ilay Boky? [Hoy ny fiangonana hoe, "Amena."—Mpand.] Tsy manova ny Fandaharany Andriamanitra. Ndao isika hamadika ao amin'ny Apokalypsy 6.

Ary hitako rehefa ny Zanak'ondry no nanokatra ny anankiray tamin'ireo tombokase, ary reko, fa izany dia tahaka ny fikotroky ny kotrokorana, ary ny anankiray tamin'ireo zava-manan'aina efatra nanao hoe, Avia ka jereo.

³⁴⁶ Ankehitriny, tsy nisy kotrokorana iray hafa mihitsy teo. "Ary nosokafana ny Tombokase farany, dia nisy fotoana fahanginana nandritry ny antsasaky ny ora tany An-danitra." Fa, rehefa nosokafana ny Tombokase Voalohany, dia nisy fipoakan'ny kotrokorana iray teo.

³⁴⁷ Oh, ry fiangonana, mety hisy ve izany? Lavitra an'izany ve isika? Ry sakaiza, eritrereto. Angamba. Antenaiko fa tsy izany ilay izy. Fa ahoana moa raha izany ilay izy? Inona io fipoahana io? Ary eo anatrehan'Andriamanitra, sy ity Baiboly misokatra ity, tsy mandainga aho. Fipoahana, izay nanozongozona ny tany!

³⁴⁸ Ary rehefa ilay Tombokase Voalohany, tamin'ireo fito izay nosokafana ao amin'ny Baiboly, nivoaka izany, Anankiray fotsiny, saingy fipoahana iray izay nanozongozona an'ilay zavatra manontolo; kotrokorana iray. Ary noho izany raha ireo Tombokase izay tao ivohony ireo no nisokatra, izany ve dia tsy ho kotrokorana iray, ihany koa? Tsy fantatro. Tsy afaka milaza aho.

³⁴⁹ Nisy kotrokorana iray, ny Tombokase Voalohany, ary ilay Tombokase dia kotrokorana iray. Nosokafana ilay Trompetra tamin'io fotoana io. Ary ilay Trompetra dia notsofina tamin'ny Pentekosta, mazava ho azy. Tsy hiditra ao amin'izany aho.

³⁵⁰ Ankehitriny, raha ara-tSoratra ilay fahitana; ilay fahitana izay resahako, izay hitako tamin'ny Sabotsy maraina. Herinandro lasa izay, ankehitriny. Raha, tsarovy eto ankehitriny, raha ara-tSoratra ilay fahitana, dia tsy maintsy voadika amin'ny

alàlan'ny Soratra izany, na fitohizan'ilay Soratra iray ihany. [Miato Rahalahy Branham—Mpand.] Niandry fotsiny aho, mba ilentehan'izany. Raha . . .

³⁵¹ Io izay hitako io, inona izany, tsy fantattro, fa natahotra mafy aho. Levona ve isika? Eo amin'ny farany ve isika? Tsarovy, nilaza io Anjely io, rehefa niseho izany, nianiana Izy hoe, “Tsy hisy andro intsony.” Manontany aho raha azontsika marina tokoa io anankiray io.

³⁵² Hoy ianareo hoe, “Eny, toy ny hoe Izany dia hipoaka maner- . . .” Rahalahy, tonga amin’ny miniträ iray izay tsy eritreretinareo Izy. Handre an’Izany amin’ny fotoanareo farany ianareo.

³⁵³ Ankehitriny mazava ve Izany? Rehefa nosokafana ny Tombokase Voalohany, ireo Tombokase izay tao anatin'ilay Boky, ireo zava-miafina izay voambara: fanamarinana, fanamasinana, fiangonana Katolika Romana, Protestanta! Ary rehefa ireo ady kelin'izy ireo sy ny sisa no namela an'ireo mihantona ireo tao amin’ny Tenin’Andriamanitra, dia tonga ilay anjely fahafito ka nanangona azy rehetra ireo ary manazava azy ireo. Hitanareo? Ary avy eo, rehefa mamarana izy, dia mamoaka ny feony ireo Kotrokorana Fito.

³⁵⁴ Rehefa nanomboka hanoratra i Jaona, dia hoy izy, “Aza soratana Izany. Fa, asio tombokase Izany.”

³⁵⁵ “Ary nosokafana ilay Tombokase Voalohany,” tamin’ireo Tombokase tao anatin'ilay Boky, nisokatra niaraka tamin’ny kotrokorana iray Izany. Ah!

³⁵⁶ Raha izany no Soratra, dia afaka fotsiny ihany izany ho . . . Raha ny Soratra rehetra no . . . Ny zavatra rehetra izay natao ho avy amin’ny Baiboly . . .

³⁵⁷ Ilay izy fotsiny dia tahaka, tsy afaka miteny amiko ianareo fa misy izany karazan-javatra toy ny hoe “afô fandiovana” iray izany sy ireo zavatra tahaka an’izany. Tsy misy Soratra ao amin’ny Baiboly hanohana an’izany. Tsy afaka miteny amiko an’ireo zavatra ireo ianareo, toy ny hoe bokin’ireo Maccabées, izay mety ho mety tsara . . . “Sy io Boky fahefatr'i Daniela io, izay nandrambasan’ny Anjely iray azy tamin’ny volondoha, ka nilaza . . . nampidina azy.” Tsy misy an’izany karazan-javatra izany mba niseho ao anatin’ny Baiboly, hoe, “Jesosy avy any Nazareta dia nanamboatra vorona tanimanga kely iray, ka nametraka ranjo teo aminy, nanao hoe, ‘Fioo! Manidîna, ry vorona kely,’” fahadalana izany. Tsy misy na inona na inona ao anatin’ny Baiboly hanohana an’izany. Koa izany dia tsy miadaladala . . . Ireo—ireo mpandika, hitan’Andriamanitra fa ireo mpandika dia tsy hanampy mihitsy akory aza an’izany dogma sy fahadalana izany. Mety ho olona tsara, ireo Maccabées mirahalahy. Izany izy ireo. Tsy milaza aho hoe tsy olona tsara izy ireo. Saingy tsy ara-tSoratra izany.

³⁵⁸ *Ity* no fanambaran'i Jesosy Kristy feno. "Tsy misy na inona na inona azo anampiana amin'Izany na hanesorana avy amin'Izany." Ary raha mametraka an'izany Ato ianareo, dia tsy hihetsika miaraka amin'ny sisa amin'ny Soratra izany. Misy Boky enina amby enimpolo amin'ity Baiboly ity, ary tsy misy Teny anankiray hanohitra an'ilay Anankiray hafa.

³⁵⁹ Ary noho izany, raha izany no fitohizana, ho an'ny feon'ireto trompetra farany ireto, na ireto Kotrokorana Fito farany izay tonga ireto, ireo zava-miafina, ireo Tombokase farany, Izany dia tsy maintsy hifaninana, na hifampitaha, amin'ny sisa amin'ny Soratra. Ary raha Ireo voalohany ao anatiny ao ireo no nisokatra niaraka tamin'ny fipoahan'ny kotrokorana iray, Ireo faharoa dia hisokatra, ihany koa, izay eo ivohony. Diniho izay mitranga. Raha Soratra ilay fahitana, amin'izay fotoana izay dia tsy maintsy voadika amin'ny alàlan'ny Soratra izany, na fitohizan'ilay Soratra iray ihany.

³⁶⁰ Mariho, Apokalypsy, 3 sy 4, "Kotrokorana Fito." Kotrokorana Fito, ary avy eo dia mariho, 3 sy 4, ary avy eo (inona?) fianianana iray avy tamin'io Anjely mahery io, hoe, "Tapitra ny fotoana." Rehefa ireo Kotrokorana ireo, hitanareo, no namoaka ny feony, tamin'izay fotoana izay ilay Anjely...

³⁶¹ Eritrereto fotsiny izany! "Anjely iray, nitafy rahona, ary avan'ny fanekena iray teo ambonin'ny Lohany." Nahoana, fantatrareo hoe Iza io. "Nametraka ny tongony iray teo amin'ny tany, sy teo amin'ny ranomasina, ary nanangana ny Tànany ka nianiana, hoe, 'Rehefa nampandre ny feony ireo Kotrokorana Fito,' hoe, 'tsy hisy andro intsony.'"

³⁶² Ary raha tanteraka ny asam-panompoan'ireo zava-miafin'Andriamanitra, ary ahoana moa raha ny fahatongavan'ireo zava-miafina izany? Ary ny fiangonana manetry tena, kely tahaka ny antsika, ka tonga ny Tsitoha ary mijery an'ilay toerana ambany an'ny Olony! Hoy ianareo hoe, "Inona? Tsy mihevitra tahaka an'izany aho." Mety tsy ho izany ilay izy. Fa ahoana moa raha izany ilay izy? Amin'izay fotoana izay dia tapitra ny fotoana. Efa nieritreritra an'izany ve ianareo? Aoka ho matotra. Mety ho tara noho izay heverintsika izao.

³⁶³ Ireo kintana izay nilatsaka ao amin'ny andian-kintany tany! Tonga io Anjely io, ka nanao hoe, "Tahaka ny nanirahana an'i Jaona hamarana ny Testamenta Taloha sy hitondra ny fampidirana an'i Kristy, dia Hafatra iray no hamarana an'ireo navela hihantona ka hampiditra ny Mesia mialohan'Ny Fihaviany mihitsy, ny Hafatr'ireo andro farany."

³⁶⁴ Mariho, nianiana ilay Anjely mahery, niaraka tamin'ny fianianana iray, hoe, "Tsy hisy andro intsony."

³⁶⁵ Ankehitriny, tsy te-hihazona anareo ela loatra aho. Eritrereto fotsiny izany, iray minitra ankehitriny.

³⁶⁶ Henoy ankehitriny. Nidina avy tany An-danitra io Anjely io. Hitanareo? Ilay hafa, ireo anjely fiton'ny fiangonana fito, dia iraka eto an-tany. Fa ity Anjely ity... Tapitra ny Hafatra rehetra; ilay anjely fahafito no mamarana ny zavatra manontolo. Ary tsy tonga hanketo an-tany ity Anjely ity; tsy olona avy amin'ny tany Izzy, tahaka an'ireo iraka ho an'ireo taom-piangonana; tapitra izany. Fa, ity Anjely ity no mitondra an'ilay filazana manaraka. Ary ny *anjely* dia midika hoe "iraka." Ary midina avy any An-danitra Izzy, mitafy an'io Andrin'ny Hazavana io, Rahona, miaraka amin'ny avana iray eo ambonin'ny Lohany. Ary ny avana dia fanekena. Kristy izany, "Miaraka amin'ny tongotra iray eo ambonin'ny tany, ary ny anankiray eo ambonin'ny ranomasina, ka nianiana, hoe, 'Tsy hisy andro intsony.'"

Aiza no misy antsika, tompokolahy? Ahoana ny amin'izany rehetra izany? Manontany anareo aho.

³⁶⁷ Ireo anjely hafa dia iraka, lehilahy avy eto an-tany. Fa ity Anjely ity... Ireto, izay nanao hoe, "Ho an'ny anjelin'ny fiangonan'i Laodikia," "Ho an'ny anjelin'ny fiangonan'i Efesosy," iraka avy eto an-tany; hitanareo, lehilahy, iraka, mpaminany, sy ny sisa, ho an'ny fiangonana.

³⁶⁸ Fa, ity Anankiray ity dia tsy avy eto an-tany. Nidina avy tany An-danitra Izzy, satria tanteraka avokoa ny zava-miafina. Ary rehefa tanteraka ny zava-miafina, dia hoy ilay Anjely hoe, "Tsy hisy andro intsony," ary namoaka ny feony ireo Kotrokorana Fito.

³⁶⁹ Ahoana moa raha zavatra iray hampahafantatra antsika izany hoe ahoana no hidirana ao amin'ny Finoan'ny Fampakarana? Izany ve? Hihazakazaka ve isika, hitsambikina ambonin'ireo rindrina? Ary misy zavatra vonona ny hitranga ve, ka ireto vatana tranaindy, simba, ratsy ireto dia hovaina? Mety ho velona hahita an'izany ve aho, O Tompo? Tena akaiky ve izany ka hahita an'izany aho? Ity ve ilay taranaka? Tompokolahy, ry rahalahiko, amin'ny firy izao? Aiza no misy antsika?

³⁷⁰ Ndao isika hijery ny famantaranandro, ny alimanaka, mba hahita hoe daty inona no iainantsika. Ao Palestina i Isiraely, ao an-tanindrazany. Ilay faneva, ilay kintana misy tendro enina an'i Davida (roa arivo taona lasa izay, hia, saiky dimanjato sy roa arivo taona lasa izao), ilay saina tranaindy indrindra, dia mikopakopaka. Tafaverina ao an-tanindrazany i Isiraely. "Rehefa mamoaka ny tsimony ny hazo aviavy, dia tsy ho faty ity taranaka ity, tsy ho lany, tapitra, mandra-pahatanteraky ny zavatra rehetra."

Rava ireo firenena, mifoha Isiraely,
Ireo famantarana izay nolazain'ireo mpaminany
mialoha;

Voaisa ireo andron'ny Jentilisa, miaraka amin'ny tahotra manarona;

“Miverena, O ry niely, amin’ny anareo manokana.”

Akaiky ny Andron’ny fanavotana,

Raiki-tahotra ny fon’ny olona;

Aoka ho fenoina ny Fanahy, ny fanilonareo ho voadio sy hazava,

Miandrindrà, akaiky ny fanavotana anareo!

Mandainga ireo mpaminany sandoka, lavin’izy ireo ny Fahamarinan’Andriamanitra,

Hoe Jesosy ilay Kristy no Andriamanitsika.

Fantatrareo fa Izany no Fahamarinana! Hia.

Fa handeha eo amin’izay nitsahan’ireo apostoly isika.

Satria akaiky ny Andron’ny fanavotana,

Raiki-tahotra ny fon’ny olona;

Aoka ho fenoina ny Fanahy, ny fanilonareo ho voadio sy hazava,

Miandrindrà, akaiky ny fanavotana anareo!

³⁷¹ Mety ho akaiky noho izay iheveranareo azy izany. Mampahatahotra ahy izany. Oh, tsy nahavita betsaka aho. Aiza no misy antsika?

³⁷² “Tsy hisy andro intsony.” Manambara Izy fa tapitra ny fotoana. Inona no mitranga? Inona no mitranga? Mety ho tahaka an’izany ve ankehitriny, rahalahy? Eritrereto am-pahamatorana. Raha izany no izy, amin’izay fotoana izay dia voasaron’ireo Kotrokorana Fito ilay pyramida.

³⁷³ Tsaroanareo ve ilay Hafatry ny pyramida? Izany no Vatosarona. Inona no nataon’Izany? Ny Fanahy Masina no nanarona ny isam-batan’olona ka nanisy tombokase azy, rehefa nanampy tamin’ny finoantsika isika; ny fahamarinana, sy ny toe-panahy araka an’Andriamanitra, sy ny finoana, sy ny sisa, ka nanohy nanampy tamin’izany mandra-pahazoantsika an’ireo zavatra fito. Ary ilay anankiray fahafito dia fitiavana, izay Andriamanitra. Tahaka an’izany no Anaovany ny isam-batan’olona, ka manarona azy ary manisy tombokase azy amin’ny Fanahy Masina.

³⁷⁴ Noho izany, raha tahaka an’izany ilay izy, dia nanana taom-piangonana fito Izy, izay Nananany an’ireo zava-miafina fito izay nambara, sy niadian’izy ireo, mba hamerina. Ary ankehitriny dia tonga ilay Vatotendro, mba hanarona an’ilay Fiangonana. Izany ve no dikan’ireo Kotrokorana, ry rahalahiko? Tompokolahy, eo amin’izany ve no misy antsika?

³⁷⁵ Junie, te-handray nynofinao aho. Jereo. Junior, talohan’ny hany nitoriana an’ilay pyramida, volana maro talohan’izany, dia nahita an’io nofy io.

Hoy ianao hoe, “Ahoana ny amin’ny nofy iray?”

³⁷⁶ Nanonofy nofy iray i Nebokadnezara izay nadikan’i Daniela, niteny ny fiandohan’ny taonan’ny Jentilisa sy hoe rahoviana no hiala izany. Ary tahaka an’izany marina tokoa no nahavitany. Tsy nisy diso na anankiray kely aza.

³⁷⁷ Voamarikareo ve? Ilay soratra izay ny... teo ambonin’ireo vatolampy, nadikako tamin’izy ireo Izany. Faly izy ireo. Izany dia “ilay zava-miafin’Andriamanitra” izay efa tsy azo, nandrity ny taona maro. Mety ho izany ve?

³⁷⁸ Ary mariho avy eo. Tamin’ny fomba mahagaga iray, dia nalaitsika, avy teny amin’ny rivotra, ny fitaovana maranitra iray izay nanokatra ny tampony. Ary nisy granita fotsy tao anatin’ tao, saingy tsy voadika Izany. Tsy nisy litera tao. Tsy nadikako Izany, Junior. Nojereko fotsiny Izany, ka hoy aho tamin’ireo rahalahy hoe, “Jereo Ity.” Ary tanteraka izany, izao hariva izao.

³⁷⁹ Ary raha nandinika an’Izany izy ireo, dia lasa tampoka nankany andrefana aho. Ho an’ny inona? Mba hahazo ny fandikana an’izay voasoratra teo amin’ny tampon’Io angamba. Mety ho izany ve?

³⁸⁰ Ary Ireo, fipoahana, indray maraina, izay nanozongozona ahy mafy mandra-piakatro teny amin’ny habakabaka, avo tahaka an’ity tranobe ity, io andian’Anjely io, Anjely fito tao amin’ny endrika pyramida. Ireo Kotrokorana izay tonga ve izany? Mety ho izany ve?

³⁸¹ Voadika daholo izany. Araka nynofiny, vita daholo izany. Araka ny Tenin’Andriamanitra, dia hamarana ny iraka fahafito, ho tapitra ny Hafatra fahafito, ary avy eo dia ireo Kotrokorana Fito. Ary nahita vatosarona nivadibadika izy.

³⁸² Fa, olona maro no tsy mahafantatra akory aza hoe misy ireo Tombokase Fito tsy maintsy ho voambara. Efa namaky ny bokin’ireo lehilahy maro aho mikasika ny Apokalypsy, fa tsy nahare an’Izany noresahana mihitsy. Nodinganin’izy ireo Izany. Saingy efa notenenina taminareo fa eo Izany.

³⁸³ Tsy fantattro hoe inona ilay izy. Mety ho izany ve? Hamindra fo amintsika anie Andriamanitra! Raha izany no izy, dia ao amin’ny ora matotra iray isika. Ankehitriny, iray minitira fotsiny, jereo. Raha izany no izy, ka tanteraka ilay zava-miafina, izay voasoratra tao anatin’ireo vatolampy ireo.

³⁸⁴ Faly aho ny mipetraka ao anatin’ny fiangonana iray miaraka amin’ny vahoaka masina izay azon’Andriamanitra omena nofy iray. Faly aho ny mampahafantatra amin’ireo lehilahy sy vehivavy izay mandeha mankao amin’ny fiangonana’i Junior, sy mankato amin’ity fiangonana ity, mankao amin’ny andRahalahy Neville, ary izy ireo, fa misy olona mipetraka ato amin’ity fiangonana ity, ka hoy ny Baiboly hoe, “Hanonofy nofy

izy ireo amin'ny andro farany.” Ary io ilay izy. Ary jereo izany, mitaha amin’ny Teny izany.

³⁸⁵ Tsy nahafantatra na inona na inona mikasika an’izany, tonga ny fipoahana iray, ary indro tonga avy tany amin’ny Mandrakizay ireo Anjely fito. Hoy aho hoe, “Tompo, inona no Tianao hataoko?” Tsy voalaza izany. Mety tsy maintsy handeha aho, aloha, mba hahita. Tsy fantattro. Mety tsy ho izany koa aza. Tsy fantattro. Milaza fotsiny aho hoe, “Ahoana moa raha izany ilay izy?” Raha ara-tSoratra ilay izy, dia toa tena akaiky izany. Tsy mihevitra tahaka an’izany ve ianareo? [Hoy ny fiangonana hoe, “Amena.”—Mpand.]

³⁸⁶ Jereo. Noho izany, jereo, tsy voadika ilay vatosarona. Hitanareo? “Mandehana mankany andrefana, dia miverena.” Sa, ity ve ilay izy, izany ve ireo Anjely fito tao amin’io andian-kintana izay tonga teo amiko io?

³⁸⁷ Ary rehefa mihaona aminareeo aho amin’ny Andron’ny fitsanganana, dia ho hitanareo fa tsy mandainga aho; Andriamanitra, no Mpitsarako.

³⁸⁸ Sa, io ve ilay faratampony faharoa izay noresahako indray andro? Misy zavatra tonga ho an’ilay Fiangonana ve? Tsy fantattro. Afaka mijanona eo amin’izany kely fotsiny aho, saingy hanohy aho.

³⁸⁹ Mety ho izany ve, ilay kotrokorana mahery, na ilay Anjely fahafito tao amin’ireo fito, andian-kintana, andian-kintan’ny vanim-potoana fahafito, ny pyramidan’izy ireo dia natao tao amin’ny endrika iray (telo teo amin’ny ilany iray, ary anankiray teo an-tampony), ka nidina avy tany amin’ny Mandrakizay izy ireo? Mety ho izany ve?

³⁹⁰ Io ve ilay zava-miafina, an’ireo Kotrokorana, izay hamerina an’ilay Vatotendro? Fantatrareo, tsy voasarona mihitsy ilay pyramida. Tsy mbola tonga ilay Vatotendro. Nolavina Izany. Mety ho izany ve, rahalahy, ranabavy?

³⁹¹ Sa, izany ilay Sintona Fahatelo izay Noteneniny tamiko, telo na efa-taona lasa izay?

³⁹² Ny Sintona Voalohany, tsaroanareo ve izay nitranga? Nanandrana nanazava an’Izany aho. Hoy Izy hoe, “Aza manao an’izany.”

³⁹³ Ilay Sintona Faharoa, hoy Izy hoe, “Aza manandrana.” Ary nisintonia aho, na ahoana na ahoana. Tsaroanareo ve? [Hoy ny fiangonana hoe, “Eny.”—Mpand.] Ianareo rehetra dia mahatsiaro. Eo amin’ny horonam-peo sy ny sisa izany.

³⁹⁴ Ary avy eo dia hoy Izy hoe, “Ankehitriny ho tonga ny Sintona Fahatelo, saingy aza manandrana manazava an’Izany.” Hitanareo ve hoe toy ny ahoana no nanatonako an’Ity, izao hariva izao? Tsy fantattro. Fa, mahatsapa ho manana adidy aho, amin’ny

fiangonako, ny hilaza zavatra iray. Sintony ny fehin-kevitrareo manokana.

³⁹⁵ Ankehitriny, izao ve ilay zava-miafina izay hanokatra, izay hitondra an'i Kristy, hitondra ny Hery ho an'ilay Fiangonana? Hitanareo? Isika dia efa . . .

³⁹⁶ Mino ny fibebahana isika, efa natao batisa tamin'ny Anaran'i Jesosy Kristy. Mino ny fandraisana ny Fanahy Masina isika. Manana an'ireo famantarana, fahagagana, zavamahagaga, fitenenana amin'ny fiteny tsy fantatra isika, ary ireo zavatra izay nananan'ilay Fiangonana voalohany. Ary, am-pahatsorana, dia efa nisy betsaka natao, teto mihitsy, noho izay voasoratra ao amin'ny Bokin'ny Asa, tato amin'ity vondron'olona kely ity, ity asam-panompoana kely bitika antsika eto ity. Ahoana ny amin'izao tontolo rehetra izao? Hitanareo? Mihoatra noho izay voasoratra ao amin'ny Bokin'ny Asa, ilay karazany iray ihany! Ny fananganana ny maty! Tsarovy, teo amin'ny olona telo teo fotsiny ihany no nitsangana, tamin'ny maty, tamin'ny alàlan'i Jesosy Kristy. Fa isika dia manana eo amin'ny firaketana, firaketan'ireo dokotera, dimy. Hitanareo?

³⁹⁷ "Ireo asa izay Ataoko, hanao mihoatra noho izany ianareo." Fantatro fa ny King James dia milaza hoe "lehibe kokoa," fa tsy afaka manao na inona na inona lehibe kokoa ianareo. Maro amin'izany! Tao amin'ny Olona anankiray Izy tamin'izany; ao amin'ilay Fiangonana manontolo Izy ankehitriny. Hitanareo? "Hanao mihoatra noho izany ianareo, satria mankany amin'Ny Raiko Aho."

³⁹⁸ Raha izany no ilay Sintona Fahatelo, amin'izay fotoana izay dia misy asam-panompoana lehibe iray mipetraka eo aloha. Tsy fantattro. Tsy afaka milaza aho. Izaho—tsy fantattro.

³⁹⁹ Diniho. Sintona Fahatelo, ndao isika hijanona eo amin'izany, iray minitra. Tao amin'ilay fahitana, ny fanidinana voalohany dia ireo vorona iraka kely; izany dia fony isika nanomboka voalohany. Nitombo izany, nanomboka teo amin'ny fandraisana olona iray tamin'ny tànana fotsiny.

⁴⁰⁰ Ary tsaroanareo ve izay Noteneniny tamiko? "Raha ho tso-po ianao, dia izao no hiseho hoe ho fantatralo ny tena tsiambaratelon'ny fon'izy ireo." Firy no mahatsiaro an'izany ho voalaza avy teto, sy nanerana ny firenena? [Hoy ny fiangonana hoe, "Amena."—Mpand.] Ary nitranga ve izany? ["Amena."] Marina tokoa. Avy eo dia nanao hoe, "Aza matahotra. Homba anao Aho." Hitanareo? Ary hitohy izany.

⁴⁰¹ Ankehitriny, ilay Sintona Voalohany dia vorona kely, bitika; ireo fanidinana. Nanohy izy ireo mba hihaona amin'ny fotoana, hihaona amin'ny Fihavian'ny Tompo; ilay Hafatra voalohany.

⁴⁰² Ny fotoana Faharoa, ireo tsiambaratelon'ny fo. Nanomboka tamin'ny fandraisana olona iray tamin'ny tànana, ary

nitsangana teo fotsiny ka nilaza an'izay nananan'izy ireo; ny fotoana manaraka, dia nanambara ny fahotan'izy ireo izany ka niteny tamin'izy ireo an'izay hatao. Ary na... Marina ve izany? [Hoy ny fiangonana hoe, "Amena."—Mpand.] Avy eo, izany dia niseho, tanteraka, araka ny nilazan'Andriamanitra azy mihitsy. Ary ianareo no vavolombelona, ary toy izany koa izao tontolo izao, toy izany koa ny fiangonana.

⁴⁰³ Rehefa hoy aho hoe, "Nahita Anjely iray aho, ary Izany dia Afo emeralda iray, nirehitra," dia nihomehy ny olona ka nanao hoe, "Billy, manakaikeza ny tenanao." Ireo maso siantifika majikan'ny fakan-tsary no naka an'Izany. Tsy nandainga aho. Niteny ny Fahamarinana aho: Andriamanitra no nanamarina.

⁴⁰⁴ Hoy aho hoe, "Aizina no manaloka; fahafatesana izany, mainty. Ary *Ity* dia fotsy. Ny Anankiray dia Fiainana, ilay iray hafa dia fahafatesana." Ary eo Izany, eo amin'ilay sary ao ambadika *ao*. Any amin'ny...

⁴⁰⁵ Araka an'i George J. Lacy—Lacy nanao hoe, "Tsy haka psykolojia ny maso mekanikan'io fakan-tsary io." Manaraka ahy ve ianareo? [Hoy ny fiangonana hoe, "Amena."—Mpand.]

⁴⁰⁶ Mariho, ilay fanidinana kely voalohany; tànana. Ilay faharoa dia lehibe kokoa, fotsy kokoa, voromailala; ny Fanahy Masina manambara an'ireo tsiambaratelon'ny fo. Ary ilay fanidinana fahatelo dia Anjely (fa tsy vorona), Anjely; ary izany no andro farany, izay ihany ny amin'izany. Ho izao ve no fotoana, rahalahy? Izao ve no fotoana?

⁴⁰⁷ Henoy tsara ankehitriny, ary aza diso fandika an'ity. Tehanontany zavatra aminareo aho.

⁴⁰⁸ Ndao isika hiverina iray minitra fotsiny. Ny fiangonana dia mahafantatra fa izany no fahamarinana. Izao tontolo izao siantifika dia mahafantatra fa izany no fahamarinana. Ary mipetraka ato ireo olona, izao hariva izao, ary mbola velona, izay nitsangana teo amin'ny renirano teto rehefa niteny an'izany io Feo io, ka nanao hoe, "Tahaka ny nanirahana an'i Jaona niaraka tamin'ny hafatra iray an'ny fihaviana voalohany, dia toy izany koa ity Hafatra faharoa ity, an'ny Fihaviana faharoa." Tsaroanareo ve? [Hoy ny fiangonana hoe, "Amena."—Mpand.]

⁴⁰⁹ Ary raha tapitra Izany, dia inona no nataon'i Jaona? Jaona no ilay anankiray izay nanao hoe, "Indro, ny Zanak'ondrin'Andriamanitra izay manaisotra ny fahotan'izao tontolo izao. Izy izany." Izao ve no ora, tonga ve izany, ry rahalahiko? Tsy milaza hoe tonga izany. Tsy fantatro. Fa, manontany anareo aho. Tiako hieritreritra ianareo. Sa, ho izao ve ilay fotoana izay hisy indray ny hoe, "Indro ny Zanak'ondrin'Andriamanitra"?

⁴¹⁰ Sa, ny fotoan'i Malakia 4 hoe, "Mamerina ny fon'ny zanaka ho amin'ny Finoan'ireo raintsika"? Ho fipoahana iray tahaka an'izany ve no—no hanao zavatra mahery tahaka an'izany, hany

ka izany no hametraka an'ilay Fiagononana, izay efa nitongilana ka tsy afaka mahazo an'ireo zava-miafin'Andriamanitra, sy ny sisa? Rehefa mahita an'io fipoahana mahery mitsoka io izy ireo, dia izany ve no hamerina ny fony ho amin'ny Ray, araka ny nolazain'ny Baiboly fa hataony? Sa, izao ve ilay Hafatra, efa lasa, izay tokony nanao an'izany? Tsy fantatro.

⁴¹¹ Izao no famantaran'ny andro farany, tompokolahy. Na, izao ve no famantarana fa tapitra ilay izy? Toa tena ara-tSoratra ilay izy, ho ahy. Tsy fantatro. Teo ireo Anjely ireo. Nisy fipoahana iray, tahaka ny kotrokorana iray, izay nanozongozona ny tany manontolo. Andriamanitra no mahafantatra fa miteny ny fahamarinana aho.

⁴¹² Tsarovy fotsiny, misy zavatra vonona ny hitranga. Tsy fantatro hoe inona ilay izy. Fa mety ho izao ve izany? Ny antony ilazako an'izao, dia omàny ny tenanareo! Ndao isika hivavaka, (hivavaka ahoana?) haka ny toerantsika ao amin'ilay tafik'ireo Mpiony, ka hanomana ny tenantsika, satria mety efa tara noho izay eritreretintsika izao.

⁴¹³ Mahafantatra ahy ianareo, ary tsy mbola niteny lainga iray taminareo mihitsy aho, tsy mbola, araka ny fantattro. Ary tahaka ny nolazain'i Samoela tamin'izy ireo hoe, "Efa mba niteny zavatra taminareo ve aho, tamin'ny Anaran'ny Tompo, ka tsy niseho?" Ankehitriny, miteny aminareo aho ankehitriny. Tsy fantattro hoe inona izao. Tsy afaka milaza aho hoe inona izao. Tsy fantattro. Fa, hiteny aminareo ny Fahamarinana aho. Matahotra aho. Amin'ny maha-rahalahinareo, dia natahotra aho hatramin'ny Sabotsy.

⁴¹⁴ Mety ho ny andro farany ilay izy. Mety ho izany no fotoana hitetezan'ireo avana ny lanitra, sy filazana iray avy eny andanitra, manao hoe, "Tsy misy andro intsony." Raha izany no izy, dia ndao isika hanomana ny tenantsika, ry sakaiza, hihaona amin'Andriamanitsika. Efa nisy Sakafo betsaka napetraka ankehitriny. Ndao isika hampiasa an'Izany. Ndao isika hampiasa an'Izany ankehitriny. Ary miaraka amiko, avy eto amin'ity lampihazo ity, miantsoantsa an'Andriamanitra aho hoe, "Tompo Jesosy, mamindrà fo amiko!" Niezaka niaina ny tsara indrindra izay fantattro hoe ahoana aho. Niezaka nitondra ny Hafatra tamin'ny fomba tsara indrindra izay vitako aho, avy tamin'ny Tenin'Andriamanitra. Andriamanitra no mahafantatra ny foko.

⁴¹⁵ Fa, rehefa nitsoka an'io toerana io ilay andian-kintan'Anjely, dia nailemy aho. Tsy afaka nahatsapa akory aza aho, nandrity ny ela be. Nahatsapa mihitsy aza toy ny hoe, ela be taty aorianea, niezaka nitety an'ilay efitra, nanomboka teo amin'ny hazondamosiko mihitsy aza, ary ambony-sy-ambanin'ny tendako, nailemy tanteraka, tahaka an'izany, ary tsy nisy fahatsapana. Tsy afaka nahatsapa aho, teo amin'ny tànako. Very hevitra aho, ny

tontolo andro. Izaho—niditra tao amin’ny efitra fotsiny aho ary nippetraka.

⁴¹⁶ Ny Alahady, tonga teto aho hiresaka, ary izaho—niezaka aho ny hanala ny tenako amin’izany, tamin’ny alàlan’ny firesahana. Ny Alatsinainy, dia teo indray ilay izy. Ary eto ilay izy ankehitriny.

⁴¹⁷ Ary tsy fantattro. Tsy fantattro, tompokolahy. Mahitsy fo fotsiny aho, aminareo, amin’ny maha-rahalahiko. Tsy fantattro. Izao ve—izao ve no fotoana? Ilay asam-... tanteraka daholo ve ilay zava-miafina? Tapitra daholo ve ilay filazana? Marina tokoa ve fa ireo Kotrokorana Fito ireo, dia vonona ny hampandre zavatra iray, hoe ilay vondrona kely izay miara-miangona dia handray ny Finoan’ny Fampakarana, mba handeha ao amin’ny Fampakarana rehefa tonga Izy? “Fa hovaina isika,” haingana tahaka ny nahatongavan’ireo Anjely ireo, “ao anatin’ny fotoana fohy, ao anatin’ny indray mipi-maso; ka hakarina miaraka amin’ireo izay nodimandry, mba hitsena ny Tompo eny amin’ny habakabaka.”

Ny fivavako dia izao:

⁴¹⁸ Andriamanitra, raha izany no izy, dia tsy fantattro, Tompo. Niteny tamin’ny fiangonana fotsiny aho. Raha izany no izy, Tompo, dia omàny ny fonay. Ataovy vonona izahay, Tompo, ho an’io ora lehibe io, ka ny tantaran’ny fotoana rehetra, ireo mpaminany sy olon-kendry rehetra dia niandry an’io fotoana io. Tompo, tsy fantattro izay lazaina. Hatahotra aho ny hilaza hoe, “Aza tonga, Tompo.” Mahatsapa ho menatra ny tenako aho, rehefa mijery ka mahita an’izao tontolo izao ao amin’ilay toerana, tsy nahavita betsaka noho izay nataoko mikasika an’izany aho. Menatra ny tenako aho. Raha misy ampitso iray, Tompo, dia hosory ny foko. Hosory lehibe kokoa aho, Ray, mba ahafahako manao ny zavatra rehetra izay vitako, mba hitondra an’ireo hafa hankeo Aminao. Anao aho.

⁴¹⁹ Mahatsapa tahaka an’i Isaia aho, tao amin’ny tempoly tamin’io andro io, rehefa nahita an’ireo Anjely nanidina nandroso-sy-niverina izy, niaraka tamin’ny elatra nanarona ny Endriny, ary nanarona ny Tongony, ary nanidina tamin’ny elatra hoe, “Masina, masina, masina!” Oh, ahoana fa voahozongozona io mpaminany tanora io. Nanomboka nahazo taona kely izy. Ary rehefa nahita an’izany izy, na dia efa nahita fahitana aza, dia nihiaikiaka izy hoe, “Lozako!”

⁴²⁰ Ray, angamba somary nahatsapa tahaka an’izany aho, rehefa nahita an’ireo Anjely ireo indray hariva, na indray maraina, raha ny marina. Lozako, fa lehilahy maloto molotra aho, ary monina eo anivon’ny olona tsy madio. Ary, Ray, diovy aho.

⁴²¹ Ary inty aho. Iraho aho, Tompo, na inona izany na inona. Ary mitsangana eto amin’ity polipitra ity aho izay efa nisy ahy nandritry ny telopolo taona. Raha misy zavatra iray, Tompo,

Tianao hataoko, dia inty aho. Vonona aho, Tompo. Saingy, enga anie aho hahita fitia eo Imasonao. Am-panetre-tena, no ivavahako.

⁴²² Mivavaka ho an'ilay ondry kely izay nanaovan'ny Fanahy Masina ahy ho mpiambina aho, hamahana azy ireo. Ary efa nanao ny rehetra fantattro hatao aho, Tompo, mba hamahana azy ireo amin'ny Mofon'Aina. Tahaka ny tao amin'ilay fahitana, taona maro lasa izay, izay nisy an'ilay lamban'efitra goavana nipetraka tany Andrefana, sy tendrombohitra iray an'ny Mofon'Aina; ilay boky kely hoe, "*Tsy Mba Tsy Nankatò Ny Fahitana Avy Tany An-danitra Aho.*" Ary indro fa miseho izany rehetra izany, voambara mihitsy eto anatrehanay.

⁴²³ Andriamanitra Ianao, ary tsy misy hafa afa-tsy Ianao. Raiso izahay, Tompo. Mamelà anay amin'ny fahotanay. Mibebaka aho ny amin'ny tsi-finoako rehetra, ny amin'ny heloko rehetra. Mifona eo amin'ny alitaran'Andriamanitra aho.

⁴²⁴ Satria tonga aho izao hariva izao, miaraka amin'ity fiangonana kely ity eto anoloako, dia amin'ny finoana no hialanay amin'ity tranobe ity, ao amin'ny fampakarana hoe, "satria miara-mipetraka ao amin'ireo toeran-Danitra izahay," manodidina ny Seza fiandrianan'Andriamanitra. Efa nafana imbetsaka ny fonay, tao amin'ireo zavatra izay efa hitanay Nataonao, sy ny fanokafana an'ireo Zava-miafinao taminay. Fa, Tompo, izao hariva izao, dia sasatra tanteraka aho. Lozako!

⁴²⁵ Ary—ary Jakoba dia, rehefa nahita an'ireo Anjely nidina sy niverina tamin'ilay tohatra izy, dia hoy izy hoe, "Toerana mahatahotra ity, tsy hafa fa tranon'Andriamanitra." Ary teo no naorina i Betela.

⁴²⁶ Andriamanitra, tsy azon'ny olona izany. Mihevitra izy ireo fa hisy fifaliana betsaka izany. Saingy, Tompo, hasasarana toy ny inona, zavatra mahatahotra iray toy ny inona ho an'ny olombelona iray ny miditra ao amin'ny Fanatrehan'ny Vatan-Danitra iray lehibe, mahery.

⁴²⁷ Mivavaka aho ho an'ny famelàna ny fiangonana keliko eto, izay Nanirahanao ahy mba—mba—mba—mba ho tarihina sy ho tarihin-dàlana. Tahio izy ireo, Tompo. Efa nataoko arak'izay nolazain'ireo fahitana sy nofy sy ny sisa, arak'izany, ny tsara indrindra tamin'ny fahalalako. Napetrako ny Sakafô rehetra izay fantattro, ho azy ireo, Tompo. Na inona na inona izany, Tompo, dia Anao izahay. Mametraka ny tenanay eo an-Tànanao izahay, Tompo. Mamindrà fo aminay. Mamelà anay. Ary aoka izahay ho Vavolombelonao raha mbola eto an-tany foana izahay. Avy eo, rehefa tapitra ny fiainana, dia raiso izahay ho ao amin'Ny Fanjakanao. Fa mangataka an'izany amin'ny Anaran'i Jesosy izahay. Amena.

⁴²⁸ Ny tsirairay avy aminareo, diovy ny fonareo. Esory ny zavatra rehetra, ny mavesatra rehetra, esory eo amin'ny

làlanareo izany. Aza mamela na inona na inona hanelingelina anareo. Aza matahotra. Tsy misy na inona na inona atahorana. Raha ho avy Jesosy, izany dia tena... Izany no fotoana izay nisentoana sy nitomanian'izao tontolo rehetra izao. Raha zavatra iray hiseho izany ankehitriny, ho an'ny—ny fihaviana vaovao iray, ny fihaviana vaovao iray an'ny fanomezam-pahasoavana vaovao na zavatra iray, dia hahafinaritra izany. Raha tonga ny fotoana izay hahavoambara amin'ilay Fiangonana ny fanambarana an'ireo Kotrokorana Fito, ahoana no handehanana, tsy fantatro. Nilaza an'izay hitako fotsiny aho. Oh, oadray, fotoana iray toy ny inona! Fieritreretana matotra sy mihaja izany.

⁴²⁹ Ary raha izany no ho fotoana handehanako, izaho dia anao... Tompo, Anao aho. Rehefa mahavita Ianao, dia avia, Tompo Jesosy.

⁴³⁰ Na mety ho aiza ilay izy na aiza, na mety ho fotoana inona izany, dia Azy aho. Tsy milaza aho hoe maniry ny handeha aho; tsy maniry aho. Manana fianakaviana iray ho tezaina aho. Manana ny Filazantsara ho toriana aho. Fa, araka ny Sitrapony izany, fa tsy ny ahy. Ny Sitrapony izany. Tsy fantatro.

⁴³¹ Milaza fotsiny aminareo aho hoe inona ilay izy. Inona ilay izy, Andriamanitra no hanao an'izany hiseho. Fa miteny aminareo an'izay hitako sy izay nitranga aho. Inona no dikany, tsy fantatro. Fa, tompokolahy, mety ho izao ve no farany? Ah!

⁴³² Manatrika ireo olona ankehitriny, ireo olona enina izay nanana an'ireonofy ireo. Tsy hafahafa ve fa tsy nisy fito ilay izy? Tsy tena hafahafa ve ilay izy? hoe enina no nitarika niakatra, ary avy eo dia io fahitana io, teo no ho eo. Eto ireo olona. Rahalahy Jackson, eto, no anankiray; Rahalahy Parnell no iray hafa; Ranabavy Collins no iray hafa; Ranabavy Steffy no iray hafa; Rahalahy Roberson no iray hafa; ary Rahalahy Beeler no anankiray hafa. Ary ny Ray any An-danitra no mahafantatra fa tsy nisy anankiray amboniny nikasika an'izany. Ary teo amin'ny fiafarain'izany, ilay anankiray fahafito... izay Ranabavy Steffy, dia niseho teo no ho eo ilay fahitana. Hitanareo? Hitanareo ve hoe nahoana aho no handeha? Hitanareo ve hoe nahoana aho no tsy maintsy mandeha? Tsy maintsy ataoko izany.

⁴³³ Ary, ry sakaiza, aza mijery ahy. Rahalahinareo aho. Aza miraharaha ahy, satria mety maty iray fotsiny aho. Tsy maintsy maty tahaka ny olon-kafa rehetra aho. Aza mihaino ahy; fa henoy izay nolazaiko. Izay nolazaiko dia ny Hafatra. Aza miraharaha an'ilay iraka; diniho ilay Hafatra. Afantohy ny masonareo, tsy eo amin'ilay iraka, fa eo amin'ny Hafatra. Izay Nolazainy, dia izany ilay zavatra tokony ho jerena.

⁴³⁴ Ary hanampy antsika anie Andriamanitra, izany no fivavako. Halako... Tsy tiako ny ho tonga, hiteny an'ity

aminareo, saingy tsy te-hanafina na inona na inona aminareo aho.

⁴³⁵ Ankehitriny, araka ny fantattro, dia mamele ahy hiteny aminareo. Araka ny fantattro, handeha aho afaka roa na telo andro ho avy, Alarobia maraina, ho...ho any Tucson. Tsy handeha hankany Tucson history teny aho. Tsy handeha any history teny aho. Handeha hankany Tucson aho, hametraka ny fianakaviako ao an-tsekoly, ary avy eo dia lasa mpirenireny iray.

⁴³⁶ Handeha any Phoenix aho, hanao an'io andiam-pivoriane kely io, izay ho Hafatra kely fotsiny angamba. Ary—ary avy eo, angamba, izaho tsy...

⁴³⁷ Heveriko fa mila ahy history teny ao amin'ilay favoriana hariva anankiray izy ireo. Tsy nilaza na inona na inona mikasika an'izany mihitsy izy ireo, nilaza fotsiny izy ireo fa ho any aho. Hitanareo, tsy dia tena tsara loatra izany, ho ahy.

⁴³⁸ Ary manana teny iray aho, HOY NY TOMPO HOE, ho andRahalahy Shakarian, ihany koa. Ah-hah. Tsy fantattro izay hataony mikasika an'izany, fa manana ny teny hotenenina aminy aho. Tsy fantattro izay hataony. Miankina aminy izany. Efa nahamarika an'ilay *Voice* farany ve ianareo? Tsy natao ho rafi-pandaminana iray ilay izy, fa nanambara ny fanekem-pinoany izy ireo. Raha rafi-pandaminana iray, amin'izay fotoana izay dia hiala aho. Any ivelan'izany karazan-javatra izany aho.

⁴³⁹ Ankehitriny, azo inoana fa, Rahalahy Arganbright sy Rahalahy Role, diplomatry iray an'i Washington eo ambanin'ireo Filoha fito, dia tokony ho any Afrika. Ary Rahalahy Role, sy izaho, ary Rahalahy Arganbright, dia handeha any Afrika avy hatrany, ho an'ireo favoriana sasany any Afrika Atsimo sy Tanganyika, miaraka amin-dRahalahy Boze. Ary manohy hatrany, ary angamba mandalo an'i Australie, ary avy eo amin'izany, dia miverina, raha tsy manao zavatra hafa ny Tompo. Fa, alohan'ny andehanako, dia hiverina eto aho.

⁴⁴⁰ Avy eo, rehefa miverina avy any aho, raha tsy miteny amiko Andriamanitra, amin'ny fomba hafa iray, dia hitondra ny fianakaviako aho ka handeha hatrany Anchorage, Alaska. Ity dia atsimo-andrefana; itsy dia ho ny avaratra-andrefana. Ary amin'izay fotoana izay dia hamela azy ireo hijanona any mandritry ny fahavaratra, rehefa tena mafana any Tucson hany ka handoro ny hoditrareo hiendaka aminareo izany. Tsy mihevitra aho fa afaka hahatanty an'izany izy ireo. Ho tena manina sy kivy izy ireo! Tsy mivarotra an'ilay toerana izahay. Mijanona eo mihitsy izany, miaraka amin'ny fanaka ao an-trano. Tsy fantattro izay hatao.

⁴⁴¹ Avy eo, amin'ny fotoana hahataperan'ny fahavaratra, raha sitraky ny Tompo, dia te-handao an'i Alaska aho, ka ho tonga any Denver, afovoany-andrefana; atsimo-andrefana, avaratra-

andrefana, afovoany-andrefana, hiantsoantso hoe, “O Tompo, inona no Tianaо hataoko?”

⁴⁴² Eo anelanelan’izany, ny Hafatra tsirairay, araka ny fantattro, ho toriana, dia ho eto mihitsy, ity tabernakla ity. Eto no hisy an’ireo horonam-peo. Eto no misy ny foibe.

⁴⁴³ Ary tsy mikasa ny hijanona aho, miaraka amin’ny fiankaviako, any Andrefana. Hitady aho mandra-pahitako an’izay tian’Andriamanitra hataoko.

⁴⁴⁴ Raha tsy milamina izany amin’ity taona ity, amin’izay fotoana izay, amin’ny taona manaraka, tsy misy rano na sakafo, dia handeha any an-tany efitra aho, ka hiandry mandra-Piantsony ahy. Tsy afaka manohy tahaka an’izao aho. Tsy maintsy lasa mamoy fo ianareo. Tsy maintsy tonga eo amin’ny toerana izay tianareo ahafantarana an’izay sitrapon’Andriamanitra ianareo. Ary ahoana no ahafahanareo hanao an’ilay sitrapo raha tsy fantatrareo ilay sitrapo?

⁴⁴⁵ Mikaroka aho, noho io fahitana tany aorianana tany io hoe, “Izay nataonao.” Hitanareo? Mandeha manodidina toy ny misionera sy fitoriana filazantsara, mandra-pahatongan’io antso io. Tsaroanareo ve ilay voalohany, rehefa nametraka an’ilay vato fehizoro isika? “Ataovy ny asan’ny evanjelista,” hoy Izy. Tsy nanao hoe, “Evanjelista iray ianao.” Fa, “Ataovy ny asan’ny anankiray,” angamba mandra-pahatongan’ny zavatra hafa iray, fiovan’asa iray hafa. Angamba zavatra iray hafa. Tsy fantattro.

⁴⁴⁶ TIANAREO ve Izy? [Hoy ny fiangonana hoe, “Amena.”—Mpand.] Aoka ho tena hahazo antoka an’izany. Aoka ho tena hahazo antoka an’izany, ireo izay tia ny Tompo.

Izay miandry ny Tompo, dia manavao ny tanjany,
Hiakatra amin’ny elatra tahaka ny voromahery izy
ireo,
Hihazakazaka izy ireo fa tsy ho reraka, handeha
fa tsy ho sasatra;
Oh, ampianaro aho, Tompo, ampianaro aho,
Tompo, mba hiandry.

Tiako Izy. Fantattro fa ianareo dia tia, ihany koa. Ankehitriny, rahampitsa hariva . . .

⁴⁴⁷ Heveriko fa nataoko mazava tsara ilay izy. Sa tsy izany? [Hoy ny fiangonana hoe, “Amena.”—Mpand.] Mazava araka ny fantattro anaovana azy, izay ihany no fantattro. Izay ihany no fantattro lazaina. Ary raha voambara tamiko izany, ho an’ny zavatra iray, dia hoteneniko aminareo haingana. Fantattro fa liana ianareo, mba hahafantatra. Liana aho, mba hahafantatra. Tsy fantattro izay dikan’izany. Tsy fantattro izay—izay handehanako. Izaho—tsy fantattro izay hitranga. Izaho—izaho fotsiny dia . . . Ny zavatra tokana fantattro, handeha fotsiny aho, nohon’ny fahasoavan’Andriamanitra. Amin’izay fotoana

izay, dia Izy no hiteny amiko rehefa tonga any aho, angamba. Fa, ny anjarako ankehitriny, dia mandeha. Ary mety tsy ho roa herinandro aho no any, mandra-pahatonga ahy ho any an-kafa any ho any, ary mety hiverina eto. Marina izany. Tsy fantatro. Fa izaho dia . . .

⁴⁴⁸ Nampiditra ny vadiko sy ireo zanako tao anatin'izany io fahitana io. Ary ilay tena zavatra amin'ilay izy dia, tao anatin'ny kalesy misarona iray aho. Ary tamin'ilay minitra izay nidiarako tao, dia nisy, tao amin'ny fiaroko tarihina aho. Ary tahaka an'izany no handehananay, afaka andro vitsy, tsy mahafantatra izay halehanay, tsy mahafantatra an'izay hataonay rehefa tonga any izahay, mandeha fotsiny.

⁴⁴⁹ Hafahafa Andriamanitra, amintsika, satria tsy fantatra ireo Lèlany. Mila fankatoavana Izy.

“Ho aiza Ianao?”

“Tsy misy asanao izany. Manohiza mandeha fotsiny.”

“Inona no Tianaо hataoko, Tompo?”

⁴⁵⁰ “Tsinontsinona ho anao izany. Manaraha, ianao, Ahy.” Ah-hah. Ah-hah. “Manohiza mandeha fotsiny.”

“Aiza aho no hijanona?”

“Ho inonao izany? Manohiza mandeha fotsiny.”

Noho izany, indro aho mandeha, amin'ny Anaran'i Jesosy Kristy. Ah-hah. Amena.

Tiako Izy, tiako Izy
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

Izaho . . . (Izy no fiainako.) Izaho . . . (Ny rehetra izay ivelomako!)
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

⁴⁵¹ Tompokolahy, izao ve no fotoana? [Misamonomonona ny isan'andininny feno Rahalahy Branham sy ny fiangonana, miaraka, *Tiako Izy*—Mpand.] Ary raha mbola mihira an'izany indray isika, dia raiso ny tangan'ny olona eo akaikinareo. Manaova hoe, “Rahalahy, ranabavy, mivavaha ho ahy. Hivavaka ho anao aho.”

Izaho . . .

⁴⁵² [Mihodina Rahalahy Branham—Mpand.] Mivavaha ho ahy, Rahalahy Neville. [Hoy Rahalahy Neville hoe, “Hataoko izany, rahalahy. Mivavaha ianao ho ahy, rahalahy. Misaotra anao.”] Tena tso-po! [Hoy ny olona iray hoe, “Andriamanitra hitahy anao, Rahalahy Branham.”] Mivavaha ho ahy, rahalahy. Mivavaha ho ahy, ranabavy. Mivavaha ho ahy.

...ahy
Ka niv-...

⁴⁵³ Mivavaha, mivavaha ho ahy,...?...Mivavaha ho ahy,
...?...Mivavaha ho ahy,...?...Mivavaha ho ahy.

...hazon'i Kalvary.
Satria izaho...

Atsangano mankany Aminy ny tànantsika ankehitriny.

...Tiako... (Tena fitiavana!)

Satria nitia ahy mialoha Izzy

Ka nividy ny famonjeko

Teo amin'ny hazon'i Kalvary.

Eny, izaho... (Amin'ny foko rehetra!)

⁴⁵⁴ Ianao no manaraka, Rahalahy Neville. Hiverina aho. Lazao
ny fotoana ho an'ny favoriana. [Manohy mihira miaraka amin'ny
fiangonana Rahalahy Neville, *Tiako Izzy*, ary mampirava ny
fotoana—Mpand.]



IZAO VE NO FAMANTARAN'NY FARANY, TOMPOKO? MAG62-1230E
(Is This The Sign Of The End, Sir?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 30 Desambra, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org